

T. Ca. O.S.L. 38.

3766

7.22.77.

Ex libris Joannis Pálffy, Onida
Farkasdi Lávártijai, 1736.

Haz^o Rezső Múzeum
Tudományos Könyvtára
Székelyudvarhely

Haáz Rezső Múzeum
Tudományos Könyvtára
Székelyudvahely

Sacra Angelica et Apostolica Regni Hungariae Corona



NOBILE CÆLIGENO RESPLENDENS LUMINE SYDUS
DIGNUS ANNE POLO, DIGNUS ANNE SOLO
FULGE SIC PATRIÆ NE FATI SERA POTESTAS
TE CÆLI RURSUS COGAT ADIRE LARES

Martin Prokes Sculpsit Tyrnavice

COMMENTARIUS
PETRI DE REWA
Comitis Comitatûs de Turócz,
DE
SACRA REGNI HUNGARIÆ
C O R O N A
Ad nostra usq; tempora continuatus.

HONORIBUS
ILLUSTRISSIMI, SPECTABILIS, AC MAGNIFICI
DOMINI, DOMINI
FRANCISCI è COMITIBUS KALNOKY

De Körös - Patak &c.

Dum

In Alma Regio-Princip. S. J. Academia Claudiopolitana,
PROMOTORE

R. P. ANDREA GALL è Societate JESU,
AA. LL. & Philos. Doct. ejusdémq; Profess. emerito,
ac p. t. Seniore.

Supremâ AA. LL. & Philosophiæ Laureâ
insigniretur

A
Neo-Doctoribus Condiscipulis dicatus.

Annô Salutis M. DCC. XXXV. Mense die
CLAUDIOPOLI,
Typis Academicis Societatis JESU, per Simonem Tha-
dæum Weichenberg.

LIB. BIBLIOTHECA S. M. D.
AEP. IN CONFUSIONE VENIT SUB
LECTORE PROFESSORE RICHARD
SIGELKI ET BIBLIO PTECENS
JANUAR. FINTA 1803

Haaz Rézab
Tudományos Környet
Szerely Idvarhely
05998



ILLUSTRISSIME,
SPECTABILIS,
MAGNIFICE^{AC}
DOMINE COMES
NEO-DOCTOR.

Demosthenem Philosophorum,
Platonem Oratorum, qui M. T.
Ciceronem dixerunt: elogium illi
quidem arrogans in speciem, atque turgidum;
reapce id ingenii, & eloquentiae virō multò
dignissimum condiderunt. Quippe neminem
unum, seu profana Græcia, seu vetus Latium

tulit: cuius tanta fuisset simul in orando sapientia, facundia simul in philosophando. Hujus porro tanti Authoris infinitas intersententias, quibus morum doctrinam complexus est; multi illam, neque modicis laudibus extollunt: quam Libro I. de Officiis insertam his verbis explicat: Optima autem hæreditas à Patribus traditur Liberis, omnique patrimonio præstantior: gloria Virtutis, rerumque gestarum, cui dedecori esse, nefas, & vitium judicandum est. Effatum ethnici hominis infermandis etiam nostris moribus idoneum! adeò non abhorrens à vero; ut ipsa esse veritas videatur! Pulcherrima Parentum juxta, ac Filiorum institutio! illorum: quibus in rebus elaborandum sibi putent; ut familiam fundent ad æternitatem: ut nullo non ævô nomen eorum celebretur: horum verò: quales se præstare debeant; ut digni sint eo, quonati sunt loco, digni præclaris illis Viris, quorum nomine pariter, ac sanguine gloriantur.

At-

Atque utinam hoc tanquam oraculum è tripode, vel intellexissent, vel secuti fuissent primi complurium Conditores Familiarum, complures Filiifamilias illustri genere! næ illi stirpem firmioribus nixam radicibus ad Posteros propagâsent! næ illi melius immortalitati nominis sui consuluerint! ex horum autem numero non tot degeneres à Majoribus, probraque Illustrium alioqui stemmatum ætas omnis vidisset: non tot inglorii, réque nullâ memorabili gestâ in summa hominum ignorantie versarentur.

Felices Progenitores Tuos, Illustrissime D. Comes Neo-Doctor, qui Tulliani illius vim Asserti penitus assecuti, in eo nervos omnes industriæ contenderunt; ut Vos quam plurimarum hæredes Virtutum relinquerent: digni, de quorum laudibus nulla unquam ætas conticescat: quibus talis, tamque numerosa soboles succrescat. Felicem Te quoq; tot præstantissimorum nepotem Virorum! qui jam inde ab ineunte ætate id maximè agis,

§ 3

gis, id primis dignum curis ducis; ut quam
ab iis accepisti gloriæ hæreditatem; auētam
illam magnis accessionibus, & exaggeratam
ad venturam ætatem transmittere possis!
Et verò transmittes etiam; si propitium
præclaris cœptis Numen aspiret: si longior
obtingat lucis hujus usura. Etenim (ut ini-
tia Tua se dant) ubi Te virum ætas adul-
tior fecerit; nec Religio vindicem adversùs
Impietatem, nec Respub. idoneum maximis
gerendis negotiis ministrum, nec Patria stre-
nuum defensorem, nec Literæ cultorem exi-
mum, ac Mecænatem desiderabunt. Vete-
res illos KALNOKIOS, præclara illa Rei-
pub. columnina revixisse, existere aliquem ex
ossibus suis, qui pari secum libertate cau-
sam Religionis tueri audeat, magnus ille Pro-
avus Tuus JOANNES, illoque major A-
vus SAMUEL gratulabuntur. Quan-
quam nō aliquem dicere debebamus; sed tot
omnino, quot iisdem gloriamini Natalibus:
quot optimo Parenti Vestro superstites vivi-
tis

tis eximia indole Liberi. Quid enim gemit-
ni Fratres Tui, castra pridem secuti, THO-
MAS, & ANTONIUS? hic in inclyta Le-
gione Pestvármegyeiana, in Kókényesdia-
na ille, ambo primarii Duces agminis?
in quantam Patriæ, in quantam Familiæ spem
asperis militiæ laboribus formantur? Quid
tertius SAMUEL, idemq; PIUS non abs re-
dictus? qui cùm aliquamdiu, semet, otiumque
suum Pacis artibus oblectâset, réisque
familiarem velut in Toga domi curâset; Sa-
go tamen natum haud ita pridem apparuit:
cùm in eadem inclyta Legione Pestvárme-
gyiana gloriosô Volonis titulô militiæ nomê
dedit. Quid hic inquam? an nō satís luculentô
prodidit indicio: quid de se, deque sua Vir-
tute sperandum esset venerandis Majorum
cineribus? Quid? minimus ille natu JO-
SEPHUS? an non & ipse magnarum re-
rum exspectationi, & quantæ Kalno-
kiuum sanguinem deceant, materna licet
sub cura in Transalpinis adolescit?

En

*En generofissimam Sobolem inclytæ Gen-
tis, neque majori numerô, quām solatiō (si
viveret) clarissimi Viri, à quo suscepta est.
Quanquām si quis voluptatis sensus est vi-
tā fundis (est autem vivacissimus beatâ il-
lâ, bonisque omnibus affluente Patriâ rece-
ptis) lætari Illum etiamnum credibile est :
tot, tantæque indolis Liberorum factum esse
Parentem, in quibus, vel post fata super-
stes viveret. Vive stirps nobilissima, in tot
præclaræ spei surculos lætissimè germinans,
magno bonorum omnium gaudiô, quibus her-
bescens ista viriditas maximæ movit exspecta-
tionem ubertatis fructuum.*

*Sed ut ad Te, Illusterrime D. Comes
Neo-Doctor, à quo diverterat, oratio re-
deat ; læti, Hercules, intuemur : quanto stu-
deas opere, ut è Tullii præscripto avitam vir-
tutum gloriam, quæ Tibi maximi loco Patri-
monii obtigit, conserves, & augeas : ut ne
dedecori illi sis : ut ne quid admittas ; unde
labis aliquid eidem aspergeretur : ut in mores
eorum,*

*eorum, & laudissimum institutum imigres,
quorum titulis insigniris. Qua quidem in
re magnum & Tu superis debes beneficium ;
quod in ea natus es Familia, in qua Tibi ad
nullam laudis partem deesse duces possint. Et
enim est illud in illustribus Familiis gloriæ-
ne majoris ? an felicitatis ? quod domesticis
virtutum omnium abundant exemplis : sic, ut
ea foris petenda non sint : sic, ut quidquid cū
laude gestum in iis est ; nativum quodammodo,
non adscitum, non peregrinum videatur.
Nam, ut ad felicitatem soli, & quandam etiā
gloriam pertinet : insitiarum non egere plan-
tarū, sponte nascentibus, quæcunq; alibi pre-
tium à raritate, vel admiratione meruerunt ;
ita beatum æquè, ac gloriosum est illustri loco
natis : normam agendorum ab extraneis
non mutuari, redundantibus domi præ-
claris Majorum exemplis, in quæ Minores in-
tueantur : quæ consequentur. Id verò Tibi
magno, ut diceamus, superū beneficiō contigit
Illīme D. Comes, etenim sive militariū laudū
glo-
§ §*

gloriam adamasti: sive politicarum, atq; civiliū, sive demum earum, quibus unis veram comparaveris beatitatem, quæq; Xtiāni hominis officiō rite obeundō continentur ; habes è Majoribus, quos imiteris: quorū glorioſis vestigiis iſſitas: quibus facem velut præferentibus iter Virtutis arduū illud, & multimodis obſeptum, cæcisq; hinc, illinc voraginibus altè dehifcentibus formidolosum, finè prolapsione ſedator impiger emetiaris. Gentilitium hīc ego Vestrū appello caſtrū Kōrōs-Patak diētū, itēmq; aliud vulgō Nicolai Arcem vocitatum. Superi! quantam! quām multifariam hoc utrumq; in lucem dedit virtutem, & educavit à compluribus Sæculis, ex quo in jus inclytæ Vestræ Familiæ transiverunt! Quis (ut de reliquis taceam) quis avitas laudes meritis æquabit laudibus? quām Ille ſe magnificum in omni vita, quām generofūm, quām justum, quām fortem, quām amantem Patriæ præbuit? quanta Viri gravitas, quantum, quāmq; ardens Religionis ſtudiū, quanta pi-

ta pietas, quantus in bonas artes amor eluxit! ſed hæc ſtrictim ſcilicet attigerimus; idq; ut quæ Tibi à Majoribus tradita hæreditas eſt, quāmq; circumfluas domesticis virtutū exemplis, appareret; non autem quaſi omnem Tuam laudem ab avitis accerſeremus ornementis. Etenim propriis ipſe ſic abundas, ut non minorem à Te lucem ſibi Posteritas poſſit promittere; quām Tu à Majoribus acceperis. Illud peculiari dignum præconiō: quod ubi ſuīnam Tuam eſſe laudē cenuiſſes; ſi ſimilis Heroum illorū Familiæ Tuæ habereris; ad hanc adipiſcendā toto peclore incumbas, eā Tibi propositā vivendi regulā: ut quorū ſimilis haberi cupias; eſſe contendas, & adlaboreris, memor, ut opinamur, illius Socratī: Viām hanc proximam, & quaſi compendiariam eſſe ad gloriam: ſi quis id ageret; ut qualis haberi vellet, talis eſſet. Nimirum ſunt, quos deleſtent egregia facinora, quibus paternum, aut avitum nomen primū incla-ruit; ſunt, qui ad eorum imitationem exar-
§ § 2
descant;

descant; sed enim fatuis ignibus, qui vel sponte intereant brevi, trahantq; in interitū fatuos seclatores: vel certè levi etiam ab aura citò restinguantur. Deficiunt, ut plurimū degeneres animi in ipso conatu magnarum rerum, laboris impatientiâ, & contenti eô, ut partam ab Avis gloriam ignavi fuci depascantur: ut magni Nominis patrimonio ab iisdem accepto fruantur in otio; Profapiæ suæ indecores emori non curant. Aspirant ad similitudinem eorum, qui primi genus suum illustravissent; verùm, ut ad eam perveniant, imò ut pervenire contendant; ne ipsi quidem id à se impetraverint, molles, & effeminati. Ergo vel grandibus natu ætatem faciunt equi, canes, choreæ, specula, calamistri, verbo: crepundia; dum ignavô tandem, turpiq; seniô confecti ad plures abeant inglorii, æterna oblivione sepeliendi.

Quàm diversus ab horum moribus abis Tu Illme D. Comes Neo-Doctor, quàm in contraria cursum flexisti! Quantæ enim Tibi cu-

ræ

ræ fuit à teneris (ut ajunt) "ungvicolis; ut quod haberi aliquando cupis decus eximiū inclytæ gentis Kalnokiæ; illud evaderes! Hinc nimirum à Te bonarum artium præsidia tam sollicitè quæsita fuerunt: hinc pertinax illa Tua studendi contentio extitit, obnunciantibus necquidquam etiam rei domesticæ difficultatibus, quibus Te pressum antè scilicet, animadvertisisti; quàm nōsse per ætatem posses earum levandarum rationem. Hinc Philosophiæ curriculum triennii à carceribus (quod dici solet) ad metam usq; confectum: hinc tot exhausta tædia: hinc nihil non actum, nulli parsunum operæ tum in amoliendis, quæ studiorum progressum sufflaminatura timebatur, obstaculis; tum in comparandis, quæ eidem provehendo adjumento esse poterant, subsidiis. Probè nimirum illud intelligebas: sine excellenti literatura nec viri Nobilis dignitatē, nec partam Majorum virtute gloriā Te posse tueri, hoc præsertim ævô tam cultô, tam eruditô, tam addicô scientiis. Probè intelligebas: i-

§§ 3

gnaviâ,

gnaviā, & inertiā neminem factum esse
imortalem, stertendo confici nihil, his maximē
temporibus adeò ferreis, quibus Dij labori-
bus omnia vendere, nec abs re, dicuntur: fe-
licibus illis, atq; aureis pridem eheu! præter-
lapsis, quibus fruges tellus etiam inarata fe-
rebat. Probè intelligebas hominem illiteratū
claris licet alioqui natalibus ortum, licet ado-
ratum à vulgo nobilitatis opinione, statuam
tamen esse, quæ vultu tantum, atq; humeris,
motuq; item ad Mechanicæ leges factō homi-
nem referat; non spiritū intus agentis ad-
mirandis operibus, non rationis culturā, qua-
vel maximē homines sumus. Imò similem fu-
sili illi simulachro, quod licet totū ex ære rige-
ret; excors licet esset vitulus; licet artis omnis
expers, unde cieri per se motu aliquo potuif-
set; à populo tamen Hebræo, oculos imperi-
tos auri radiantis fulgore velut occæcante, in
loco Numinis aliquando cultū sacræ tradunt
Literæ. Similem item Virgiliano illi Poly-
phemō, cui lumen ademptum, à quo nō lu-

cem

cem familia exspectet; sed umbram, sed cali-
ginem metuat, tantóq; majorem, quò moles in-
sana stipitis fumosis Majorum imaginibus
insigniti altius assurgit.

Macte igitur hac tanta Virtute, hoc tam
incitatō ad gloriam impetu, his tam præclaris
initiis Ilmē D. C. Neo-Doctor. Fructum
industriæ Tuæ, fructum tot añorum, quos in
pulvere scholastico contrivisti, non pœniten-
dum hodie cepisti, adeptus lauream, quam be-
nemeritis verticibus imponere supremā Phi-
losophia conservit, testem eruditionis supra
vulgarem excellentis, adeptus & pallium ve-
tus illud insigne Philosophorum. Veniet tem-
pus, ubi & Respub. de qua præclarissimè mere-
bere, amplissima Tibi decernet præmia: ubi
Tibi Patria, ubi stirps inclyta, ubi boni o-
mnes applaudent. Nos hodie vicem eorum
fungimur, Tibiq; qui tanto nobis, tanto cur-
sui nostro Philosophico fuisti ornamento, Tibi
inquā honorem, quo Te hodie Philosophia au-
xit, isto quē cernis, Comentariō de Sacra A-
postolici

postolici Regni Corona, gratulamur, omni-
ne, ut speramus, haud vano: maxima olim
Tua in Patriam merita maximis etiam præ-
miis coronatū iri. Age modò, veteribus illis
Kalmokiis velut redivivis in Temet ostensis
dignum Te Patre, dignum Sangvine, dignum
Nomine Tuo, dignum Transilvaniæ totius
exspectatione præbere stude. Natum Te laudi,
natum gloriæ puta, id quod haec tenus etiam
insignibus à Te documentis factum calcar
nobis addidit ad virtutem. Consule boni al-
terum hoc munus literarium, quo Tibi grati-
ficamur, illudq; persuasum habe: ab illo mul-
tiplici eruditione sacrâ ; quà sacrâ , quà
profanâ ab hoc, ingeniū Tuum subactum iri.
Deniq; quàm diutissimè incolumis , sed nec
immemor nostrûm omniū vive, quos habuisti;
Et porro habiturus es.

HONORIS TUI

Studioſiſſimos

PHILOSOPHOS
CLAUDIOPOLITANOS.

D. O. M. A.
SACRÆ, ANTIQUISSIMÆ,
GLORIOSISSIMÆ
CORONÆ
REGNI HUNGARIAE
Duce, Vindice, Fautore.
CÆSARE INVICTISSIMO
ET POTENTISS: D.D.
MATTHIA
IMPERATORE ROMANORUM,
REGE HUNGARIAE
FELICIS
SINE MARTE CRUENTO,
SINE FLEBILI LAMENTO,
SINE GRANDI AERE,
SINE CIVILI FURORE,

PROSPERRIMO ARMORUM AD

PRAGAM LUSU LUXUQUE.

SUMMA GENTIUM MULTARUM

LÆTITIA CORAM PALAMQUE

RESIGNATÆ.

ET HUNGARIÆ CORONATIONE PERACTA,
FIDELITER AC FELICITER.

POST ANNOS FERE SEPTUAGINTA QUIBUS
IN TUTELA ET PATROCINIO

AUGUSTISSIMÆ DOMUS AUSTRIACÆ
LATERET ET REQUIESCRET
BELLO CIVILI ET TURCICO
OCCUPATA HUNGARIA.

FELICITATE, ET VICTORIA
PARTIM INTERPOLATA:
PARTIM TUTA RATAQUE:
RESTITUTÆ.

ANNO M. DC. VIII.

TANDEM ETIAM DEO FAVENTE
MUNERE CORONATIONIS
SANCTISS.

SERE-

SERENISSIMÆ ET POTEN-

TISSIMÆ AUGUSTÆ

D. D.

ANNÆ
IMPERATRIC: ROMANORUM,

REGINÆ HUNGARIÆ

PIENTISS:

ANNO M. DC. XIII.

PER FUNCTÆ

TANQUAM

PRECIOSO HUNGARIÆ CIMILIO,

AUGUSTO SACRI CAPITIS ORNAMENTO,
SANCTORE RELIGIONIS LEGUMQUE AUGMENTO
PROSPERO BELLI PACIS AUCTORAMENTO,
CERTO FORTUNÆ BONÆ MALÆQUE
DOCUMENTO.

DENIQUE

INCLYTÆ, MERITISS: FORTISS:
BELLICOSISS: GENTIS HUNGARICÆ
OPTIMATUM ET POPULI ÆTERNO
GLORIÆ FIRMAMENTO.

) ? (3

HOC

H O C
EXIGUUM DILIGENTIÆ DONUM,
SANCTUM HONORIS DICTAMEN,
MERITUM OBSERVANTIÆ PIGNUS,
ÆTERNUM CUSTODIÆ MONUMENTUM,
VERA FIDE SCRIPTUM
VERITATE FIDA FACTUM,
DIGNO AMORE PATRIÆ,
VOTO FIDELITATIS PERPETUO,
POSONII SEDE PATRIA,
PACIS TEMPORE GRATISSIMO,
REGNANTI ET RESI-
DENTI.
ANNO M. DC. XIII. F.
D. D. C.
PETRUS DE REWA,
COMES TUROCENSIS
S. C. DUUMVIR.

AUTOR



A U T O R Ad Lectorem.



Um omnes ij, Candide Lector, qui scita gentium, moresque populorum, dicta & facta memoratu digna literarum monumentis prodere solent, optimè de genere humano mereri videntur, dum in orationis splendore, non solum fabularum quærunt amoenitatem : sed rerum gestarum veritatem & memoriam complestantur : meritò illorum conatus & labores non solum laudem, & commendationem, sed etiam favorem & gratiam mereri debent. Id mihi nescio quā mē fortunā contigit : ut dum hactenus inter summos belli & pacis labores, ac Reipublicæ, occupationes, quibus jam ab annis aliquot (absit dicto laus propria) patriæ mē Hungariæ, ac Regibus meis ac Dominis clementissimis fideliter servio, versabar, quasi ab altiori mente quadam influxit, ut brevem Commentarium de Sancta Regni Hungariæ Corona, (cujus impræsentiarum Conservationis munus sustineo) horis nimirūm à gravioribus curis, privato otio consecratis, collegisse. Illum ego ob solius mei amoris ac studij erga religionem sacræ Coronæ solam causam, mihi met ipsi retinere, ac inter privatias Musas collocare, perpetuo situ obscurare volebam, nisi summorum in Republ. nostra virorum, & præterea quorundam Musas, nostras similes amantium & colentium judicio, ac impulsu luci committere invitus voluisse. At verò mihi hoc loco & gradu constituto, nihil detractum putem, quod à severioribus curis, consilijsque Reipub: valatā quasi personā ad amoenius hoc literarum studium deflexerim

flexerim. Literæ profectò, & historiarum cognitio ita ornant virum etiam principem : ut sine ijs non vir, sed viri simulacrum : non princeps, sed principis idolum meritò censeri debet. Ab his igitur ut paterna institutione nunquam abhorri : ita privatim me & gentis familia, quæ DEI beneficio à trecentis ferè annis gravissimis Recipib : honoribus inserta HUNGARIA floret præcipuum ornamentum literas : & literarum literatorūmque favorem & amorem palmarium facinus semper duxerat. Nam quod ad COMMENTARIUM meum attinet, verè habet, quod titulo præfert. Nihil enim est, quām brevissima de S. Corona narratio, quam stylo piano & simplici ita pertexui : ut quicquid de eadem piè & commode ab Authoribus alijs dici potuit, quasi compendio reperiretur. Etsi enim non dubitem Doctoribus Jurisperitis patriæ nostræ supervacaneam hanc meam esse operam : at non pauci reperiuntur, qui nihil Olei ad hanc Lucernam conferunt, nec solù in aliquid solemnis ea de re habent, sed quod veritate historicā coacti CORONAM SACRAM, ANGELICAM, APOSTOLICAM & simplicibus nominibus appellamus, rident fortè & ringuntur. Nostræ igitur genti hoc SACRUM esse volui, vel ad præteritarum rerum memoriam recolendam, vel ad futurorum memoriam recolendam, vel ad futurorum præsentiam cum præteritis comparando, cautelam formandam, dum & aliæ gentes optimè cognoscere possent, quanam de causa nos Hungari Religionem hanc nostræ CORONÆ dicamus & profiteamur. Sat dixi pro meo Commentario, si tibi mora lubet legendo. Sat mihi à linguis præsidij in maiestate & religione S. CORONÆ. Sat hoc qualiscunque meæ fidei, & provinciæ documenti, ad sera nepotum secula. Vale Lector.

EPIGRAMMA IN COMMENTARIUM

ILLUSTRISS : COM: P. R.

UT Comitis PETRI Gestorum nobile donum
Ex aditis cernit, Sacra Corona refert.
Liberat Arctoo Divus me carcere Cesar,
Atque triumphalipatriæ honore locat.
At Comes ex senis seclorum vindicat umbris
Et decus, & laudis mille decora meæ.



PETRI RÉVVAI COMITIS COMMENTARIUS DE S. CORONA.



I qua unquam natio bellica claruit Exordium à laude Hungarorum.
virtute, non imparem naturâ pri-
mùm, ac institutione, deinde etiam
sacra professione, eximiæ fortitudi-
nis laudem Hungari sibi vendicare haud imme-
ritò videntur. Etenim dum adhuc eorum Abo-
rigines Hunni in Cimmeriis Ethnicæ supersti-
tionis hærent tenebris, brevi temporis inter-
capedine, magnóque successu, & fertilissimum
Pannoniæ solum, in suam redegerunt potesta-
tem, & in Misia, Thracia, Macedonia, Illyrio,
Germania, Gallia, Italia, bella gesserunt gra-
vissima. Postquam verò Christo nomen de-
dêre. Ut

Frangit, & attollit vires in milite causa:

A

vir-

Propositio
summae
commen-
tarij.

Causæ scri-
pti.

virtus, & animus accrevit, & in dies tanto incrementa accepit majora, quanto ardentiore agnitione fidei Christianæ, & pietatis amore flagrarent, hostibusque suis, nunquam non formidini, & ingenti terrori, Rempub. Christianam tutarentur strenue, fortissimeque. Idcirco non injuriâ fidei clypeus, religionis murus (ut ut livor hoc, aut premit, aut dissimulat) propugnaculum Christianorum invictum, nominari consueverunt. Si victorias, si triumphos, quos à Turcis reportarunt, si Provincias, non tam subjugando, quam acquisitas defendendo, & totius Christianitatis belli molem, in se recipiendo, si trophya gloria recensere consilium esset, latissimus dicendi campus mihi aperiretur. Verum de *Sacro Dia demate Hungariae gentis bellicosissimæ, de Origine ejus, successu, fortunâque, secundum seriem Regum, totos sexcentos annos, quibus Monarchia Hungarorum floret, paucis in unum quasi fasciculum collecta, quæ passim hanc in rem, ex classicorum autorum, horis succisivis, lectione memorabilia occurabant, stylo simplici, atque laconico comprehendere decrevi, partim sacræ Coronæ religione permotus: partim rei indigitate extimulatus, quod nimirum viderem, fatali incuria nostros scriptores, hac de re, vel*

par-

parcius scripsisse, vel planè silentio præteriisse, nihil ferè moratus judiciorum varietatem, cui recti conscientiam, & pium hoc erga S. Coronam studium opponere non vereor. Favente igitur Deo rem aggredior.

Postquam natio Hungarica, Divina sic moderante providentia, gentilibus tenebris desertis, Christianorum albo adscripta, profanæ nuncium misisset superstitioni, mirò omnium Europæorum gaudiō, ac lātitia, excepta hæc conversio, & ingens fidelium fuit incrementum, siquidem *Christi fides virtutum omnium est fundamentum*. Etenim quantas religionis diversitas, turbas movere soleat, & fovere perpetuas, notius (proh!) nimis est, quam, ut hic multis recenseri debeat. Factum ergo præclare, quod gens Hungarorum populosisima, ac bellicosa, alioquin hostibus suâpte naturâ implacabilis, novò hoc pietatis confortiō, vetera odia, in mutuam Christianâque benevolentiam converteret, roburque suum, & arma, cum reliquis Christianis, quibusvis hostibus opposuerit. Ab hacce salutari cœlestis veritatis origine, ortum quoque sive initium suum sancta hæc CORONA, & patria nostra Regium fortita est titulum.

Origo fidei
Christianæ
in Hunga-
ria.

Gratissima
Christianis.

Utilissima
populis.

Si mal &
ortus Sa-
cræ Coro-
næ con-
iunctus.

Primordia
religionis
a Carolo
Magno.

Sed postea
interpolata
& variata.

Autore
Duce Ste-
phano no-
va lux
ipsius
affulxit.

Fundatore
cultus
divini
piissimo.

Primo
Rege Au-
gusto.

Santa
Corona
emicuit.

ET si autem non ignorem, MAGNO CAROLO imperante, Hungariam hujus orthodoxæ fidei rudimenta habuisse; at quoniam hac non imbuti probè: (*ut initia omnia difficultas sunt*) sed leviter tincti tantum animi Hungarorum, aut quod bellicæ calamitatis necessitate adacti fuere, factum est, è vivis hoc discedente, obortis domi motibus, ad pristinas delapsis tenebras, illa facilè sint in tanta extincta feritate, & abolita; donec postmodum in restaurandis fidei Christianæ collapsis fundamentis GEIZA primùm, deinde STEPHANUS filius zelo admirabili actus, non ipse modò religionem Christianam professus est, ardentissimè, constantissimèque: verùm etiam apud indomitam gentem, longè latèque Divinâ potentiam adjutus plantavit, propagavitque, Templa, & Ecclesias magnis impensis erexit amplissimas. Quapropter extitit adversus suos, & Christi hostes felicissimus, imperium suum viatis hostibus plurimùm auxit, stabiliit, exque dignitate Ducali ad Regium fastigium elevatus, augustali ornamento decoratus est, quo quidem *Regio Diademate*, an inter omnia omnium Regnorum regalia insignia, aliud præclarius, & religiosius magis sit, dubito?

Ete-

ETenim cùm circa eadē tempora pietate, atque operâ MIESCONIS, quem aliter MIECESLAUM annales POLONICI appellant, religio, & cultus Christianus non minora incrementa in Polonia cœpit, & ZIEMOMISLI, Principis Poloniæ fuisse filium cœcum ab exordio suæ nativitatis, àtatis anno septimô oculorum beneficium consecutum fuisse legimus, unde vaticinabatur ætas illa hujus sub imperio mirabiliter Poloniam illustratum iri. Eo itaque omine MIECESLAI quod nimirum genti suæ gloriam gladiō comparatus esset, nomen impositum extitit, neque prorsus vana, ac inanis spe eorum, quippe repudiato falso Deorum cultu, more Christiano sacro fonte ablutus, religionem Christianam amplexus est, & gentis cœcitatem (quam septennis ipsius cœcitas fortè præfigurabat) depulsa, luce, ac splendore Divini numinis Poloniam illustravit, sique gladiō Spiritus, quod est verbum Dei, corda hominum, atque mentes feriens, atque penetrans gloriam Polonis perpetuam peperit. Hic inquam MIECESLAUS simili cum nostro DIVO STEPHANO contendens palma, augustiorem Principatum relieturus posteris, BENEDICTUM SEPTIMUM PONTIFICEM ROMANUM per legatum

Magnum
in Polonia
miraculum

Conversio
ad fidem
Christia-
nam.

Expetita
Corona à
Mieceslao.

Revelatio-
ne Angeli-
ca missa
Divo
Stephano.

Cruzmissa.

Significa-
tio crucis
vera per-
durat.

gatum LAMPERTUM EPISCOPUM CRA-
COVIENSEM adiit, Regium nomen, Diade-
máque sibi, & Successoribus petitum. At PON-
TIFEX huic destinatam, divo cœlitus monen-
te Genio, mutatō consilio, per ARCHIEPI-
SCOPUM COLOCENSEM STEPHANO
DUCI Coronam annō æra Christianæ millesimō,
unā cum cruce gemina Regi Hungariæ præferen-
da transmisit. Crux hæc expectandarum adver-
satum præludium, & symbolum, nescio tem-
porumne injuriâ, an hominum potius incu-
riâ, amissa desideratur? autis ejus locò hucus-
que grassantibus calamitatibus, ita, ut *Ungariam*
non omnino abs re *Angariam*, quod illam per-
petuo angore agi oporteat, quidam alias dixerit.
Ipsa verò *Corona* inter tot bellorum, & intesti-
norum motuum fluctus, ac periculorum tem-
pestates, uti postmodum liquidò apparebit, ad
hæc usque tempora miraculosè conservata est.

NB.

Historia Bonfinij videtur Autori persuasisse,
ut S. Coronam Benedicto VII. P. M. in
acceptis referret. Nunc potior Eruditorum
opinio est, *Sylvestro II.* hanc gloriam deberi:
qui teste Cartuitio, ut refert Baronius ad an-
num Christi 1000. post confignatam Legatis

Ste-

Stephani Ducis S. Coronam, & Crucem ceu
Apostolatūs insigne ante Regem ferendam ad-
junxit:

Ego (inquiens) sum Apostolicus, at ille
meritò Christi Apostolus dici potest, cuius opera
tantum populum sibi Christus requisivit. Atque
ea de causa, quemadmodum illum Divina gra-
tia docebit, Ecclesiæ Dei unā cum populo, No-
stra vice, ei ordinandas relinquimus.

Verùm dulciùs ex ipso fonte bibuntur aquæ.
Ipsum Silvestrum Papam ad S. Stephanum scri-
bentem legamus: cuius Epistola ex Archivio
Traguriensis Ecclesiæ accepta ad verbum sic
habet.

Silvester Episcopus, Servus Servo-
rum DEI, Stephano Duci Ungarorum Sa-
lutem, & Apostolicam Benedictionem.

Legati Nobilitatis Tuae, in primis verò cha-
rissimus Confrater noster Astricus Venera-
bilis Colocensis Episcopus tantò majori cor no-
strum latitia affecerunt, ac minori officium suum
labore confecerunt, quantò divinitus præmoniti,
cupidi immo animo illorum adventum, de ignota
nolis gente, prestolabamur. Felix legatio qua
cælestii præventa Nuncio, atque Angelicō pertra-
ctata

Etata ministeriō, priūs DEI conclusa est decretō, quām à nobis audita fuisset. Verè non volentis, neque currentis, sed secundūm Apostolum, miserentis est DEI: qui teste Daniele, mutat tempora, & etates: transfert Regna, atque constituit: revelat profunda, & abscondita, & novit in tenebris constituta, quia lux cum eo est: quæ sicut docet Joannes, illuminat omnem hominem venientem in hunc mundum. Primū ergo gratias agimus DEO Patri, & Domino nostro JESU Christo, qui temporibus nostris invenit sibi David filium Geisā, hominem secundūm corpus, & luce irradiatum cœlesti, suscitavit illum pascere Israël populum suum, electam gentem Hungarorum. Deinde laudamus pietatem sublimitatis Tua in Deum, & reverentiam erga Sedem Apostolicam, cui divina paciente misericordia, nullō meritorum nostrorum suffragiō præsidemus. Tum verò largitatem liberalitatis, quâ B. Petro Apostolorum Principi, Regnum, ac Gentem, cuius Dux es, cunctaque Tua, ac Te ipsum per eosdem Legatos, & literas perpetuum obtulisti, dignō præconiō commendamus. Hoc enim factō egregiō apertē testatus es, & revera talem Te meritō esse demonstrasti, quam ut nos Te declarare dignaremur, studiosè expetivisti.

Sed

Sed parcimus. Neque enim necesse est, ut, quem tot, ac talia præclare pro Christo gesta facinora voce publica clamant, quémque DEUS ipse commendat, amplius commendemus. Quare Gloriose Fili, cuncta à Nobis, & Sede Apostolica expostulata, Diadema, noménque Regium, Strigoniensem Metropolim, & reliquos Episcopatus, de Omnipotentis DEI, ac Beatorum Petri, & Pauli Apostolorum ejus autoritate præmonente, atque ita jubente eodem Omnipotente DEO, cum Apostolica, & nostra benedictione libenter concessimus, concedimus, & impertimur; Regnum quoque à munificentia Tua S. Petro oblatum, Téque unā, ac Gentem, & Nationem Hungaricam præsentem, & futuram, sub protectionem S. Romana Ecclesie acceptantes, Prudentia Tua, Hereditibus, ac legitimis Successoribus Tuis habendum, tenendum, regendum, gubernandum, ac possidendum reddimus, & conferimus. Qui quidem Heredes, ac Successores Tui quicunque, posteaquam per Optimates legitimè electi fuerint, teneantur similiter nobis, & Successoribus nostris per se, vel per Legatos debitam obedientiam, ac reverentiam exhibere, séque S. Romana Ecclesie, quæ subiectos non habet ut servos, sed ut filios suscipit universos, subditos esse ostendere, atque

B

in

in Catholica fide, Christique Domini, ac Salvatoris Nostri religione firmiter perseverare, cunctaque promovere. Et quia Nobilitas Tua Apostolorum gloriam emulando, Apostolicum munus, Christum prædicando, ejusque Fidem propagando, gerere non est designata, Nostrisque, & Sacerdotij vices supplere studuit, atque Apostolorum Principem præ ceteris singulariter honore: idcirco, & Nos singulari insuper privilegiō Excellentiam Tuam, Tuorumque meritorum intuitu, heredes, ac Successores Tuos legitimos, qui sicut dictum est, electi, atque à Sede Apostolica approbati fuerint, nunc, & perpetuis futuris temporibus condecorare cupientes, ut, postquam Tu, & illi, Coronā, quam mittimus, rite juxta formulam Legatis Tuis traditam, coronatus, vel coronati extiteritis, Crucem ante Te, Apostolatus insigne, gestare facere possis, & valeas, atque illi possint, valeantque; & secundūm quod Divina gratia Te, & illos docuerit, Ecclesias Regni Tui præsentes, & futuras, Nostra ac Successorum nostrorum vice disponere, atque ordinare, Apostolica autoritate similiter concessimus, volumus, & rogamus: sicuti in aliis literis, quas in Communi ad Te, Optimatésque Regni, & cunctum fidem populum per Nuncium

No-

Nostrum, quem ad Te dirigimus, deferendis, plenius hæc omnia explicata continentur. Oramus Omnipotentem Deum, qui Te de utero Matris Tuae vocavit nomine Tuo ad Regnum, & Coronam: quique Diadema, quod Duci Polonorum confectum per Nos fuerat, Tibi dandum mandavit, augeat incrementa frugum Justitiae sue; novellas plantas Regni Tui rore sue benedictionis perfundat largiter; Regnumque Tuum Tibi, Téque Regno servet incolumem; ab hostibus visilibus, & invisibilis protegat, ac post terreni Regni molestias in cœlesti Regno coronā adornet æternā. Data Romæ vi. Kal. April. Indictione decima tertia.

H. e. Annō Christi 1000. die 27. Martij; qui tunc incidit in feriam quartam. Haec tenus Pontifex. Pergit Autor:

Mirandum sanè, & non nisi eventu nostri Mirabile in conversione Septentrionis.
hujus temporis considerandum, quod uno, eodemque tempore cum exortu nostræ CORONÆ, tot gentibus spes æternæ salutis oblata fuerat: & non solùm Hungaros, & Polonos, ut præmissum est, sed & Danos, & toti ferè Septentrioni detestari falsa Numina, & falsum Deorum cultum abolere, divinitus concessum erat: Verum etiam Trium Politiarum, ac Regno-

B 2

gno-

Lex Se-
ptemvira-
tus R. I.
Sacrae Co-
ronae coæ-
tanea.

gnorum nova, & Christiana simul effloruit constitutio, quæ in hunc usque diem, non solum divini nominis, & gloriæ professione gaudent: Sed etiam *Romani Imperij*, penes *Germanici nominis magnitudinem adhuc florentissimi*, & stabilitatem sua communi potentia adversus quosvis hostes conseruant, & honorem sua societate augent. In ipso *Romano Imperio coætanea*, & non dissimilis sanctæ nostræ CORONÆ fuit sanctio, illa per OTHONEM facta, & per HENRICUM ampliata, & confirmata: quâ sacrum illud *Septemvirorum Electorum Collegium* constituitur, & per annos sexcentos diligentissimè servatur, quâ solis *Germanis*, & certis quidem Principibus eligendi, & creandi Principem potestas datur, qui statim *Cæsar*, & *Romanorum Rex* dicitur.

Quis enim non admiretur tempus illud felicissimum, & sanctissimum? quô tot inclyta, & præclara rerum in Christiana Republica contigere decora, & miracula.

Petrus Rex
succedit,
cui ab ABA
Corona
eripitur.

STEPHANO Regi PETRUS ALEMANNUS STEPHANI Regis consanguineus successit. In novello adhuc Regno, & ipsis pene cunabulis, novellam, sed adversam, &

aspe-

asperam experta CORONA fortunam. ABÆ enim violentiâ erepta est, & PETRUS Regno pulsus, ut illam recuperaret ad HENRICI TERTII IMPERATORIS opem confugit. Is exemplò ingentibus Germanorum copiis Hungariam ingressus, *Diadematè* potitur, quod haud quamquam sibi asseruit, sed PETRO redito restituens regali throno imposuit.

Qua in re memoriam, & laudem perpetuam meritus est HENRICUS CÆSAR, tum quô decus *Sacra Coronæ* asserere voluerit, tum quô tantum bonum, cui Principes lubentissimè insidiari solent, neglexerit, nec ob insignem Regni splendorem, soli fertilitatem, atque amplitudinem, possessionem ejus retinuerit. Quamvis nonnulli ex scriptoribus in ea sint opinione, quô illo tempore *vedigalem* fecerit sibi *Ungariam*, prætextu nimirum tantis beneficij, sed meo quidem perexili judicio, non sinè injuria optimi illius Imperatoris. Neque enim existimandum putaverim, vel in mentem magno illi Imperatori venisse, oppresso à suis PETRO, & ad se tanquam sacram anchoram confugienti, *sub specie*, aut *simulatione auxilij* inferre detrimentum, ut quidam refert; quin potius veram hanc Imperatorii facinoris laudem fate-

HENRICI
ope, & ar-
mis Sacra
Corona
defensa.

Ungaria
nunquam
vedigalis
Germanis.
Beneficia-
ria quidem
fuit Impe-
ratoribus.

fatemur, atque æternam nominis ipsius celebamus gloriam : in sedem suam legitimum Regem collocare, dignatísque pristinæ culmen restituere, nec haud dubiè ignarus religionis hujus fas ducebat *coronam dolō, aut armis, ut cælestem, ut sacro-sanctam violare*. Porrò quemadmodum nihil fortunatum simul, & diuturnum, ità gaudium hoc PETRI Regis admodum breve fuit, luminibus enim, & Regno, paulò verò post etiam privatus vitâ est. O incertitudinem humanæ sortis ! o fidem fortune dubiam ! quos enim ad celsissimum dignitatis culmen evexit, eosdem ad ima usque præcipitat ; cujusmodi exempla omnes quotquot ad clavum Regnorum, rerūmque publicarum sedent, assidue animō volvere addecet, quò moderatiùs potestate sibi divinitus concessa utantur, nihil insolenter, nihil iniquè, nihil temere, nihil violenter committant, Deum reveriti, qui nihil solet parcere delinquenti.

HENRICUS
Imperator
hostili ani-
mo rever-
titur in
Hungari-
am.

Quod ipsum *Hungarorum facinus inquisimè tulit IMPERATOR HENRICUS*, & proinde *Hungaris infestior factus, illatam, ut PETRO injuriam, Regni habenas jam ANDREA tenente, vindicaret, coronāmque in suam redigeret potestatem, novo, eoque valido in-*

Cogitanda
Regibus.

instructo exercitu, in Hungariam revertitur. Sed Rex ANDREAS de CÆSARIS aduentu per exploratores mature edoctus, & ipse copias, quām potest maximas cogit, in campis, quā erat HENRICUS iter facturus, herbam omnem, & segetum acervos exuri, armenta remotiora ad loca abigi, nè qua prædæ, & commeatūs hosti copia foret, curat. Quin & arte hostes petiit, acceptis enim literis RATISBONENSIS EPISCOPI GEBHARTI, classis, & annonæ Præfecti, quibus à Cæsare, ubinam cum navibus, & commeatu, exercitum præstolari deberet ? Scientur. Rex sub Cæsaris nomine rescripsit, se ob adversum, turbatumque Regni statum, in Germaniam properè reverti necessariò debere. Idcirco, ut, qua celeritate posset maxima, destrutis navibus, nè hostium usui cedant, RATISBONAM advolet. EPISCOPUS, qui jam prope JAURINUM erat, rem certam ratus, exequitur iussa, periculō, atque malō Cæsaris summō, tantā enim commeatūs, ac pabuli, rerūmque inopiā, ipse, exercitusque ejus premebatur, ut ab ANDREA REGE pacem, victuallia, & itineris securitatem rogare cogeretur. Nec voti compos factus sui, donec sacramentō interpositō promitteret, se injuriam minimè vin-

instructo exercitu, in Hungariam revertitur. Sed Rex ANDREAS de CÆSARIS aduentu per exploratores mature edoctus, & ipse copias, quām potest maximas cogit, in campis, quā erat HENRICUS iter facturus, herbam omnem, & segetum acervos exuri, armenta remotiora ad loca abigi, nè qua prædæ, & commeatūs hosti copia foret, curat. Quin & arte hostes petiit, acceptis enim literis RATISBONENSIS EPISCOPI GEBHARTI, classis, & annonæ Præfecti, quibus à Cæsare, ubinam cum navibus, & commeatu, exercitum præstolari deberet ? Scientur. Rex sub Cæsaris nomine rescripsit, se ob adversum, turbatumque Regni statum, in Germaniam properè reverti necessariò debere. Idcirco, ut, qua celeritate posset maxima, destrutis navibus, nè hostium usui cedant, RATISBONAM advolet. EPISCOPUS, qui jam prope JAURINUM erat, rem certam ratus, exequitur iussa, periculō, atque malō Cæsaris summō, tantā enim commeatūs, ac pabuli, rerūmque inopiā, ipse, exercitusque ejus premebatur, ut ab ANDREA REGE pacem, victuallia, & itineris securitatem rogare cogeretur. Nec voti compos factus sui, donec sacramentō interpositō promitteret, se injuriam minimè vin-

Ab Andrea
Rege vin-
citur.

Mediis
non san-
guinariis.

Imperator
impetrata
pace, &
commeatu
recedit.

Victoria
maxime
commen-
dabilis.

Andreas
imus
lomo-
m suc-
cessorem
esignat.

Corona
Regis sym-
bolum,
Gladius
Ducis.

Salomo-
nem Bela
armis Bo-
leslai Po-
loni vincit.

vindicaturum, neque contra *Andream Regem*, vel ipsius successores hostilia clām, vel apertē factis, vel consiliis moliturum. *Magnum quippe hoc stratagema fuit, fame magis, atque inediā hostem, quam ferrō vincere: sed multò il-* lustrius solo innocentie terrore, atque hujus Coronæ religione potius Cæsarem debellasse.

ANDREAS REX hac potitus victoria, postmodum cùm lassæ jam, confectæque ætatis se esse sentiret, maturè Regno de successore providere statuit, filiūmque suum SALOMONEM puerulum quinquennem *sacrâ Coronâ* ornari jussit, quod factum, postquam BELAM DUCEM cognatum suum molestè ferre inteligeret, *Coronam Regiæ dignitatis notam, sive symbolum, & gladium ducale signum* super peristroma rubeum collocatum BELÆ proposuit, data alterutra harum optione. Sed BELA aut monitus, aut sponte sua etiam sapiens, vitæ suæ periculum declinatus, cessit tempori, intactaque Coronâ gladium sumpsit, sique titulô *Ducis* se contentum fore præsetulit. Sed quod tunc dissimulaverat, paulopost adjutus socii sui BOLESLAI Regis POLONIÆ copiis, atque opibus, Regnum aggreditur, *Coronam rapit, Regem præliô juxta oppidum MOSSON* vin-

cit,

cit, Regnūm que occupat. Quô sanè exemplō docemur veram, & immotam illam esse Regulam: *Peccatum omne, per idem peccatum puniri.*

PETRUM etenim Regno hic privaverat, qui

Lex talio-
nis divini-
tus rata.

similiter eodem à BELA, & vita simul exuitur: & neque impunè sive exteris illi fuerint, sive

domestici, *Coronam* violenter taetam, usurpa-

Vindicta
Sacrae
Coronæ.

támque tulerunt. Verùm documentum ple-

rumque fati gravissimi ex profanatione illius

amplissimum ostenderunt, sicut neque BELA

similes effugit pœnas, trienniô enim totô Re-

gno non præfuit: ex Regalis solij, dum jus di-

ceret lapsu, adeò ejus membra, ossaque læsa,

contusaque fuere, ut magno cum cruciatu le-

thum subire debuerit. Fuit hic Princeps alio-

Beatitas
civium
Principi
proposita.

quin optimus, utpote qui cives suos in ocio, &

pace gubernavit, primus in *Hungaria* pondera

ordinavit, signati argenti Author extitit, fora

instituit, tributa subditorum remisit, minuit-

que, propter quam ipsius solertiam, atque be-

nificentiam, tam Nobilitatis, quam agricolarum,

adeò id temporis excrevit opulentia, ut è vici-

nis nemo pene tantarum opum facultatumque

fuisse existimatus sit, qui *Hungaris* divitiis adæ-

quari potuisset.

Salomon
denuo Co-
ronam af-
ficit.

Auxiliū
Cæsarī.
Henrici IV.
recipit.

Modico
tempore
quiete, ac
imperio
fruitur.

Omina in-
cendij di-
vinitus
ostensa.

Pœns se-
quitur ex
Numine
violatæ
Coronæ.

Corona
divinum
indictum.

Post Regis BELÆ casu miserando è vivis excessum, SALOMON hæres quidem ille coronæ justissimè ab hominibus dictus: sed arcānō DEI judiciō, ob infeliciter res, auxilijs externarum gentium, contra Patriam gestas, rejectus. Namque HENRICUM QUARTUM Cæsarem HENRICI TERTII filium pro recuperatione coronæ sollicitavit, auxiliares copias exoravit, hujusque ope *Diadema*, quō denuo est coronatus, recepit: Verùm *Alemannorum* præsidiō dimissō, GEIZA adversus SALOMONEM bellum acerrimum movit, prætendens sibi seniori jure deberi CORONAM, sed reconciliatione facta, senior cessit juniori, & SALOMON iterum coronatus fuisse *Quinque Ecclesiis* in Basilica DIVI PETRI ab Historicis traditur, quæ mox in sequenti à coronatione nocte, cum plurimis ædificiis igne conflagravit. Incendium isthuc haud dubiè significabat, reiterata *Salomonis* coronatione læsam quodammodo civili bello, & sanguinis cognati profusione *sacram Coronam*, & injuriam hanc, dum immodecè usurpationem Majestatis ipsius afficit, quandoque vindicatum iri, quod & evenit. SALOMONI enim non multopost bellō à GEIZA superato, *Corona* adimitur. GEIZA pro-

profectò non solùm *auspiciis* felicis victoriæ Regnum adeptus: sed etiam *miraculō*, & *auguriis cœlestibus*, quum LADISLAUS Deo charissimus, Angelum delatam è Cœlo *Coronam* fraterno capiti imposuisse aspexisset. *Quod obsecro illustrius divinitatis Coronæ argumentum?* ubi cœlestis providentia, pietas, Regum, ac Regni felicitas concurrunt.

AC dum GEIZA pacato potitur Regno, ac MAGNUS ex cognomento ob res magnas gestas dictus, insperatò humanis sublatus, mox frater ipsius LADISLAUS communi consensu, atque votō Rex declaratur, quam quidem dignitatem, diu sedulōque detrectavit, neque SALOMONE superstite, caput suum *sacro ornari Diademate*, séque Regem salutari passus est, piaculum ratus, vivente Rege coronato, *sacro Diademate* insigniri. Cùm tamen enixiùs rogaretur, & Optimatum animos adversus SALOMONEM cerneret exacerbatos, ne Regnum aliquod detrimentum caperet, curam ejus sub Gubernatoris, ac Ducis duntaxat titulō suscepit. *Censebat enim ille non in throno, Regis dignitatis fastigium, sed factis præclaris, & laudabilibus situm esse.* Quæ LADISLAI pietas, & singularis modestia, quō rai-

Geisam I.
Regem
ostendit.

Vinculum
rerum di-
vinarum,
& humana-
rum.

Geisa Ma-
gnus ob
res gestas
appellatus.

S. Ladisla.
Invitus Re-
gni guber-
nacula fu-
scipit.

Salomon
externis
armis pu-
gnat con-
tra patri-
am.

Ladislauſ
victor civi-
libus armis
finem im-
ponit.

Regnum
Hungariæ
duobus
auget Re-
gnis, Croa-
ticō, Dal-
maticō.

* Opinio
Bonfinij
nullo fun-
damento
nixa.

rior, ita majore ad posteritatem digna laude est. Sceptrum certè spernit, magnus, & tantæ rei conscius animus; verùm cùm sua mansuetudine, atque modestia abuti SALOMONEM, turbaréque Regni statum perspiceret, maximè verò quòd finitimarum gentium arma in patriam sollicitaret, patriæ, & *Hungaricæ* gentis magis, quàm propriæ utilitatis charitate correptus, tandem victoriâ contra SALOMONEM obtentâ, pacem civilibus armis imposuit. Nimirum nîl laudabili, ac salutari gubernatione *Divi Ladislai* optatius! quod *Coronam* omnipietate, religionéque coleret, haberétque; DALMATIAM, ET CROATIAM universam fatô faustissimô sinè sanguine, *Coronæ*, ac ditioni Hungariæ acquisivit.

AB obitu integerrimi, & pij Regis LADISLAI ordine gubernacula Regni obtinuerunt COLOMANUS, qui VARADIENSIS EPISCOPUS * aliquando fuerat. STEPHANUS SECUNDUS COLOMANI filius, FULMEN à vulgo cognominatus. BELA SECUNDUS, qui IMPERATOREM CONRADUM, exercitum ad recuperandam HIEROSOLY- MAM ducentem hospitiô liberalissimô exceptit. STEPHANUS TERTIUS. BELA TER-

TIUS.

TIUS. GEIZA SECUNDUS, ET TERTIUS. Neque horum etiam Regum tempore, adversitatibus *Corona* caruit, multoties *ceu in mari navicula ventis jactata, ac verberata procellis,* sic, ut longum foret illius ambitiosos appetitores, & insidiatores, eorumque studia, exitiosasque technas, & machinationes dolosas recensere. Sæpius enim proprios inter cives, & filios, sui nimirum amore, regnandi cupidine captos, variis vexata est modis: quorum alij præclara décora, bellô, pacéque patriæ acquisiverunt, quia vero, sinceróque cultu *sacræ Coronae* ducebantur: alij velut Inter-Reges exigua regnandi felicitate fruebantur, inter ipsa initia Regni ferè extincti.

Mirum Sa-
cræ Coro-
næ exerce-
tiuum.

Victrix horum omnium temporum *Corona* in ipso patriæ sinu, optimos quoque Reges, à quibusvis periculis tuebatur, à malis decus publicum necquidquam metuebat, incorruptaque libertate gentem suam conservabat. Eodem isto saeculo, cum indomitis gentibus, non invitâ victoriâ bella gessit, pro fide, ac salute; Venetos, Græcos, Russos, Sarmatas, Cumanos, & alias vicinas gentes Majestate sua partim vicit, partim coercuit.

Cum ea fir-
mus, &
felix Rei-
publicæ
status.

Calamitas
Reipubli-
cæ Honga-
ricæ, à dis-
sidio re-
gnantium.

Natura
prudentiæ
commen-
dabilis.

Turbones
Regni sem-
per puniti
a Deo.

Est verò istud, ut alia præteream, memorabile, quod Stephani Tertij tempore evénit. Is cùm Dalmaticô bellô distineretur, ex absentiâ Regis, captata occasione frater ipsius LADISLAUS nimia, atque arroganti imperandi libidine succensus, *Coronæ* surripiendæ consilium astutè iniit, persuasum sibi habens, illâ adeptâ, non difficulter quoque Regno se potiturum. Quare miris artibus surrepto *Diademate*, non nullisque Primatum, quos prænsationibus, honoribus, largitionibus corruperat, suffragantibus, Regium nomen palam professus est, legitimo interim Rege, fraterno furori indulgente. Cessit enim instar periti Naucleri, qui novit obsequi fluctibus ad tempus. *Est* quippe prudentia & ex tempore quandoque capere consilium, quod plerumque injurias, vim, atque pericula, incurvâ victoriâ vincit. Neque tamen Regum constitutor, & *Coronæ* vindex *DEUS Optimus*. Max. hocce diu inultum scelus passus est: violatorem quippe *Coronæ*, & æmulum Regis coronati, repentinô oppressit fatô. STEPHANUM verò nova protinus exceptit difficultas: alter enim LADISLAI frater STEPHANUS BELÆ coeci filius, in cuius potestatem devenerat *Corona*, Imperio subrogatur. Tam certum est,

quod

quod scribit alicubi Seneca: *Dij virum bonum in delitiis non habent; vexant, exercent, sibi cùm preparant.* Neque Regibus, cæterisque in statu dignitatis eminentiore constitutis, parcitur, ne fors fortunæ, suis opibus, atque potentiaz tribuant nimium, insolescantque. Ne tamen *Rex* diutius sibi, & causæ bonæ, autoritatique Regiæ deesse videretur, armis cum LADISLAO contendit, vincit pugnâ cruentissimâ. Hoc pacto ad STEPHANUM insignia Regia, unâ cum Regno redière; *Tandem enim sacræ Coronæ suffragatione, bona causa Regum triumphat, & quibus divinitus debentur Regna, quibusve mansuetudo, pietas, justitia, salus subditorum, & quæ cura cordique est, ejuscemodi Principes, cælitus quoque proteguntur, & ex maximis quibusque periculis, adversitatibusque tandem emergunt.*

Neque sub EMERICI Regis imperio, quod contigit, silentiô involvendum est. Hunc quoque ANDREAS Dux frater junior, damnando senioris ignaviam, in fervore adhuc adolescentiæ, quorundam pravis adductus consiliis Regnô exturbare, ac *Diademate*, conatu omni privare contendebat: cùmque jam eos devenisset, ut præliô decertandum esset, &

utrin-

Emericus
Rex ab An-
dreæ rebel-
lante, ad
arma con-
citatur.

Andreas, &
factio ejus,
conspedio
Rege co-
ronato
consterna-
tur.

Diversum
contigit
Henrico
Quarto
Impera-
tori.

Causa di-
versitatis
exempli,
à religione
Corona.

utrinque ad pugnam dispositi starent milites, EMERICUS exutus armis, *Coronæ*, & sceptrō fulgens, solus medias fratris acies perrupit, cuius conspectus adeò Ducem, militésque omnes terruit, ut abjectis armis, supplices delicti veniam poscerent. At qui seciùs olim cessit IMPERATORI HENRICO QUARTO. Hunc enim cùm MOGUNTINUS, COLONIENSIS, ac VORMACIENSIS Præfules convenissent, insignia nomine filij HENRICI QUINTI postulâssent, *Cesar* Augustalibus indutus, throno insidens, tantæ Majestatis rationem legatos habituros arbitratus: auditis illis, filij petitioni assentiri ubi recusâsse, confessim ipsum involantes, Corona, & sceptro exuunt, privantque. Isto multò felicior EMERICUS REX noster: potiùrque à fratre Regiæ, quam Imperialis Majestatis à filio ratio habita. Etenim illa cum Rege inter sagatos, aciésque instructas, terrificumque armorum strepitum, inviolata, illibataque constitit; huic à togatis (quem bis, & sexages præliō cum hostibus dimicâsse perhibent) pro tribunali sedenti, vis illata fuit. Unde tanta facti, & exempli dissimilitudo sit, haud facile conjicio, à Religione forsitan, & veneratione Corona nostræ, à qua Regem Majestatem suam acci-

accipere ab illa sacro-sanctum, ac inviolatum haberi credimus. Solebat NICOLAUS GARUA Ungariæ olim Palatinus sæpius repetere; Coronatum sacro Diademat Regem, vel si bellua foret, nunquam sine magno lœdi posse scelere: Contra verò Romani dignitatem imperij, non tam Diademat illorum, quod varium, diversi diversorum titulorum imperij, nec unquam quod ex historiis sciam, miraculo aliquo clarum habetur, æstimari, & censeri, quàm AUGUSTI nuncupatione & cognomine. Nam postquam, ut inquit Vegetius: Imperator Augusti nomen accepit, illi tanquam præsenti, & corporali Deo fidelis debetur devotio. Numine igitur sacræ hujuscem Corona EMERICUS inter media arma tutissimus; ANDREÆ fratri, & reliquis omnibus pœnitudine violati hujus Numinis ductis, ac deprecantibus indulgentissime ignovit. Ut igitur miranda hæc Corona divinitus datæ, apud Hungaros experientia, cuius læsam Majestatem vix populi totius exitio, expiari oportuit; sic hoc loco dolendum, ac deplorandum, quod viros Principes ambitio, pestis, ac venenum Politiarum transversos agat, totosque adeò occupet, ut quos etiam natura necessarios genuit, hostes efficiat, & ne que san-

Palatini
Garæ di-
ctum de
S. Corona.

Vegetij
sententia.

Semper
puniti, qui
Majesta-
tem Coro-
nae violant.

Ambitio-
forum e-
ventus tri-
stissimi , ac
certa sup-
plicia.

A Constan-
tia Ladislai
Matre Co-
rona Vien-
nam aufer-
tur. Mox
redditur
Andreas.

Andreas
Secundus
Rex Coro-
næ sup-
plex.

guinis nexus , neque necessitudinis ratio , neque Religionis bujus Coronæ Autoritas , habeatur . Siccine imperij dulcedo , charitatis genuinæ vim superat ? Religionis , justitiæ , ac verecundiæ laudem penitus tollit ? Sed *cupit regnum* , & quidem sceleratè *cupit* , ut hoc mihi *Livius* de suo largiatur , qui transcendere festinat ordinem etatis , naturæ , moris , nationis , juris Gentium , nec hujusmodi præposteri , & ambitiosi conatus , solent felices sortiri successus . Quod ipsum , ut multa alia taceam , LADISLAI , ejusque fratrī STEPHANI , & CAROLI cognomento PARVI , quin & ANDREÆ Ducis exemplum luculenter comprobat . Quos omnes egregiè exercuit , & mulctavit fortuna , quòd legem Majestatis , & hujus Coronæ , de qua sermo est , Religionem contempserint .

DEmortuo Rege EMERICO , filius ipsius LADISLAUS Regni dignitatem accepit , sed non diurnam .

POst hunc demum ANDREAS Dux , qui Coronæ armatus , ut præmissum est , inter turbas classicum canentes , & turbas ad prælium dispositas , supplex factus erat , Axioma Regium consecutus est , prompto facilique omnium

con-

consensu . Hic velut bonus populi pastor , iustè & quietè domi regnavit , foris pugnavit fortiter , expeditione & recuperatione sanctæ terræ , & urbis ad seram posteritatem clarissimus . Et qui Coronæ pietate , subditorumque charitate , atque benevolentia motus (ut uno verbo omnia comprehendendam) Hungariæ libertatem auxit , Nobilitatēmque insignibus donavit privilegiis , in quæ cuncti Hungarorum Reges peculiari more jurare solent .

REbus humanis exempto Divo ANDREA tempore BELÆ QUARTI , quies & tranquillitas Sacrae Coronæ (ut nihil in terris stabile , nihil firmum ac perpetuum esse potest) acerrima fati circulantis colluettatione , & Tartarorum fœdissimæ gentis incursione impetita fuit , vel quòd apud gentem nostram Religio ipsius domesticō ociō senesceret , vel quòd DEI sapientia , illius experimentum , non solum prosperis , sed etiam adversis facere , eoque magis enitescere permitteret . O Nobile & Inlytum sydus ! quo cœli climate latueras ? quorsum divinitatis tuæ radios absconderas ? dum nefandissima gens , in tua faviret peculia ? Rex tuus BELA bellator infelix , amissō exercitu , humano destitutus

D 2

auxi-

Præmia ac-
cipit Reli-
gionis Co-
ronæ ma-
xima , & di-
gnissima .

Bela Quar-
tus .

Sacra Co-
rona pati-
tur in Hun-
garis casti-
gationem
divinam .

Providentiae Divinæ
argumen-
tum in
ipsis con-
servatione.

Fuit in Dal-
matia cum
Rege.

auxilio, nusquam in patria subsistere potuit, in AUSTRIAM, inde in DALMATIAM fugâ salutem quærere coactus est: & cùm nec ibi tuto esse liceret, in vicinas ADRIATICI maris insulas trajecit, Regnum totô trienniô gens horrida, truculenta tenuit, posseditque. O felicitatem divinam! cuius *Numinis tutela?* cuius *hospitis fide?* cuius *custodis diligentia?* inter tot barbarorum crudelissima tela, imbrésque sagittarum, rapinas, sacrilegia, cædes, urbium, castrorum incendia, madentes sanguine campos, inter etiam cadavera, longè latéque per campos effusa, inviolata perstiteras ac permanferas? Hic te profectò *Apostolicam Coronam* vocare lubet, nempe quòd sanctorum *Apostolorum more* & exemplò (qui tuam sanctam replet circumferentiam) profanæ gentis feritatem, fugam, pati & sustinere debueris. Etsi autem miraculosam hanc tui conservationem fileant tot scriptores, nullo hospitis & custodis nomine patet, ne hostilem nimirum malitiam, in te aliquid potuisse, vel te humanâ solertiâ, consiliô, servatam glorientur. Tu tamen vicisti, & pulsis divinitus fugatisque barbaris, luculentissimum verè *triumphalis CORONA* reportâsti trophæum.

BELA

BELA defuncto STEPHANUS QUINTUS imperium suscepit, & prosperè adversus BOHEMOS, Cumanos, Bulgarosque, pugnavit.

Huic LADISLAUS, CUMANUS dictus, subrogatus est, qui bellum Bohemicum continuando, BOHEMOS præliô vicit, in quo & ipse Rex OTTOCARUS occubuit. Hunc Regem præposterè viventem, & impiis moribus ac amotibus deditum, *Sacra Corona* ferre non potuit, sed ab ipsis Cumaniis, quos in delitiis habuit, interfici permisit, novò sanctitatis violatæ argumento.

Post LADISLAUM ANDREAS TERTIUS Diadema sumpsit, VENETUS appellatus, quòd matre VENETA natus, & VENETIIS educatus fuisset.

VENCESLAO tandem, à nostris LADISLAO appellato, rerum potente, controversiam novam, nostram Coronam habere oportuit. Cùm etenim PONTIFEX BONIFACIUS OCTAVUS CAROLUM ROBERTUM in Regem Hungarîs commendaret; hi ne suo jure cederent, néve libertatis suæ in electione Regis jaçuram acciperent, quam nimirum per PONTIFICIS BENEDICTI XI. CARLO Hungaria Regni habenas suffragantis, Auto-

Stephanus
Quintus
fortunatus
belli.

Ladislaus
IV. initio
imperij
bonus, ac
felix.

Andreas
Tertius
Venetus.

Nova de
Sacra Co-
rona con-
troversia.

D 3

rita-

* Melius
Silvestri II.

Wence.
slaus inter
discordes
Hungaros
positus, pa-
tris petit
auxilium.

Religio Sa-
crae Coro-
nae, etiam
apud exte-
ros sacro-
sancta ha-
betur.

Wence.
slaus calli-
do com-

ritatem, censuram, & anathematis severitatem, læsam existimabant; WENCESLAUM, WEN- CESLAI filium tredecennem è Bohemia vocârunt. Ac adeò veteres illi Hungari libertatis amorem, cum Religione Coronae inviolatum coniunctumque habebant, ut oblii beneficij summi ac veteris * Benedicti Septimi, à quo Sanctam acceperant Coronam, extremam etiam censuræ Ecclesiastice vim, veluti fulmen adjectam, contempserint. WENCESLAUS partim propter incerta Procerum studia, partim Pontificis combinationes, CAROLóque æmulô Regno imminente, minùs se tutum reputans, in quanto sit periculo, patri quām celerrimè nunciavit, qui forti coacto exercitu, magnis itineribus ad PESTHUM DANUBIO à BUDA Regni Metropoli diremptum accessit, positisque commode castris Budam ad filium mittit, ne Danubium trajiciat, néve secùs in conspectum parentis, quām coronatus Corona illâ Hungaris Sanctâ, veniat. Assentientibus (sed minùs providè, quod effectus ipse docuit) Proceribus, iussa obit filius, Coronâque capiti suo accommodatâ, ad amplexum parentis admittitur, quam WENCESLAUS quasi diligentius post contemplaturus, seponens, reddere Hungaris recusavit,

savit, periculorum praetextu usus, quodque ubi- cunque Coronam, ibi & Regnum Hungariae esse, putandum sit. Atque sic ipsam unà cum filio, tertio regiminis ipsius anno, in Bohemiam ab-

stulit. mento Sa-
cram Co-
ronam au-
fert in Bo-
hemiam
cum filio.

Atque hæc erat * Prima profectio Co-
ronæ, dum extra oleas Patriæ in potestate exter-
norum, non sinè maximo periculo permanxit,
donec tandem secundùm abscessum Wenceslai, veriti Hungari ne Pontifices Romani jus, &
facultatem Reges imponendi sibi aliquando ar-
rogarent, serio denuo urgente Pontifice, ad Ca-
rolum recipiendum adduci minimè adhuc po-
tuerunt. OTTHONI BAVARIÆ DUCI de-

* Verius
Tertia.

tulerunt dignitatem, qui postquam à WEN- CESLAO Coronam Sacram recepisset, venit in Hungariam & Alba Primoribus ostendit. Eam ubi conspexere, veluti ejus Numine adaucti, in OTTHONIS partes omnes concederunt: An verò prece & gratuitò? an preciō hunc cœlestem thesaurum obtinuerit OTTHO, dissen- tiunt inter se Historici. Ego verò ambigo, laude vel vituperio magis dignus sit WENCE- SLAUS? qui instante periculo, metu percul- sus, & regnum curæ ipsius commissum deseruit, & sanctum Regni pignus in Bohemiam secum detulit. Si verò mortalis auri, preciō spretō, nobis

Otto ab
Hungariis
solo aspe-
ctu Coro-
nae in Re-
gem ele-
ctus.

Iniqua
competito-
rum Sacrae
Coronæ
æstimatio.

Indignatio
Coronæ servan-
dæ.

Miraculum
in casu Co-
ronæ stu-
pendum.

Effeſus
humanæ
ambitionis in Ot-
thone.

nobilem thesaurum OTTHONI in Hungariam deferendum tradidit; WENCESLAUM munificentissimos inter Reges non immerito adnumerarim. OTTHO tandem cùm in Regnum Hungariæ concederet, quò *Diadema securius* tutiusque secum asportare posset, contra morem & legem Hungarorum, vanâ prudentiâ & timore, tornatili inclusam laguncula, cuidam ex aulicis commiserat. Qui non conscientius, quòd in ea preciosum quidpiam contineretur, parùm, de lagena, quam sellæ equestri alligaverat, sollicitus, cùm in itinere decidisset, postero demum die diligenter quæsita, reperta fuit. Dignum profectò admiratione, quòd in via publica, complurimis commeantibus; visa non fuerit. Providentiâ divinâ illud evenisse judico, ut nimirum Corona in patria inviolata salvâque consisteret. Verùm OTTHO tanquam externus, & nimia ambitione notatus, non magnam restitutæ Coronæ gratiam retulit. *Ità enim in vita comparatum est, ut benefactorum propemodum nullam, offensionum autem memoriam sentiamus perpetuam.* Aut fortè ità arcano exigente OTTHONIS crimine, apud quem nulla ratione consistere, sed se penitus *Sacra Corona* ipsius potestate vindicare volebat, volentibus

supe-

superis : ut *discordantis patriæ, aliquod remedium esset ac finis.* Eadem in profectione à LADISLAO WAYVODA Transilvaniæ capto ipso OTTHONE, & in carcerem detruso, eripitur.

Carolus
Primus
feliciter
Coronam
adeptus. Origo fa-
derum a-
micitarū,
ac affinita-
tum à ve-
neratione
Sacræ Co-
ronæ apud
vicinos. Latissimum
ejus impe-
rium. **A** WAYVODA verò Transilvaniæ *Corona* difficilimè recipi potuit, post multas tandem censuras, & gravissimas Pontificis monitiones, minásque *Coronam CAROLO* tradidit, & omnium Ordinum votis, atque studiis accidentibus, de more coronatus est. Vindicavit se à publico contemptu, & gentis discordia, in hoc Rege CAROLO *Sacra Corona*, quod inde liquere potest, siquidem non tantum de domesticis hostibus, iisque validissimis, maximas obtinuit viætorias; sed etiam cum externis Regibus, ac Principibus, & præcipue cum *Cæsare CAROLO QUARTO*, & *POLONORUM Rege*, inviolatam necessitudinem, affinitatemque, ac fœdera excoluit; clarissimus hōc pætō evasit, domesticasque insidias peculiari DEI beneficio evitavit. Ità longè latéque dominatum esse ferunt, ut *Dalmatiam, Croatia, Rāmam, Serviam, Galitiam, Lodemeriam, Cumaniam, Bulgaria, Ungariam* cum adjecto *Gargano monte, & Salernum* illi paruisse, ac vestigalia quo-

E

Processus
iste Judi-
ciarius ex
Gallia in
Hungari-
am indu-
ctus.

Ludovicus
Primus
Rex claris-
simus.

Victoriis
externis
celeberri-
mus.

Societas
Sacrae Co-
ronae cum
Polonica.

quotannis stata, pependisse prædicent. Et quod maximè memorabile est, *Corona*que fortunæ pulcherrimæ adscribendum, hoc ipso regnante CAROLO, & Autore, *processus iste judiciarius*, & *usus processuum*, qui nunc in causis inchoan- dis, prosequendis, discutiendis, & terminan- dis observatur, ex Galliarum finibus, in Re- gnum Hungariae inductus esse perhibetur.

POst CAROLUM filius ipsius LUDOVICUS Rex inauguratus est. Regnum tenuit an- nis quadraginta, & duobus pene mensibus. Fuit hic in gerendis bellis fortissimus, juxtâ & for- tunatissimus, in jure administrando æquissimus, erga omnes placabilis, indulgentissimusque. Quievit, & paululum respiravit; pientissimo isthoc Rege regnante *Sacra Corona*, & amplissi- mum de se fulgorem sparsit, dum vindicatis suæ Regiæ familiæ hostibus, celeberrimas in *Italia*, & *Apulia* adeptus est victorias. Judæos ex Hungaria ejecit, Cumanos ad Religionem Christianam pertraxit. *Sarmaticamque illam Coronam* Regni societate illustravit.

AMorte LUDOVICI, quem omnis sexus, Ordinésque omnes indicto triennali in universo Regno luctu deplorabant; filia ipsius ob

ob insignia patris merita, MARIA, omnium consensu atque suffragiô Regnicolarum *Rex* designatur, & *sacro Diademate* coronata, regi- men suscepit.

Maria Rex
nuncupa-
tur.

Verùm citò plerisque Opti- matum tædium, & satietas cæpit fæminei imperij. Unde haud sanè felicibus auspiciis Nea- poli CAROLUM PARVUM accersendum, ZAGRABIENSEMQUE EPISCOPUM ad eum alegandum decernunt; quam ille legatio- nem sub specie singularis devotionis, votique exolvendi causâ Romam se proficisci simulan- do, promptè suscepit, simul & ex arbitrio Pro- cerum peregit. CAROLUS enim dominandi libidine succensus, nec contentus sui Regni quiete, & tranquillitate oblatum regimen, do- mesticis dissidiis laborans, amplexus est. Et protinus sub prætextu visendi MARIAM Re- gem Hungariae, utpote qui esset ejus patruelis, simul & componendarum simultatum, inter MARIAM & Proceres vigentium, ingreditur, indistóque *Budæ Comitiō*, publicè Rex procla- matur, & inde *Albam* profectus Procerum conventu, ante omnia Coronam (quæ ut Bonfi- nius memoria tradidit, nescio à quo subtracta fuerat) pattim minis, partim nonnullorum fa- vore extorsit, atque capiti suo per Strigonien-

Carolus
Parvus ex
Apulia in
Hungariam
vocatur.

Callidus
commen-
tō.

Fraudulen-
ter Regnū
occupat.

Exitus in-
felix Caro-
li ob vio-
latam Co-
ronæ Reli-
gionem.

Maria jus
sacræ Co-
ronæ Sigis-
mundo re-
signat.

Sigismun-
dus Rex
Hungariæ.

Primitiæ
Turcici
belli infe-
lices ob
gentium
discordiam
Christianæ-
rum.

sem Antistitem impositam habuit. Sed penes Carolum Parvum, alias secundum, diurna non fuit potestas. Quod nimurum leges sacræ Coronæ violasse videretur, dum ambitu, prava calliditate, potius simulatione, quam verò patrocinio, eandem adversùs MARIAM, affectarat. Eò igitur obtruncatō MARIA Diadema recepit, idque sponso suo SIGISMUNDO CAROLI Quarti Imperatoris filio, consentientibus Ordinibus, postquam quatuor ferè annis inter plurimas adversitates rebus præfuisset, plena Authoritate assignavit.

Regnante SIGISMUNDO dubius sum, an sacra Corona majora decora acquisiverit? An verò damna, & clades acceperit? Præterquam quod enim ob infensissimum Hungarorum odium, ex cæde conjurantium justissima ortum, ignominiam carceris passus, ac in summo vitæ periculo constitutus fuerit: liberatus tandem Dei beneficio, & sacræ Corona auspiciis ac favore, paulopost geminas clades à novis Europa hostibus Turcis, ob discordiam & levitatem GALLORUM, inauspicatō & injussu Regis Hungariæ in aciem, & conflictum prodeuntium ad NICOPOLIM, & COLUMBATIUM expertus est. Hoc nimurum Duce sacræ Corona hostes

hostes Turcas in Bulgariam ditionem Hungariæ irrumpentes (cum quibus ad hoc usque tempus acerrimum non modò pro salute & incolumentate, sed etiam pro gloria & decore divino bellum gerit Europa) ex indignissima Græcorum discordia, invénit, quum in societatem belli civilis, ad barbaricas opes, & operas planè confugerant, rati plus in profana gente fidei, quam Christiana se inventuros. Imprecarer meritò, ut Dij immortales Græcis malè faciant; nisi factinoris sui sât pœnarum expendissent, quippe quorum imperium olim splendidissimum, clarissimumque armis, juxta literisque fulgebat, adeò unica societate Turcica, collapsum est, ut ejus memoria extincta sit; præludiō profectò aut potius exemplō omnibus illis, qui speciosō Turcarum patrocinio, perjurio latebram querunt, & patriam in miserrimam omnium servitutem redigunt. Nec postremō locō SIGISMUNDI meritum hoc proponendum, dum primus Axio- ma illud ROMANI IMPERII maximum in Hungariam intulit, illiusque MAJESTATEM Divinitati Sacræ Corona consociavit, satīs felicibus auspiciis, ut existimo, & illo DEI potentissimi consilio, ut Hungari tanto securius apud Christianos Principes, contra perpetuos nominis

Discordia
Græcorum
attraxit
hostes in
Christia-
nos.

Ruinæ Im-
periij Ori-
entalis
causa po-
tissima.

Prima con-
junctio so-
cietasque
Sacræ Co-
ronæ, cum
Imperiali
Diadema-
te.

Divinō
consiliō,
bono Hun-
gariæ facta.

Christiani hostes, suis jam jam imminentes cervicibus haberent auxilium.

Albertus à
Sigismund-
do adopta-
tus.

Ad impe-
rium con-
fensu Hun-
garorum
profectus.

Mira sors
Sacrae Co-
ronæ, frau-
de fœni-
nei conti-
git.

Si gismundus postquam vitæ diem clausisset,
ALBERTUS Austriae Archidux, gener
ipsius, per biennium Regni habenas modera-
tus est : cui cùm dignitas Imperatoria, à SE-
PTEMVIRIS ROMANI IMPERII offerretur,
nec nisi consultis, consentientibúsque Hunga-
riæ Proceribus eximium illum honorem susce-
pisset ; custos Diadematis sacri **GEORGIUS**
PALOCSI, ARCHI-EPISCOPUS STRIGO-
NIEN. fuit : quô defuncto, **ALBERTUS** Rex
ocymimè **STRIGONIUM** se contulit. Ipsa
verò Regina thesaurum recognoscendo **Sacrum**
Diadema surripuit, & mulierculæ cuidam oc-
cultandum commisit. O sortem **Sacrae Coronæ**
misrandam ! quis enim non commisereatur ?
Et doleat? astu fœmineo Regni sacrum insigne
aferri, rapi ? ac indignæ aniculae sinu occul-
tari? dissimili profecto modo aut fato ; dum
curru triumphali Proceribus succolantibus &
triumphantibus portaretur. At hic insignis
dolus Reginæ haud infelicitrer cessit.

Wladislaus
Polonus
Interrex.

Extinguo enim **ALBERTO** Rege, & IMPE-
RATORE morte immatura, **WLADI-**
SLAUS

SLAUS ex POLONIA consensu **ELIZABE-**
THÆ viduæ accersitur, ante cujus adventum
ELIZABETHA enixa est *Posthumum LADI-*
SLAUM nuncupatum, móxque à partu con-
silij prioris pœnitudine ducta, infantem vix
quadrimestrem in cunis vagientem, **Coronâ**,
quam abstulerat coronari fecit. Peracta ex voto
nati Coronatione, denuo novas **Sacrae Coronae**
insidias struit. Ad arcem quippe *Wissegrad*
cum Proceribus profecta, locò **Corona vera** sup-
positicum quid, in arcam præstigij dexteritate
freta, recondit, subductâ genuinâ, & unâ cum
filio **FRIDERICO TERTIO IMPERATORI**
traditâ.

Hæc nova profectio fuit **CORONÆ**, dum
incauti & incircumspecti Hungari, pe-
rigrinæ fœminæ confisi, *Divinum Regis Ma-*
jestatis insigne, per sacrilegium perdiderunt,
atque apud eos diversata, quibus cum **Hunga-**
ris, non tam antiqua, quam ingenita odia, at-
que dissidia intercessere. Unde diuturnæ discor-
diæ, & assidua, cruentaque bella promanarunt.
Fuit id temporis *Afferuator Sacrae Coronæ LA-*
DISLAUS GARA Banus, Reginæ ipsius ob-
exploratam fidem consultor intimus, nec de-
sunt ex *Historiographis*, qui affirmant ipso con-
niven-

Ladislaus
infans in
cunis co-
ronatur.

Duplex
fraus, & sa-
cilegium
fœminæ in
Sacra Co-
rona.

Conser-
vator Sacrae
Coronæ
malæ fidei
luit pænas.

Affervatio
Sacrae Co-
ronæ ex-
ternis
committi
nec potest,
nec debet.

nivente Coronam surreptam fuisse, qua de causa publicis conviciis, & probris affectus, captus, privatūsque *Praefectura Wissegradiensis* perhibetur. Huic aliqui VINCENTIUM SCIAMATULEUM substitutum volunt: Is quis fuerit, mihi sanè non satis liquet; *Bonfinius* quidem recenset eum inter *Polonos*, qui WLA-DISLAUM SARMATARUM Principem, in *Regnum Hungariae* sequuti fuerant. Eundem quoque JOANNES HERBURTUS, in *Cronico suo Polonico*, in *comitiva dicti Regis* fuisse testatur, & à Rege *Praefectura Wissegradiensis* honoratum refert: Etsi verò WISSEGRAD peregrinum istum potitum fuisse, concedo: *Corona* tamen *custodia* committi illi haudquam potuit, cùm illa tempestate, in potestate Friderici Imperatoris fuerit. Idcirco mea quidem opinione, inter *Conservatores Regionum insigniorum*, hic nullō pactō annumerari debet. Et quid indignius obsecro, aut inauspicatius evenire potuisset? quām posthabitis patriæ gentis viris (*quibus amorem & honorem sacri Diadematis, natura ipsa quodammodo ingeneravit*) externis non absque injuria prærogativa gentis nostræ contra leges patrias, nec non sine summo periculo, hanc provinciam concredere.

Enim-

Enimverò rerum Hungaricarum Scriptores (ut hoc obiter addam) ut in aliis non paucis, ita in *denominationibus* quoque *personarum*, & locorum hallucinantur frequentissimè, nomina aut cognomina, vel intermittunt, vel etiam perperam ponunt. *Bonfin.* facit mentionem Athæ Palatini, Ladislai Wayvodæ Transilvanie, Blasij Conservatoris Coronae, Emerici Thesaurarij, Simeonis Praefecti Strigonij, ut plura taceam, at non apposito cognomine, qui illi fuerint, quis intelligat? Inde ego sæpe conqueri, & infelicitatem gentis nostræ accusare soleo, quòd licet Majores nostri, ingenio, viribus, ac armis excelluerint; pauci tamen reperti sint, qui res patrias literis mandassent, contenti forsitan virtute, quæ laudata patrare novit, laudari negligit, nec prosperam suorum gestorum memoriam reliquerint posteris, ignari prorsus, contemptu famæ contemni virtutes. Suum cuique decus posteritas rependere solet, Heroique honor Annalium aeternus, non brevis & plebeia prædicatio colit & consecrat. Suscep- runt quidem id oneris, exotici viri eruditæ; at quos in *denominationibus* *personarum*, locorumque Hungariae, quæ ipsa ad intelligendam historiam sunt apprimè necessaria, frequenter

F

Obscuritas
Nominum
Sacrae Co-
ronæ Con-
servato-
rum.

Vera de
Hungaris
querimo-
nia.

Error in
Nominibus
propriis,
ac Cognos-
minibus
ut pluri-
mum ex
ignorantia
liaguæ.

per errorem lapsos fuisse, nemo ibit inficias. Liceat mihi quæso bonâ eruditorum veniâ aliquot ejuscemodi in nominibus Hungaricis errores, in medium proferre. *Fovius* eloquentissimus, familias alioquin celebres, in sua historia *Pechrios*, *Sircanos*, *Secalos*, *Gleßas*, *Dotias*, *Turacos*, *Fanos*, *Panphilos*, *Ferenczios*, *Gnaros*, *Americos*, *Hibachos*, *Moreos*, *Zdrinios*, *Bachianos*, *Revalios*, *Scendenas* nuncupat; *Melchior Zoiterus* profert in medium: *Vagitium*, *Turro Vallam*. *Petrus Bizarus*, *Turrigerum*. *Callimachus Huniadianum*. *Joannes Herbutus*, *Thomam Tharcium*, *Matkonem*, *Tallontium*, *Emericum Marcellum*. *Cassparus Ens* scriptor nostrorum temporum non malus, meminit *Sigismundi Ragaczij*, *Eliæ Hasquij*, *Joannis Janusij*, *Budiani*, *Istuvanij*. *Michaël Neander*, *Urantij*. Acutus ille, & subtilis fit oportet, qui horum nomina vel cognomina divinando quoque assequi possit. Sed hos errores scriptoribus ipsis corrigendos commendans, ad nostra revertor.

Corona apud FRIDERICUM IMPERATOREM delitescente, ULADISLAUS rite coronari nequivit; quocirca *desumptam Coronam*, quâ *simulacrum sancti Stephani Regis in*

ULADISLAUS
Sacra Co-
rona non
est corona-
tus: ideo
pro Inter-
rege ha-
bendus.

facel-

facello ALBENSI positum, exornatum erat, Regi ULADISLAO viro fortissimo imponunt. Ac qualis illa fuit *Coronatio*, utpote nec genuina, nec usitata, & nec auspicata; ita status *Hungariae* infelix, afflatus, odiis, dissidiis, studiis diversorum Regum, bellisque intestinis astuabat, atque omnia interregni incommoda patiebatur, manifestè violata *Corona Majestatis* argumento. Nam quod in ipsius Religionem divinam committitur, in omnium fertur injuriam, damnūmque. Donec ruptis cum *Amurathe* induciis ad *Varnam* oppidum *Bulgariae* infelicissime pugnatum, atque in hoc funestissimo prælio, ipse quoque ULADISLAUS cum flore Nobilitatis occubuit, *veluti piacularis*, ob absentiam *Corona*, victimæ.

LADISLAUS itaque POSTHUMUS, ALBERTI Regis *Hungariae* filius, in Regalibus Comitiis, omnium voce ac consensu Rex declaratus est. Erat is tunc unà cum *sacra Corona* in tutela & manu IMPERATORIS FRIDERICI TERTII, ad quem primò missi Oratores Regem suum LADISLAUM postulaturi, cùm nihil impetrassent; JOANNES HUNYADI per Ordines in publico Comitio GUBERNATOR Regni declaratus fuit, & communī consensu & publico

F 2

Comi-

Ladislaus
posthumus
Rex decla-
ratus, ab-
latis patriæ
dissidiis.

Joannes
Hunyades
Guberna-
tor Regni,
Dux pro
S. Corona.

Commune
Hungaro-
rum decre-
tum de re-
petenda à
Cæsar
Corona.

Comitiorum decretō Regem, & Coronam armis repetere jussus est. Cæsar nec precibus, nec armis, bellō, incommodis, & damnis, ut Regem restitueret; adduci potuit. Ac etsi tardè, obsessa NEAPOLI urbe *Austriæ* munitissima, septimō pene anno LADISLAUM jam duodecennem recuperârunt: tamen *Corona* extorris adhuc permanit, gratissima enim fuit injustis possessoribus tanti thesauri possessio, & ipse *Friedericus Imperator*, cùm magnitudinem, & summae fortunæ gravitatem Regni *Hungariae*, in manu retineret, invidiam omnem, ac quamlibet avaritiæ, & injustitiæ notam spernebat. Et profectò aut bellum æternum, & anceps Hungari gerere debuissent, aut in perpetuum splendore, ac luce *sacra* & *Corona* caruissent, nisi fata, ac indulgentia fortunæ Hungaricæ totam laudem, ac gloriam recuperationis *Divo Mattheo primo Regi invictissimo* reservâssent.

ETENIM LADISLAO POSTHUMO morte repentina extinctō, MATTHIAS filius JOANNIS CORVINI, è captivitate Bohemica liberatus, & ad Regium culmen felicibus fatis evectus est. Hoc Autore, hoc Duce, ac Vindice *Corona* post fortunatius oppidò sydus *Hungaria* apparuit.

Matthias
Primus
summo
S. Corona
bono in
Regen
eligitur.

Exactis

Reditus
sacræ Co-
ronæ in
patriam
post viginti
quinque
annos.

EXACTIS enim pene viginti quinque annis, ad patrios lares rediit, cùm post gravissima bella, vastitates, cladésque funestas, de redemptione ejus, sexaginta millibus aureum, cum FRIDERICO CÆSARE pactum fuisset. Hanc repetitum emisi viri primi subsellij: Stephanus Colociensis Archi-Episcopus. Joannes Varadiensis Presul. Nicolaus Ujlaky Wayvoda Transilvaniae, Machoviensis & Regni Sclavoniae Banus. Ladislaus de Palocs Jūdex Curiae. Emericus Zapolya summus Regni Thesaurarius. Benedictus Thuroczy. Gravissimi isti Senatores negotium sibi demandatum, & suscepserunt libenter, & obiérunt gnaviter, quóve omnia pro dignitate perficerentur, adjuncto trium millium equitatu ornatissimo, in AUSTRIAM, NEAPOLIM versus ubi *Corona* à CÆSARE ERIDERICO asservabatur, iter matutrant, quos ubi appropinquantes Cæsar cognovisset, portas præcludi, & milite firmari, circáque mœnia armatos disponi jussit. Legatis autem per suos numerosum accessum exprobravit, asserens non tali modo obiri solere legationes, sed vastari agros, oppugnari Civitates. VARADIENSEM ANTISTITEM cum ducentis equitibus advenire passurum, cæteros

F 3

Cæsaris er-
ga Duces
exercitū-
que Hun-
garorum
diffidentia.

vel-

Recognitio Coronæ
inter duas similes do-
18 malo fabricatas.

Precium Coronæ
sexaginta millia au-
reorum numera-
tum.

Felicitas Hungariæ,
Coronæ affecta.

velle, ut retrocedant. *Episcopus* cum dicto numero Civitatem ingressus est; reliqui SOPRONIUM se contulerunt. Postquam igitur mensis consumptus esset in rebus transigendis LADISLAUS PALOCSI vir ætate gravis ad recognitionem Coronae accitus est: duas quippe ad similitudinem veræ, fabricatas Coronas apud Imperatorem existere, rumor quidam increbuerat. Agnitâ ergo ex indicio quodam, per PALOCSIUM genuinâ Coronae reliqui Legati cum splendidissimo equitatu ad NEAPOLIS pomeria advenerunt. Ubi ultro citrōque nova orta disceptatio, siquidem nec Cæsar in restituenda Corona, nec Legati MATTHIÆ Regis in auro assignando primi esse voluerunt. Tandem utrinque fide data, ad portam uno eodemque tempore Corona accepta, & pecunia tradita fuit. Difficile est dictu, quanta cum gratulatione, tripudiô, quâ pompâ, quô gaudiô, toto eo itinere illius visendæ causâ, multi passim confluixerint? quantâve pompâ & concursu Budam delata fuerit.

MATTHIAS verò recuperatâ Coronae, secundissimis successibus, cum Orientis, & Occidentis Imperatoribus, uno tempore bellum gessit. Venetos sibi stipendiarios fecit,

red-

reddidit. Viennam expugnavit. NEAPOLIM Austria, pro cuius portis sacra Coronae premium aliquando numeratum fuerat, cum tota propè Austria occupavit. MORAVIAM, itidem utramque SILESIAM, & LUSATIAM subegit. Multa denique domi forisque præclara gessit, diuturnumque, ac invictum fuit ipsius imperium. Quod luculentius Divina providentia in sacra Corona argumentum? dum domi quiesceret, Regnum ipsius, prono quodam cursu, omnium rerum beatissimo successu, felicitas comitata est. Absentiæ verò suæ tempore, ab ipsis Hungarib[us] tanquam negligentibus cultoribus, aut aliis eam quacunque arte violentibus, quin & eorum hæredibus, gravissimas exegit poenias. Sed enim dum post fatum Matthiæ Corona venisset in Joannis Corvini filij ipsius ex illegitimo thoro prognati potestatem: novos iterum naeta est competitores, unde novæ oriuntur atque periculose tempestates. Proceres quippe in varias diversasque partes discedunt. Alij Optimatum ULADISLAUM ex Bohemia; ALBERTUM ex Polonia alij advocant; pars CORVINUM ad gubernacula Regni optat, sive ob virtutes, patrisque merita, sive quod in manibus ipsius sacra Corona haberetur.

Et pene
divinitatis
præsentis.
simæ te-
stis.

Sacra Co-
rona in po-
testate Jo-
annis Cor-
vini fuit.

Tan-

Tandem cùm diu multúmque diversis, ab Ordinibus sententiis certatum esset; in **ULADISLAUM** in visceribus Regni, cùm non contemnenda militum manu existentem, consentiunt, qui mox **WISSEGRAD** sedem *Corona* cingit obsidione, & cum *Corvino de Corona* spontanea restitutione, magnò studiò laborat. Sed dum **ULADISLAUS** *Coronam* consequi contendit, ejusque sedem oppugnat; **MAXIMILIANUS** Cæsar *Vienna* & reliquis *Austriæ* Civitatibus, totaque illa provincia potitus; **ALBAMREGALEM** in suam redigit potestatem: **WESZPRIMIUM** expugnat. Tanti constitit *Hungaris de Corona* **ULADISLAO** cum **CORVINUS** concertatio. **CORVINUS**, licet à Turcico Tyranno ultrò validissima paterni Regni potiundi causâ, auxilia offerrentur, tamen amore flagrans patriæ, ad concordiam intendit animum: consecutusque *Ducalem dignitatem*, cum nonnullis ditionibus, annuit restitutioni *Corona*. Injunxitque mox **BLASIO BUDENSI** *Corona* *Affervatori*, ut eam unà cum Castro **WISSEGRAD** **ULADISLAO** redderet. Procul dubio eò quod ex *Corona sacra* utilitatem, & commodum proprium quarebat, brevissima vitæ usura functus, possessione *Corona* diu gaudere

*Uladislaus
armatus
Coronam
appetit.*

*Joannes
Corvinus
patriæ
motus
concordia,
coronam
restituit.*

dere non potuit. Sed nec hæredem ullum reliquit: dum universa ipsius Castra atque possessiones ad *Coronam* rursus redière.

Fatōne urgente Hungariam? ut dignitas sacræ Coronæ ad externos transferretur, generisque Regij decore planè careat: An verò quod *Corona* injustam in *Corvino* genituræ notam pro sua sanctitate aspernata fuerit?

Et non sine stupore quodam, ac admiratione & anxietate animi hoc loco considero, **SANCTAM nostram CORONAM** non potuisse evadere illam certissimam, & à sapientibus multum decantatam, fatalēque circa *quingentesimum annum*, post mortem nimirum **MATTHIÆ PRIMI** mutationem. Ita enim prorsus accidit in multis Rebus publ. ut dominatus, civilésque status variarentur, immo naturæ quadam (ut sic dicam) *Oeconomia*, si non penitus conciderent, atque ad nihilum redigentur, tamen insignem circa *Quintum saeculum* cladem, ac mutationem fortirentur. In **ASIATICI.** **TICO Imperio** satis constat illud fuisse penes *Affyrios* 520. annis, post quod tempus **MEDI** illud occuparunt. **ATHENARUM Imperium** à *Cercope* usque ad *Corum annis 490.* durasse constat, & post illos in *Democratiam* mutatum.

*Anni quin-
gentesimi
in Sacra
Corona
vis.*

*Commune
Regnum
fatum, ac
similitudo.*

*Athena-
rum.*

50 DE S. CORONA REG. HUNG.

Lacedæmoniorum.

Romanorum.

Hungarorum.

Sæcūlo, & summus nos Regni Hungariæ.

Inclinatio, & decrementum.

Totidem annis floruit LACEDÆMONIORUM Respub. sub Regibus Heraclidis à Lycurgo, usque ad Alexandri Magni ætatem, sub quo concidit. Annis circiter 500. ab expulsis Regibus usque ad Monarchiam Augusti rexerunt Rempub. Romanam Consules.

Non dissimili profectò ratione usque ad mortem MATTHIÆ PRIMI, *Annô Regni 490.* computando, à SACRÆ CORONÆ ortu, & regimine DIVI STEPHANI, *annô Christi M.* Hungariæ Regnum ad summum Majestatis ac vigoris culmen, & apicem perductum, florentissimum ac potentissimum, Rege nimirum proprio & invictissimo, habitum fuit.

Mox verò circa hoc tempus ULADISLAO BOHEMO succedente, sensim labascere, fatiscere, deflorescere, variis de causis, quas non iubet hic numerare, continua tandem calamitatum successione, usque ad hæc nostra tempora, quibus Hungaria decumanas pœnas sustinet à fero illo, & capitali Christianorum hoste: quem nisi viribus conglobatis Christiani Principes oppugnant, verendum, certè verendum; ne nos in exosam redigat servitutis conditio-

COMMENTARIUS P. R. C.

51

O Tempora! ô mores! verè possum dicere, quod de suo ævo scribit Pomponius Letus: *Mali demones sic implicuere nostras mentes: ut relicts veris hostibus, quos longa pace frui permittimus, in nos, nostrorūmque membra armatas, & sanguinolentas convertamus manus.* Interea culpandine Principes? qui ad tam perniciosum facinus stipendia solvunt, judicent alij. Illud verò ausim dicere: Christianos omnes sub uno signo CRUCIS militare, nostram Religionem unicam esse, Rempub. unicam ipsius Dei urbem, cujus nos cives sumus, & bellum inter nos esse non posse, nisi civile. Sed ad rem revertor.

Porrò Coronam cùm WISSEGRADO EPISCOPUS ZAGRABIENSIS Budam inædem Divæ Genitricis, Regni Metropolitanam deferret, omnia ei Sacerdotum collegia, & Ordines occurrere: & binis creatis ASSERVATORIBUS URBANO videlicet Agriensi EPISCOPO, & STEPHANO Báthori, currui imposita, frequentissimo Procerum comitatu, Rege subsequente, in arcem Regiam honestissimè delata, ibique dispositis excubiis in Coronationis usque diem asservata fuit.

AC hoc planè tempore cùm sacra Corona, sæpe unius tantum fidei, & curæ commit-

G 2

tere-

Dati invi-
rūm Sacræ
Coronæ
Magistra-
tus pri-
mam est
conditus
communi
consensu.

teretur; quòd serò sed seriò tot exemplis periculisque moniti Hungari sapiendo, de securiori, & severiori conservatione sacræ Coronae provide rent; DUUMVIRATUM SACRI DIADEMatis LATA LEGE condiderunt. Qui mos, præterquam quòd non perpetuum inferat Magistratum, & ad Politicos tandem solum translatus, absentiâ sacræ Coronae interpolatus, tandem (ut infrà dicitur) REDDITâ patriæ Coronâ sub MATTHIA Cæsare restitutus est.

Si miretur prætereà quispiam, cur natio nostra in suæ Coronae custodia, præter alia Regna, adeò anxia, sollicitaque fuerit? cur pro ea partim tuenda; partim recuperanda, tantas opes profuderit? tot bella gesserit? clades funestas, cædes cruentas, dare & accipere non horruerit? is, ut mea fert opinio, mirari desinet, si hujus causam præter omnia hæc, quæ in medium attuli, pensitaverit accuratiùs. Testor ego illos, qui vel domestici vel peregrini, Diadema istud à longinquo conspexere; dicant ingenuè: an non illos singularis quædam veneratio ejus incesserit? Præsertim verò nostri, dum divina revelatione, & Angeli iussu Primum Regem Hungariae Sanctum Stephanum Corona isthac potitum esse, nôrunt, profitenturque; non solum ut capit is

Causæ ve-
nerationis
Coronae
apud Hun-
garos.

Regij

Regij decus & Majestatem tueatur: Sed magis ut veritatis Christianæ agnitus & professæ, Hungarorum æternum sit symbolum atque monumentum. Idcirco eam peculiari cultu venerantur, pro sacra reputant; & nescio an Magnes ferrum ad se trahat fortius, quam isthac Corona, occulta quadam sua vi, magneticaque virtute, ad sui studium & observantiam ducit, impellitque. Indéque fit, ut quocunque se vertat, Pannones suos bellicosos rapiat, universis impensis flocci habitis, contemptisque periculis, & adversitatibus, sequi eam, & à quavis injuria vindicare necessum ducant. Addo, quòd cùm in patria nostra Electione plus pene valeat Coronatio, quæ non aliâ, quam sacrâ Coronâ legitimè peragi possit, ad custodiam ejus major cura, diligentiaque adhibetur. Non pauci reperiuntur Cæsares, ut nihil de Regibus dicam, qui summa illa Imperiali Corona, non sunt insigniti: siquidem aurea illa Cæsareaque Corona, quâ soli Romani Pontifices coronandi jus & facultatem habent, ROMÆ tanquam Urbe veteris Imperij, honore, Antiquorum triumphis, & stupendis supremæ fortunæ monumentis longè clarissima dari, ibidémque Coronatio peragi, aut ubicunque in Italia solet. Italica verò profectio plerisque

G 3

Major vis
Corona-
tionis,
quam Ele-
ctionis.

Diversa
æstimatio
Imperialis
Coronæ,
quam Ponti-
fices coro-
nant Cæsa-
res.

Imperatoribus, sicut & eorum clientibus, qui illos comitari tenentur, sumptuosa neque periculi expers existimata fuit. Sanè RUDOLPHUS HABSPURGUS ejus nominis *Primus IMPERATOR*, Diadematis Imperialis accipiendo causâ *Italiam* salutare abnuit, quod *Casarum in Italiam proficiscentium, vestigia leta, & spei splendida plena*; ex *Italia* verò redeuntium *tristia, luctuosaque extitisse novisset*. Hic tamen Imperator, sicut CONRADUS quoque *Primus & Secundus*: HENRICUS auceps: LUDOVICUS QUARTUS, & multi alij, quin & FERDINANDUS, MAXIMILIANUS, RUDOLPHUS, sola Electione pro veris & legitimis *Casaribus habiti sunt*, plenariaque Imperiali *Jurisdictione*, atque *Autoritate* potiebantur.

In Hungaria verò, etiamsi consensu atque suffragiis omnium Ordinum Rex pronunciatus sit, & Regni habenas compluribus annis cum laude tenuerit, nisi vetustissima isthac *Corona redimitus & consecratus fuerit*, nulla *indulta, nullae collationes, nulla ejus Privilegia locum vel pondus aliquod habent, & meritò pro Interrege censemur*. Exemplis istud declarare pluribus facile omnino esset, missis aliis, unum atque alterum referam. Quem fugit ULADISLAUM ELECTUM

Multi Imperatores contenti sola Elezione, Autoritate plena ac integra fungebantur.

In Hungaria Electio sine Coronatione vim non habet.

Sanctio-
num, le-
gum, vis,
potestas
a Corona.

CTUM Regem *Hungarie* fuisse, & pro defensione nostræ patriæ, Marte aperto ad VARNAM, cum potentissimo Turcarum Imperatore AMURATHE fortiter, animosè, & magnanimè planè depugnâsse, in eodemque prælio mortem operiisse. Sed siquidem *Coronâ Sacra corona* tutus non fuit, nulla ipsius *Privilegia* momentum aliquod habent. Sic nec MATTHIÆ PRIMI Donationes, totò ferè sexenniō ante Coronationem emanatæ, nisi post Coronationem per eundem fuissent confirmatæ & stabilitæ, vigoris vel firmitatis alicujus sunt. *Hungarie* certè Reges maximum dignitatis vigorem, decusque à *sacra Corona* petere haberéque existimantur, huic condere leges salutares utilèque, inutiles antiquare permittunt. Hanc ve- luti legem legum statuunt, hanc poenarum ac talionum discrimina pensare, huic juramenta solennia præstare, huic hereditates sacras & profanas adscribere dicaréque, peculiáque omnia sua, tanquam ad fontem, unde omnia profluerant redigere, *Hungari* confuevère; unde *Castra complura, & Civitates Liberae ac Regiae bona sacra Coronæ nuncupata, sanctam & inviolatam obtinent legem*, ut nec Regi ipsi, nec cuiquam alij, mortalium, ad alium usum fructumque

Matthiæ I.
electi Regis
leges, ante
Corona-
tionem
latæ, non
obligant.

Munia sa-
crae Coro-
nae pro-
pria.

Bona Co-
ronæ in-
violatam
habent le-
gem.

Corona
novem Re-
gna, sua
Religione
compre-
hendit.

que conferre (& ut nos loquimur) ab alienare liceat. Denique tanta vis ejus est, ut non modò in legem Majestatis peccet, qui illam lèdere presumat, sed in ipsam Religionem & Divinitatem delinquat. Illud admiratione non est indignum, Regna amplissima, antiquissimaque Sclavoniae, Dalmatiae, Croatiae, Bosnie, Serviae, Gallicie, Lodomeriae, Cumaniae, Bulgariae, per Reges Hungarorum olim annexa & conjuncta, quæ extra omne dubium aliorum instar Regnorum suis gaudebant Coronis; tantum tamen Regna illa studium & veneratio Angelicae Coronæ accedit, inflammavitque, ut neglectis propriis Diadematibus, hoc unicum obviis amplectentur ulnis, & Reges suos, qui hâc Coronâ exornantur, agnoscerent: Sic Angelica ista Corona splendorem Coronarum, plurium Regnorum sua luce obscuravit, ita ut non modò non sit earum amplius usus; verum quo illæ devenerint, vix liqueat. Et quod haec tenus adhuc illæ Provinciæ, nomina, memoriam, famamque Regni, quantumvis à Tyrannide Turcica, majore ex parte occupatae, apud Christianos obtineant, id totum beneficium Sacrae Coronæ acceptum referre debent. Neque intra ambitum Regni Partiumque annexarum, sicut Cœlum, vel mun-

dus

dus hic alterum Solem; aliam Coronam tolerare potest. Meminimus quidem BOCSKAJO Coronam ab ACHOMATE Turcarum Tyranno transmissam, capitique ejus per ALI-BASSAM impositam fuisse. At quis hujus exitus, patriæque tum temporis fors fuerit? filebo, ne commemorando cicatrices vulnerum nostrorum refricentur & recrudecant. Præsentiam verò in Regni visceribus Coronæ illius, quam acerbè & molestè sapientiores patriæ Cives tulerint? tam ex Viennensibus Conclusionibus, quam Constitutionibus Regni, satis supérque palam est; quam quidem nonnulli quondam Regni SERVIÆ fuisse perhibent, inde conjecturam capientes, quod AMIRATHES pulso Rege SERVIÆ, ac RASCIÆ DESPOTA GEORGIO cum filiis captô, & filiâ in matrimonium lectâ, in partem thesauri sui, hanc eandem Coronam recepit, apud quem latuisse illam, vero non est dissimile. Sed nos missâ, & valere jussâ, ministerio Turcicô, delatâ Coronâ, ad Angelicam Coronam orationem revocemus.

Diximus URBANUM EPISCOPUM, & STEPHANUM BATHORI asservâsse Coronam Regni; his STEPHANUS SIRMIENSIS EPISCOPUS, & ANDREAS BATHORI

H

suc-

Corona
patroci-
niō, & mi-
nisteriō
Turcicō
delata
Hungariis,
ut omnino-
sa, sic re-
jecta.

Opinio de
Corona
Regum
Serviae
verisimilis.

Corona
Monarchi-
am anat,
& obtinet.

Nobilitas
Hungarica
repetit Co-
ronam.

Novos
Conserva-
tores con-
stituit.

successerant, verūm ab iis à Nobilitate Regni Corona repetita est : videbatur quippe multis, non minùs indignum, quām periculosem, perpetuam tantæ rei illis custodiam permettere. Et committitur asservanda, interpositō jurejuran- dō STEPHANO de ZAPOLYA PALATINO, THOMÆQUE EPISCOPO JAURINENSI. Istorum Asservatorum seu Duūvirūm sacri Diadematis tempore arcis WISSEGRADIENSIS Castellanus fuit LADISLAUS KOLOS, de NÉMA. Qui de more antiquo Hungarie certa quadam & strictissimâ obligationis, & jurisjurandi formulâ custodiæ & conservationi Coronæ sacræ initiabatur suo & Ducas sui nomine.

Quæ cùm memoriâ non videatur indigna, huc de verbo ad verbum adscribendam duxi : ut pateat quoque modus, qui in custodia Coronæ sacræ olim observatus fuit, evidēnsque sit Majorum nostrorum studium, sedulitas atque diligentia.



FORMULA PRIMA OBLIGATIONIS ET JURA- MENTI DATA THOMÆ EPISCOPO JAURINENSI PRIMO DUUMVIRO SACRI DIADEMATIS.

FGo Ladislaus Kolos de Néma, Castellanus Castris Wissegradiensis recognosco, & tenore præsentium notum facio, quibus expedit universis. Quòd ex quo Reverendissimus in Christo P. D. Thomas Episcopus Faurinensis, & electus Agriensis, Dominus meus, inter reliquos familiares suos, me in Castellatum Castris hujus Wissegrád, ad custodiæ Coronæ prefecit, & deputavit. Ob hoc promitto eidem sub fide mea Christiana, ac sub honore & humanitate mea, juróque per Deum vivum, & per Virginem Mariam, omnésque Sanctos, quòd eidem Domino meo EPISCOPO amodò in hoc officio fidelis ero, & fideliter serviam, dictumque Castrum & sacram Coronam, fideliter custodiam & conservabo. Ceterum, si ipsum Dominum meum Episcopum, aut mori, aut fortunâ adversâ opprimi contingat, Castrum ipsum Wissegradiense, & ipsam Coronam, quoad partem ejusdem Domini mei, & loco sui Venerabili Domino Francisco Prepo-

I. Formula
obligatio-
nis, & ju-
ramenti,
Coronæ
præstiti à
Castellanis
Wissegrád.

sito Budensi, Germano suo fideliter asservabo, & sacram ipsam Coronam, de loco illo, ad quem idem Dominus meus, una cum Spectabili ac Magnifico Domino Stephano de Zpolya, Comite Scepusiensi, & Regni Hungariae Palatino, reposuit, sine scitu, & libera voluntate, ac expresso consensu nunquam removebo, neque manus meas ad illam apponam, & neque Regiae Majestati, neque Prelatis & Baronibus, neque aliis quibusvis illam assignabo. Quandoquidem vero idem Dominus meus Episcopus, aut in casu præmisso præfatus D. Franciscus Præpositus a me, idem Castrum, & eandem sacram Coronam, quoad partem suam rehahere, meque inde removere, & alium loco mei præficere voluerit, sine omni difficultate & renitentia, quæsitoque colore, remittam & resignabo. Hoc tamen addito: quod nec eundem Dominum meum Episcopum, sed neque præfatum ejus Germanum, cum tot hominibus ad Castrum ipsum intromittere teneat, quot me & socio meo Castellano, vel ad nos pertinentibus, potentior seu fortior fieri possit, neque etiam plures gentes, ejusdem Domini mei, vel etiam Germani sui, intromittere & acceptare teneat, quam est ordinatum, vel quam socius meus, Castellanus scilicet Domini Palatini, pro tempore habe-

habebit. Si tamen contingat, quod aliquis Potentum Castrum ipsum ob sideret, in tali casu, gentes ejusdem Domini mei Reverendissimi, & Prefati D. Palatini, vel Spectabilis ac Magnifici D. Joannis ejusdem filij, equali tamen numero, cum socio meo pro tempore constituto, pro Castri defensione intromittere sim obligatus. Quod quoad custodiā & conservationem hujus Castri Wissegradiensis & sacrae Coronæ, debitè & præcisè eandem fidelitatem, quam ipsi Domino meo Episcopo, & consequenter dicto Domino Francisco ejus Germano tenere sum obligatus; etiam Prefato D. Palatino & consequenter dicto ejus filio D. Joanni tenere debeam & sim adstrictus, nihilque plus in hac parte ipsi Domino meo Episcopo, & dicto Germano suo, quam Prefato D. Palatino, ejusque filio D. Joanni sim obligatus. Quæ omnia sub præmissa fide mea Christiana, & sub amissione honoris & humanitatis meæ, ac incursione perpetua infamie ac perjurij, eidem Domino meo Thome Episcopo, & Prefato D. Francisco Præposito, ejus Germano fideliter, inviolabiliter, inconcussèque iterum atque iterum juro & promitto observare. In cuius rei fidem, ac testimonium & robur, praesentes literas sigillò meò propriò, cum propriis ar-

mis nobilitatis meæ consignatas, eidem Domino
meo Episcopo, & consequenter Præfato suo Ger-
mano, dedi & assignavi. Datum in præfato
Castro Wissegrád. Annô Domini 1493.

ALTERA OBLIGATIONIS
FORMULA DATA STEPHANO ZAPO-
LYA PALATINO REGNI HUNGARIÆ SECUNDO
DUUMVIRO SACRI DIADEMATIS.

Ego Ladislaus Kolos de Néma, nomine Re-
verendissimi Domini mei Thomæ Episcopi
Faurinensis & Agriensis Ecclesiarum, &c.
Castellanus Castri Wissegradiens. recognosco,
& tenore præsentium notum facio, quibus expe-
dit universis. Quod ex quo idem Dominus meus
Episcopus Castrum hoc Wissegradiense, & Sa-
cram hujus Regni Hungarie Coronam, de volun-
tate Regiae Majestatis, & totius Regni, cum
Spectabili, ac Magnifico D. Stephano de Zapo-
lya Comite Scepusiensi, & ejusdem Regni Pala-
tino, pariter ac communiter tenet, meque Do-
minus etiam Episcopus, in Castellum ejusdem
Castri, & custodiam sacra Coronæ, præfecit ac
deputavit, vellètque ut ego eundem D. Palati-
num de observanda sibi fidelitate, tutum ac se-
curum redderem: Ob hoc promisi eidem, promit-
tóque

tóque sub fide mea Christiana, & sub honore ac
humanitate mea, juróque ad sancta Evangelia,
& per Deum vivum, & Gloriosam Virginem
Mariam, omnesque Sanctos, quod in conserva-
tione & custodia, eorundem castri & sacra Co-
ronæ, eidem D. Palatino, & si eum aut mori,
aut fortuna adversa (quod DEUS avertat) op-
primi contigerit, Spectabili ac Magnifico D. Jo-
anni ejus filio directè & præcisè eandem fidelita-
tem servabo, quam Præfato Domino meo Epi-
scopo, & consequenter Venerabili D. Francisco
Præposito Budensi ejus Germano sum obligatus,
& quod in hac parte, nihil plus, neque magis
eidem Domino meo Episcopo, & ejusdem Ger-
mano, quam ipsi D. Palatino, & dicto filio suo
obligatus & obstrictus esse volo. Item: quod
contra ipsum D. Palatinum, & consequenter in
casu præmisso, contra dictum suum filium, D.
Joannem, eorundemque Castellum præsentem
& futurum, & ad eosdem pertinentes, aliquod
ingenio, arte, dolø & fraude palam vel occulte,
directe vel indirecte, nihil omnino in habitatione
ipsius Coronæ & Castrum attentabo, nec attentari
faciam, quodque Coronam ipsam de loco, ad
quem in hoc Castro Wissegrád Præfatus Domi-
nus meus Episcopus, cum eodem Domino Pala-
tino

tino reposuit, absque scitu, requisitione, & expressa, liberaque voluntate, & consensu ejusdem Palatini, ad requisitionem & propriam commissionem, dicti Domini mei Episcopi, vel in casu jam expresso, prefati Germani sui nunquam removebo, aut aliò aportabo, vel cuiquam viventi in mundo assignabo, nec manus meas apponam, vel meorum apponi faciam, aut quidquid aliud de ea, quavis viâ excogitata, attentabo, vel attentari faciam. Item: quod prefatum Dominum meum Episcopum, vel dictum suum Germanum, nunquam cum tot hominibus intromittam, quot me & Castellano ejusdem D. Palatini, socio scilicet meo, hominibusque nostris, fortior sive potentior esse posset: & neque in numero plures gentes, ejusdem Domini mei, & Germani sui, ad Castrum, intromittam vel acceptabo, quam quod est per eundem, & ipsum D. Palatinum jam ordinatum, vel quot socius meus Castellanus scilicet ejusdem D. Palatini, pro tempore habebit. Si tamen contingeret, quod aliquis Potentum Castrum ipsum ob sideret, in tali casu gentes ejusdem D. Palatini, sicuti & D. Episcopi in pari, tum, & in aequali numero, cum socio meo, pro tempore constituto, pro Castris defensione, intromittere tenebor. Generaliter vero,

vero, nihil tale, in negocio hujus Castri, & sacra Coronae faciam, quod honorem ejusdem D. Palatini, vel etiam filij sui, aliquo pacto offenseret, aut ipsi disloquentiam, vel damnum aut periculum, vel scandalum aliquod generare posset. Quæ omnia sub premissa fide mea Christiana, & sub amissione honoris, ac perpetuae infamiae & perjurij, eidem D. Palatino, dicto Joanni ejus filio, fidelitatem inviolabiliter & inconcusse, iterum atque iterum juro & promitto observare. In cujus fidem, robur, & testimonium patentes literas meas, sigillo meo proprio, cum propriis armis nobilitatis meæ consignatas, eidem Domino Palatino, & consequenter ejus filio dedi & assignavi. Datum Budæ in festo Beati Demetrij Annô Domini 1493.

ULADISLAO ex mortali hac vita decedente, LUDOVICUS SECUNDUS Regnum excepit, qui vivo adhuc patre, in ipsis cunis Regij capitinis insigne accepit. Regnante LUDOVICO Corona fuit apud manus EMERICI PERÉNI PALATINI, & post mortem ipsius apud PETRUM PERÉNI reliqua fuisse traditur, qui cam cum Joanne ZAPOLYA, quem

Potius
Pro-Con-
servato-
rem.

* Conservatorem Coronæ fuisse antea retulimus,
suæ fidei concretam habuit.

POst infelicissimam verò ad MOHACS cla-
dem, in qua ità peccatis ejus ævi exigen-
tibus, flos Magnatum, Nobilitatisque, & robur
militiæ Hungaricæ concidit, quum & Rex LU-
DOVICUS SECUNDUS, hoc bello occubuit:
BUDA pannico terrore deserta fuit, quam SO-
LIMANNUM ingressum fuisse, inde *tribus ex*
aurichalco columnis ablatis recessisse, præterea
nec ullum crudelitatis vestigium impressisse,
Historiarum monumenta recitant. Mirum
sanè, quòd non modò in amœnissima, cui, ut
Author quidam asserit, nullus Europæ locus
comparari potest, sed & amplissima Urbe, &
Arce Regum sede, sumptuosis ædificiis, cultissi-
ma, ornatissimaque; SOLIMANNUS armorum
præsidium nullum reliquerit, neque mœnia
eius, murósque, quod multi expugnatores ur-
bium fecere, ne nimirum hostium essent recepta-
cula, diruerit, sicut ATHII A quoque (de aliis
ut nihil dicam) in GERMANIA, qui captâ AR-
GENTINA, mœnia illius dejecit, ut cunctis
ad illam aditus pateret, unde via Arx germa-
nicè STRASBURGUM adhuc hodie nominatur.
Sed nondum fatum BUDÆ advenerat, à rabie
ava-

Fatalis cla-
des Magna-
tum Hun-
garorum
ad Mohacs.

Solimanni
in sedem
Regum
Hungariæ
clementia.

Athilæ in
Argentina
detruenda
crudelitas.

avarissimi & potentissimi hostis, servata divini-
tus, quia nimirum propitius DEUS hac paterna
castigatione contentus, gentem nostram cruen-
ta illa funestaque clade, ad vitæ melioris stu-
dium pellicere voluit. Post verò non longa
temporis intercedente, dum *parcitas* hæc ani-
madversionis divinæ feros non correxisset mo-
res, auctis peccatis, in immensum excrevisset
Procerum ambitio, fide sublata, contentioni-
bus, rapinis, cædibus, atque bellis certatum es-
set, adeò; ut nulla *sacra Coronæ Religione ha-
bita*, in domestici belli societatem, juratus
etiam ac perpetuus *Christiani* nominis hostis,
evocaretur: *Ira DEI veluti crudelis medicus
ægri intemperantis*, haud levioribus usa reme-
diis ad gravissimam exarsit vindictam, Budaque
cum optima Regni parte, proh dolor! amissa,
& facta prædarum Christianarum receptaculum.
WISSEGRADI verò Coronæ domicilij, quæ for-
tuna infortunatissimo bello MOHACSIANO
extiterit, altum est apud *Historicos* silentium.
Indubium tamen est, Coronam sacram vim &
periculum Turcarum tunc evasisse, in præfido
ac tutela DEI, à quo nobis revelata & data est.
Sed postmodum non minùs mirè, quām miserè
jactabatur. JOANNES siquidem ZAPOLYA

Origo vera
ruinæ Hun-
gariae, so-
cietas belli
miseranda.

Coronæ
velum di-
vinitus da-
turn.

Coronæ
nova trag-
co. comœ-
dia, Au-
thore Jo-
anne Za-
polya.

Discordia
Hungarica,
bellumque
civile acer-
rimum ob
ambitum
Coronæ.

Ferdinan-
dus Sacra
Coronā in-
signitus,
fatō ad
ipsum de-
latā.

Praefectus Transilvaniae, cùm & potentiam valeret, & virtute sua antea pestilentissimam Cruciatorum factionem in ordinem redigendo, favorem quorundam promeruisse, Regnum sibi deberi ratus, sollicitatis, ac in suam sententiam haud paucis Proceribus pertractis se Regem appellari obtinuit, & Coronā, suæ, & PETRI PERÉNI fidei concreditā, ex arce WISSEGRAD privata Authoritate, desumptā, per manus PAULI ARCHI-EPISCOPI Strigoniens. redimitus est. Isthac præpropera Coronatione, quæ sævissimorum bellorum origo & causa extitit, facile judicare licet, parum tutam fuisse Coronæ Majestatem. Favebant namque Regni Optimatum plerique FERDINANDO ARCHIDUCI, qui sororem LUDOVICI REGIS ANNAM, in matrimonio habebat. BUDA ab illo sede Regni, sicut & ALBA-REGALI, ubi Reges coronari consueverunt, occupatā, & Joannis exercitu fuso, fugatōque FERDINANDUS REX proclamatus, & in ALBA-REGALI sacrā Coronā insignitus est. Quam PETRUS PERÉNI ob quandam injuriam & offenditionem à JOANNE desciscens, FERDINANDO assignārat. JOANNES verò sacro Diademate privatus, & Regnō excussus, profugus solum vertere, & in Polonia

lonia latere debuit, & partim dolore, partim virium, ac rerum suarum desperatione, nocentissimō consiliō, ad hostis Christiani nominis opem (horrescit animus meminisse) confūgit. *Quid enim ambitio dominandi libido non suadet? ut omnia recta & honesta negligant, dummodò potentiam consequantur.* Tyrannus qui sub spe auxilij perbellam sibi Hungariae potiundi opportunitatem oblatam, animadverterat, eam gratanter arripuit, & JOANNEM in suam recepit clientelam. Non enim ignorabat, simili occasione à majoribus suis, Graciā, Bulgariā, Galitiā, Serviā subjugatam. Quare magno exercitu in Hungariam educto, occupatāque BUDA eam clienti JOANNI tradidit possidendam, quin & sacram Coronam reddidit. Istud agens, quod Agazones solent; qui equos cicuraturi ferocibus caballis, frænum initio durius non admovent, neque calcaribus urgent, sed levi cingunt, ac molli vinculō, sensim ipsos habituri severius: ratus tum temporis Solimannus honestius primò circumvenire fraude honesta, quam vi aperta. Quō verò pactō in barbari manus Corona pervenerit, & quibus fortunæ telis, tum objecta fuerit, unō, quod ajunt, verbō explicemus.

Solimanni
usitatum
Turcarum
stragema
in fallen-
dis specie
clientelæ
Hungaricæ.

Graciæ &
Hungariæ
par ab ho-
ste fortuna.

Ars Turca-
rum tra-
stanti suos
clientes.

POstquam SOLIMANNUS à JOANNE accitus, magno cum exercitu in Hungariam irruisset, PETRUS PERÉNTI, qui jam FERDINANDI partes sequebatur, cum tota familia, & Regia suppellestile ex arce SIKLOS, tutioris permanisionis, conservationisque causâ, ad SAROS PATAK fugâ contendens, in via comprehensus, unà cum Corona ad SOLIMANUM deductus est.

Sacrae
Corona
Con-
servator ab
hostibus
captus.

Corona
Religio, &
fatum pro-
digiosissi-
num, in-
ter se col-
luctantur.

Divinæ
providen-
tiæ argu-
mentum in
genuino
suo opere,
Corona.

IN quam magno Corona periculo fuerit, cui libet cogitandum relinquo. Eodem enim tempore, quodam mirabili fato, *omnis Religio, salus, decusque Hungarorum, in potestate Tyranni fuere.* At verò sævus Tyrannus, divinus fortè excœcatus, nec Religione moveri, nec salutem æstimare, nec decus curare visus est. Ubi enim *Viennensem* solvisset obsidionem, JOANNE cum Proceribus accersito, *Diadema & reliqua ornamenta Regia* ultrò ipsi resignavit. Quis non miretur pium factum, ab impio Tyranno? Quis precor jam ambigere ausit, *sacram Coronam, in tutela Præpotentis DEI esse?* Quin igitur hoc exemplo, nostra opinione optima, magis ac magis confirmamur? quin adhuc confidimus? Nullam in eam quibusvis hostibus esse potestatem: *hac salva, triumphanteque, patrium Re-*

Regnum fore incolume, modò perstems in illa prisca Religione Apostolica, communia amemus, promoteamisque commoda, feramur in Turcas immortali odio, sit domi pietas, fides, concordia, quantumvis vi hostili exerceamur, non frangemur tamen, cœlitus roborati, & cœn palma pressa erecti, ex ipsis bellicis vulneribus servati, vitam virésque resumemus.

JOANNE fatis functo, & Coronâ capiti infantis filij ipsius* STEPHANI utcunque impeditâ, GEORGIUS MONACHUS inter cæteros JOANNI & matri ipsius ISABELLÆ addictos, eminebat: qui BUDA à SOLIMANNO per fraudem & vim occupatâ, posteaquam in Transilvaniam cum Regina ablegatus esset, ex arbitratu & voto ipsius rebus minimè succedentibus, accensus indignatione deficit à fide ISABELLÆ Reginæ, Coronâque Regni, in sua manu atque potestate existentem, indicio amicæ suæ clientelæ Viennam transmittit. Quamvis nonnulli aliter sentiant: quòd nimirum, Proceribus Hungaria pacem atque concordiam urgentibus ipsa ISABELLA, *Diadema Regiaque insignia FERDINANDO Regi remiserit.* Ut ut res se habeat, DEO ita dirigente, ad FERDINANDUM Coronam rediisse, extra omne dubium est.

Porro

Pia & facili-
lis ad Hun-
garos mo-
nitio Au-
thoris.

* Probabi-
lius est,
nunquam
fuisse coro-
natum.

Ex Transil-
vania missa
Viennam
ad Ferdi-
nandum.

Porrò errante sic *Corona*, tantisque exagitata procellis, quæ facies Regni? quæ conditio? turbulentissimus profectò erat status, dum Primores invicem dissidebant, & plus quam *Vatinianis* se prosequabantur odiis, mutuisque gladiis conficiebant. *Namque Civium furor, damnæ graviora, quam portis immanis imminentis hostis, afferre solet.* Et ut *Livius* dicit: *Factiones civiles fuere, pluribus populis magis exitio, quam bella externa, quam famæ, morbive.*

Laborante
& confi-
dante Hun-
garia bello
civili, ho-
stis trium-
phat.

In hac igitur discordia nocentissima, quidam Optimatum ZAPOLIO, FERDINANDO alijs adhærebant, ad motum fortunæ alijs plerique movebantur. *Turcarum* colluvies illa barbarica, crudelissimâque sæpius evocata in *Hungariam*, adeò hostiliter & crudeliter debacchata est, ut nullis pene lachrymis, vastitates atque strages eorum temporum sufficienter deplorari possint.

Defensio
Turcarum,
causa cla-
diuum.

Sed ipse JOANNES, cum asseclis suis, quid ex amicitia simulata, suppetiisque barbarorum emolumenti accepit? Illud nimirum præcipuum, quod defensores ipsius, fuerint patriæ dulcissimæ desolatores. Et tam hoc est verum, quam quod verissimum: quod *extremum*

sem-

*semper amicitia Turcarum sit, & fuerit oppres-
sio, pernicies, & servitus certissima.* Nihil dicam de infinita hominum infelici illa tempe-
state, in tetram & perpetuam servitutem abdu-
cta multitudine. Relinquam obsidionem Vien-
nensem. De SZIGETHI fortissimi propugnaculi
amissione nec quidquam dixero. Coniux JO-
ANNIS cum nato unico, quæ se patrocinio
SOLIMANNI muliebri impotentia commise-
rat, persuasa mirificis hostis blandimentis, spe-
ciosissimâque patrocinii simulatione, quam rece-
pit gratiam? In TRANSILVANIAM est à SO-
LIMANNO relegata, BUDA, quam patri simu-
lata humanitate tradiderat, ereptâ, Regnô ex-
pulsa, spoliata est. Quos igitur præterea fru-
ctus attulit impia illa, injusta, ac immoderata
Turcarum societatis ac auxiliij affectatio? Utinam nec nos ætate nostra similem propè ex-
perti fuissetur! neque domesticis dissensiis atque tumultibus cursus felicitatis Impera-
toris nostri impeditus fuisset! non modò mul-
to sanguine, & labore expugnatum munitissi-
mum STRIGONIUM; sed BUDAM (quam
gemina obsidione Cæsar MATTHIAS magnis
validisque copiis obsederat) PESTHO, ALBA-
REGALI, & infra Budam plurimis præsidiis ex-

K

pugna-

Inimico-
rum dona,
non sunt
dona.

Felicitas
Imperij
Matthiae
fatô malo
interpolata.

Tyrannis Turcarum crevit, discordia Christianorum. pugnatis, in potestate nostra haberemus. *Christianorum, mi Christe!* similitates nunquam non promovent Turcarum utilitates: estque discordia nostra ipsissimum furoris Turcarum, & nutrimentum, & potentiae augmentum. Evidem cum duobus modis soleant homines sententiam in melius mutare, vel propriis calamitatibus edoeti, vel clodium alienarum exemplô admoniti: Opto ex animo, ut jam tandem malis nostris eruditi, vel deinceps reddamur cautores. Sed vereor, ne *vetustissima hæc fabula, surdis*, quod ajunt, *narretur*. Adeò enim quorundam vindictæ cupiditas levi de causa concepta occupavit, ac inflammavit animos; ut perire cum illis quos oderunt, quam servare patriam, cui nati sumus, cupiant; & malint contumaciam cum pernicie, quam obsequium cum securitate. Quid autem ad naturam anguum, ac viperarum proprius ac affinius; quam isthæc impietas? Verum positis querelis odiosis, institutum nostrum persecuamur.

Natura ci- viuum per- ditorum, & infide- lium.

Maximilia- nus II. Co- ronatus.

Superstite adhuc *Cesare FERDINANDO* MAXIMILIANUS filius à Regnicolis in Regem adoptatus, cui *Coronam* pater ultrò lumbensque detulit. Eluctata enim ex clade civili, velut apud *Cives* suos parùm secura, tutelæ *Au-*

stria-

stria corum ac amori se concredidit: quando nimirum spretis nostri generis, & sanguinis Principibus, quorum scelere quæsita potentia, diuturna esse non potuit: partim Regiis hæreditibus exhaustis: novum *Augustæ domus Austriæ Imperium* acquisivit, ubi velut extra turbas patriæ in pacato consisteret, salutem & gloriam ex propinquo loco promoveret.

MAXIMILIANUS verò filium suum RUDOLPHUM, patris secutus exemplum, Regem designavit, & consentientibus Regni Ordinibus, eidem Regnum & Diadema publicè resignavit. Non minùs laudabiliter certè, quam sapienter Principes fecerunt nostri, qui non tam sibi, quam Patriæ nostræ consultum volentes, mature dum adhuc in vivis essent, Regno providerunt, non ignari, *naturam mortaliū*, ut esse avidam imperij; sic impatientem Regiæ dignitatis confortij, novisque & magnis conatibus opportunos esse transitus rerum, & quantum post fata Regum mali atque periculi, nisi mature de successore prospectum sit, consequatur. Siquidem scissis in orbitate, varias in factiones Proceribus, *Respublica*, veluti navis sine nauclero, seditionum fluctibus, non rarò jactari, vel etiam mergi solet, cujus do-

Corona novò ho- spitiō Do- mūs Au- striacæ ex- cipitur, ac credit ad Imperij Romani societa- tem.

Rudolph⁹ vivo patre coronatur.

Laudabilis mos prin- cipum in successorib⁹ tem- pestivē dandis.

Quia præ- occupan- tur pluri- ma mala.

mestica obvia, & ea satis luctuosa sunt exempla. *Electio* verò Regum Hungariæ, omnium Ordinum consensu, quidem olim in campo RAKOS inter arma fieri solebat; ast perquam rara est, armatæ potissimum multitudinis, concordia. Inde evénit frequentius, ut qui robore, viris, clientelisque potentior extitit, ejus ad nutum Reges creati sint, unde *libertas Electionis* interdum intercipiebatur; non sinè legum maximo præjudicio.

IN RUDOLPHI verò IMPERATORIS & REGIS nostri manu ac potestate *Corona* fuit usque ad annum 1608. Nec sinè ingenti Divinæ providentiae beneficio id contigisse quilibet æstimare potest; ut *sacra Corona* inter Penates Augustissimorum Regum, qui Imperatoria fulgebant dignitate, à Septuaginta plusminus annis, totoque illo tempore, quō & acerrimum cum Turcis variante fortuna, victoriaque bellum gessimus, & domesticis dissidiis motibusque patriæ conficiati fuimus, Conservata fuerit; donec in tutelam gratissimæ pacis, cum insigni decore patriæ restitueretur. Demum postquam in Vienensi tractatu, nescio quo divino animorum instinctu, conclusum fuisset; ut *sacra Regni Corona*, in patriam reduceretur, & in

Augusta
Domus
Austriaca
70. annis
conserva-
vit Coro-
nam.

Divinus
zelus pro
Corona
Hungaro-
rum.

ea

ea reddenda *Cæsar Rudolphus* difficilior cogi, non peti videretur; CÆSAR MATTHIAS Regni Hungarici tunc GUBERNATOR & actorum Arbiter, vocato ex *Hungaria, Austria*, atque *Moravia* exercitu, PRAGAM versùs movit, ac SACRUM hunc THESAURUM, maxima omnium HUNGARORUM congratulatione, quasi postliminiō reduxit. Qua de re infrà aeturi paulò fusiūs. Nunc commodè videtur, *sacra Corona* & cæterorum insigniorum Regalium brevissimam instituere *descriptionem*.

EST itaque FORMA SACRÆ CORONÆ aurō solidō, artificio sculpturæ magis cœlesti, quam humanō, in orbem fusa: à cuius latiore circumferentia pariter *pinnæ florentes* forma triangulari similiori circumeminent, quatuor angulis rectis: absides se mutuò interfecantes, desinunt in *Crucem*. In ipsa verò circumferentia fronte recta, *Imago Salvatoris nostri Pomum* tenentis; ex adverso *Diva Matris Virginis*: & deinde sacerrimus *Apostolorum ordinis*, *Regumque*, ac *Imperatorum*, *Martyrumque Christianorum*. Ut videre licet, literis Græcis, in cuiuslibet imaginis, aureis vultibus, ac propriis trophæis per corpus totum, usque ad *crucem* summam mutuò consequuntur, interjectis

K 3

Expeditio
Matthiae
Cæsaris
pro Coro-
na in Bo-
hemiam
felicissima.

Descriptio
Coronæ
digna con-
sideratio-
ne.

Pinnæ tri-
angulares
novem.

Imagines
Salvatoris,
Mariæ,
Apostolo-
rum, Impe-
ratorum,
Martyrum.

cui-

Gemmæ
preciosæ.

Appendi-
ces, ac in
aures de-
pendentes
catenulæ
novem.

Significa-
tio novem
Regnum
sub Coro-
na.

Novena-
rius nume-
rus Coro-
nae facer.

cuilibet *sacræ Imagini* gemmis ac unionibus. Atque ut hæc non planè ex vulgari habitu ac more; sic istud planè notabile: Ab aurum naturali parte utraque, gemmæ preciosiores candidantes dependent, *appendices* veluti *loci inaurium*, quæ ad levem sacri capitis motum, mutuâ quasi harmoniâ se commovent: ut aum rem utramque *Divine* humanæque consecrando *Justitiae*; omnia ad *Divini Nominis gloriam, famamque bonam, & existimationem Reges referant*. Aut etiam *Catenulae illæ novem, novemque in frontali, & occipitali Coronæ parte, Pinnae radiantes*, majusculis unionibus intra certa spatio, Regnorum novem; ac Provinciarum Regno Hungariæ incorporatarum, *Dalmatia* ut-pote *Croatia*, *Sclavonia*, *Servia*, *Bosnia*, *Gallia*, *Lodomeria*, *Bulgaria*, *Cumania* potestatem & splendorem indicant. Neque enim frustra illud institutum esse censeo, quandoquidem in pinnis, gemmis, figuris, inaurium appendicibus, tam accuratè, adeoque diligenter, *numerus novenarius* observatus fuerit. In hoc enim cubus geminus, nempe bis quatuor, & triangulus, scilicet inter tria, quatuor item lineæ, singulis duobus punctis definitæ, continentur: sique paris imparisque, & adeò totius numeri

inte-

integritas & perfectio explicatur. Quibus ergo curæ cordique est *Mysteria* investigare *numerosorum* atque proportionum, & vel unionum, preciosorumque lapidum, qui *Coronam sacram ornant*, significationem; intendant ingenij sui nervos mihi quod videtur, citra præjudicium dicam. Divina perfecta esse debent, talis *Corona* hæc, hujusmodi Reges exigunt, hi populos tales reddunt, sique demum felix Regnum & perfectum, *durant verò perfecta, perficiente Deo*. Sed totum Coronæ decorem, cum sacris imaginibus, intima sua significatione nihil aliud annuere censeo; quam ut Rex coronatus, ad vigilantiam ipse, adeoque omnis gens *Hungarorum*, quam felicissimè fidei *Apostolicæ* initia fuit, ad eandem penitus cognoscendam, collendam, amandamque, immò armis propugnandam, quam constantissimè admoneatur.

Dicendum præterea jure optimo videtur de adjunctis etiam Coronæ Regalibus ornamentis; quæ quidem præterquam quod ad Coronationis solennitatem necessariò requiruntur; Regem coronatum arcans etiam documentis, ad Axioma Regium bene piéque sustinendum admonent.

Pallium

Symbolum
pietatis, ac
Religionis
Apostolicæ
colendæ,
& amandæ.

Adjuncta
Coronæ
Regalia in-
strumenta.

Pallium
aut trabea
Divi Ste-
phani ura-
nei colo-
ris.

Pallium enim sive Regule Paludamentum D. STEPHANI, non tam vetustate & censu, quàm Religione picturæ admirabile est ; ex serico factum, uranei coloris, cui DEI thronus & Apostoli omnes, cum Divina Majestate parte una ; parte altera triumphus Christi a Cruce, ex auro contexti, in palmatæ vestis speciem. Aut si quis exactiorem hujus trabeæ sacræ delineationem habere velit, sequentia peculiari studio inde desumpta, contempletur.

*In dorso circumcirca, infra cingulum hæc ha-
bentur verba : Indictione 14. à Stephano Rege,
Et Reisla Regina, casula hæc operata Et data
Ecclesiæ sanctæ Mariæ, sitæ in Civitate Albensi.*

*Inter scapulas ad Imaginem Christi hæc extant:
Hostibus en Christus prostratis emicat altè.*

*In humero dextro ad Imaginem B. Virginis,
hæc leguntur :*

Emicat in cœlo sanctæ Genitricis Imago.

*In humero sinistro ad Imaginem B. Joannis
Evangelistæ :*

Dat summo Regi famulatum concio Cœli.

*In summitate supra fimbriam à tergo :
Sessio regnantem notat, & Christum dominan-
tem.*

Circa collum ex sinistra parte Crucifixi :

O

O spes certa salutis.

A dextra parte Crucifixi majusculis :

R. R. E. T. O. B. UMBRA.

Quarum literarum mysterium, non nisi Au-
thori ipsius, D. STEPHANO notum :
quas divinando si quis velit interpretari, si quid
ad rei veritatem facere videretur, sic liceret :

Regina, Romanæ, Ecclesiæ,
Totiusque, Olympi, Beata,
Virgo, Maria, Bellicosæ, Regni,
Advocata. Vel verò secundùm circum-
stantiam : Rex Regum Est Triumphator Orbis
Benedictus. Virgo Maria Beata Regina An-
gelorum.

Si hæc de DEO aut Christo dicantur, constat
optimè sententia, & magis propriè quàm si
ad Benedictum Pontificem referamus. Si verò
ad D. STEPHANUM ; verè illum Benedictum
fuisse dicemus, qui fidei Christianæ, non in
HUNGARIA duntaxat, sed ad SARMATAS us-
que & GETAS propagator fuit. At quòd lite-
ris UMBRA, puncta non sint apposita ; dictio-
nem proinde unam per se constituere videntur.

L

Unde

Umbra,
sine pun-
ctis, my-
sterio non
caret.

Pallium
aut trabea
Divi Ste-
phani ura-
nei colo-
ris.

Pallium enim sive Regule Paludamentum D. STEPHANI, non tam vetustate & censu, quàm Religione picturæ admirabile est ; ex serico factum, uranei coloris, cui DEI thronus & Apostoli omnes, cum Divina Majestate parte una; parte altera triumphus Christi a Cruca, ex auro contexti, in palmatæ vestis speciem. Aut si quis exactiorem hujus trabeæ sacræ delineationem habere velit, sequentia peculiari studio inde desumpta, contempletur.

*In dorso circuncirca, infra cingulum hec ha-
bentur verba : Indictione 14. à Stephano Rege,
& Reisla Regina, casula hæc operata & data
Ecclesiæ sanctæ Mariæ, sitæ in Civitate Albensi.*

*Interscapulas ad Imaginem Christi hæc extant :
Hostibus en Christus prostratis emicat altè.*

*In humero dextro ad Imaginem B. Virginis,
hæc leguntur :*

Emicat in coelo sanctæ Genitricis Imago.

*In humero sinistro ad Imaginem B. Joannis
Evangelistæ :*

Dat summo Regi famulatum concio Cœli.

*In summitate supra fimbriam à tergo :
Sessio regnantem notat, & Christum dominan-
tem.*

Circa collum ex sinistra parte Crucifixi :

O

O spes certa salutis.

A dextra parte Crucifixi majusculis :

R. R. E. T. O. B. UMBRA.

Quarum literarum mysterium, non nisi Authori ipsius, D. STEPHANO notum : quas divinando si quis velit interpretari, si quid ad rei veritatem facere videretur, sic liceret :

Regina, Romanæ, Ecclesiæ,
Totiusque, Olympi, Beata,
Virgo, Maria, Bellicosæ, Regni,
Advocata.

*Vel verò secundum circum-
stantiam : Rex Regum Est Triumphantor Orbis
Benedictus. Virgo Maria Beata Regina An-
gelorum.*

Si hæc de DEO aut Christo dicantur, constat optimè sententia, & magis propriè quàm si ad Benedictum Pontificem referamus. Si verò ad D. STEPHANUM ; verè illum Benedictum fuisse dicemus, qui fidei Christianæ, non in HUNGARIA duntaxat, sed ad SARMATAS usque & GETAS propagator fuit. At quod literis UMBRA, puncta non sint apposita ; dictio- nem proinde unam per se constituere videntur.

L

Unde

Umbra,
sine pun-
ctis, my-
sterio non
caret.

Magistratus, imago, & umbra DEI est.

Externus habitus sa-
cer, inter-
num decus
designat.

Sceptrum Hungari-
cum differt
à forma
usitata.

Unde sensus erit: *Regni Cœlestis illius & Spiritalis, terrenum hoc, umbram esse.* Magistratus enim est summi DEI imago, & *umbra*, & in hoc sæculo *una lex Regibus cum reliquis hominibus posita est, nempe: Quod pulvis & umbra sumus.* Aut quod pictura hæc sacrarum Imaginum in sacra veste; *umbra tantum sit rerum existentium.* Nihil profectò ex sacro hoc picturæ habitu ad naturam boni Regis verius; nihil ad Regiam dignitatem antiquius; quam ut *Deum cuius imaginem gerit in terris, agnoscat, & colat: sanctitatem, justitiam, cum Religione observet inviolatam: & fide Christiana propugnata, exoptatam de hostibus referat victoriam: præmia denique rei bene gestæ, non in terris, sed cœlis expectet.*

Scptrum porrò, quod *Archi-Præsul Strigoniensis* Regi coronato traditurus, *Virgam veritatis & justitiae* nuncupat; non nihil à communibus Regum sceptris differens, brevius, summitate rotunda, simillimum clavæ rotundæ Hungaricæ: quo belli instrumento, præter morem aliarum gentium apprimè soli Duces Hungarorum delestantur: *pugnandum pro Legie, & pro Grege, quoties necessitas urserit, admonet.*

Pomum

Pomum aureum
cujus rei
sacramen-
tum?

Pomum aureum aut sphæra cui Crux inhæreret, arcādō rei sacramētō fortunæ volubilitatem denotat. Nimirum, ut globus est versatilis; ita & fortunam Regum haud esse firmam atque stabilem, verū multis injuriarum atque periculorum telis obnoxiam; facillimè summum dignitatis illorum fastigium, de uno, in aliū devolvi; amore tamen Christi, qui orbem & sphœram hujus mundi universam, sacro suo sanguine mercatus est; populo sibi divinitus commisso, Regem cunctis postpositis periculis, atque adversitatibus, imperare debere; judiciūmque & justitiam ita administrare; ut iudicio supremi Judicis vivorum & mortuorum satisfacere possit. *Pomum aureum primus ex cogitasse fertur CONRADUS IMPERATOR, & quidem quo Cesares utuntur: (nam de nostro contrarium constat) quod aperiri & claudi potest, in eoque terra inclusa habetur, argumento: Nonarchas in maximo fastigio dignitatis constitutos; humum, cineremque, & quæ ac cæteros mortales esse.*

Gladius porrò DIVI STEPHANI, veteri forma in mucronem rectum desinit: quem ille vieti tot fidei Christianæ hostibus, utendum futuris Regibus, in simili causa con-

Conradi
Imperato-
ris aureum
pomum
concavum,
in quo ter-
ra clausa.

Gladius
Divi Ste-
phani, sa-
cratus de-
fensioni
Regni.

*Cur in Co-
ronatione
soleat à Re-
ge vibrari
ad M.E.
OR. (†) oc.
SEP.*

*Chirothe-
cæ. Co-
thurni.*

*Buda Me-
tropolis
non est lo-
cus com-
modus pro
Coronæ
custodia.*

secravit: quem etiam *more Hungarico* peculiari, Rex coronatus, sub dio in illustri tumuli conspectu, eques prono cursu conscendens, versus quatuor mundi plagas vibrare solet, qua cunque parte hostibus infestantibus, bellum hoc pacto interminatus: *imitatus Romanorum* (ut ait Bonfin.) exemplum, quod à columnā campi Martij, in partem belli transferendi, Consul bastam jacere consueverat.

Chirothecæ denique & Calceamentum DIVI STEPHANI, quibus sinceritas morum, & innocentia Regis significatur.

JAm verò, locum custodiæ sacrae Coronæ consideremus. Neque mirum videri debet, quod veteres illi *Hungari*, florentissimo totius Regni statu *sacram Coronam*, BUDÆ, sede Regia, servatam noluerint, (exemplō Imperij ac aliorum Regnum, quæ Coronas in potestate Regum non relinquunt, sed aut *Collegiis sacrī* illas commendant, aut munitis ac secretis locis con credunt) siquidem quod ab omnibus omnium pene gentium populis illa frequentaretur; & ut fieri solet, in tanta hominum frequentia, & negotiorum, actionūque varietate, rerūque vicissitudine, plerumque diversas aleret factio nes;

nes; graviaque experiretur pericula: existimabant ibi *sacrum Capitis Regij ornamentum*, in quo tantum est momentum, discrimine aliquo non caritatum. Proinde extra conspectum, consortiūque hominum, in loco quieto, seculo, ab ipsa natura dato, munitissimo, excelsissimōque monte, & tanquam cœlesti domicilio WISSEGRADO reponebant. Et quidem ea cura, & sollicitudine; ut nec Custodibus *sacrae Coronæ* adyta, quoties liberet ingredi, nec aliis quibusvis, qui Religione Diadematis sacri dueti, domicilium ipsius vel à lamine salutare cuperent; permitterentur. At tandem maxima *Hungarorum calamitate*, & fati iniquitate, occupatâ ab hostibus *Hungariâ*, locus hic mutatus; ipsa etiam salus & gloria *Hungarorum* vacillare & mutari visa est. Nuper fuerat arx WISSEGRAD favente Numine auspiciis Incliti CÆSARIS MATTHIÆ ab hostibus recuperata, & nobis restituta, ubi ipsa adyta *sacrae Coronæ*, magna cum veneratione ac lætitia, à triumphante Imperatore conspecta & lustrata, recenti tenemus memoria. Faustissimo omne ac præludiō futuri eventū; hunc eundem fore, qui aliquando *sacram Coronam*, patriæ, sicut jam factum est, restitueret. Quod

*Wissegra-
dum, locus
celerrimus,
in Hunga-
ria Coronæ
dicatus.*

*Mutatus,
mutatâ Re-
gni fortu-
nâ: muta-
ta gloria,
salusque.*

*Adyta Co-
ronæ lu-
strata à tri-
umphante
Matthia C.*

quidem castrum WISSEGRAD, *domicilium Coronæ*, si cum Posonio, ubi *sacra Corona* modò sedem figit, conferas; nihil ferè ad *sacra Coronæ* commoditatem, præter loci celebritatem afferri potest.

Sed quantò triumphò, quáve gentis Hungarice gloriâ, immortali verò MATTHIÆ CÆSARIS fama, *sacra Corona*, à Rudolpho Secundo remissa; quo plausu ac lætitia tot gentium excepta, reductaque sit; satis explicari scripto à me nequit. Facturi id fortè alij, quibus plus est ingenij & ocij. Lubet tamen hoc loco utriusque *Matthiæ Regis*, circa *sacra Coronæ* recuperationem, contemplari & comparare fortunam.

Matthias Primus, Coronam armis, sanguine, preciō, recuperat.

Matthias Secundus, amore, virtute, felicitate.

MATTHIAS *Primus*, postquam acerrimum pro recuperanda *sacra Corona*, bellum cum IMPERATORE FRIDERICO *Tertio*, non sinè multa sanguinis effusione gessisset, illatis & acceptis damnis quam plurimis; non priùs tamen, quàm sexaginta millium aureorum preciō exolutō, eam obtinere potuit. Contrà MATTHIAS *Secundus*, quo nullus Secundior, *Hungariae* tunc *Cesaris* nomine GUBERNATOR, vigore constitutionum VIENNENSIMUM,

SIUM, de restituenda *Corona* impulsus; armata manu, Duce exercitūs Hungarici Comite GEORGIO THURZO, *Bohemiam* ingressus, castra ad PRAGAM fixit, *Cæsarémque* graviter ursit. Qui tandem adactus, quasi fraterno istud deberet amori, & insignibus illius meritis; per CARDINALEM FRANCISC. DIETRICHSTEIN EPISCOPUM OLOMUCENSEM, (qui laudabilem in legibus concordiæ inter *Cæsarem* & *Archiducem* fratres sanciendis, præstít operam) PROCERÉSQUE BOHEMOS; altero PRAGA lapide, eam resignavit, maximâ totius exercitūs Hungarici lætitia ac tripudiò. Atque sic sinè sanguine & cæde *Coronam* adeptus MATTHIAS, pulcherrima comitante militia, VIENNAM primò; deinde POSONIUM ad felicem Coronationem, tanquam præclarissimum reductionis stipendum recipiendum, properavit. Ipsa verò *sacra Corona*, sacrò Conservatoriō ob-signatō, & auratō tegumentō superinductō, triumphali currui Regis imposita, assistentibus *Hungaris* plerisque, & velut Antesignanis in triumpho præcedentibus, milite prætoriano comitante, inter tubas & tympana, inter gaudientium voces, & gratulationum plausus, ex arce devecta, & in templo *Divi Martini* collocata die

Comes Georgius, Dux Coronæ restitutæ.

Triumphus Coronæ redeuntis in conspectum Hungarorum.

Sacra Corona se-
ipsam do-
nat in præ-
mium me-
ritorum,
Divo Mat-
thiae.

die S. Elisabethæ anno 1607. ô diem illum bis felicem ! quô & sacram Coronam , longissimô exilio reducem, ac triumphantem vidimus : & Matthiæ Excellentissimi Principis, pro tantis meritis ac laboribus, Capiti Augustissimo, unanimi voto, communib[us]que omnium Ordinum suffragiis, & faustissimis acclamationibus , per manus ARCHI-EPISCOPI STRIGONIENSIS CARDINALIS FRANCISCI FORGACS imposuimus.

Gloria me-
ritorum in
Hungaria,
Divi Mat-
thiae Cæsa-
ris æterna.

Imperium
ipsius in
Hungaria
pacatum,
& tran-
quillum.

VIvet profecto vigebitque, justis decorata præconiis à grata posteritate, MATTHIÆ Cæsar[is] virtus insignis , atque gloria. Quid enim hac re elogio dignius ? quid jucundius ? post ejus Coronationem in Regem Hungariæ ; exterminatas ex dulcissima nostra Patria hostium technas ; cessisse in quietorum contentiones, odia, simultates antiquatas : concidisse feroces atque superbos æmolorum animos : sanguinolenta dissipata consilia ; sublata priorum temporum acerbitate, ac vastitate horrida ; affulsisse nobis, quasi Cœlō demissam, exoptatam pacem & tranquillitatem : cum qua florent leges nostræ , atque illam juris dicundi potestatem, quæ bellico furore conticuerat ; in usum revocatam ac restitutam : quo vel ipso nomine,

meri-

meritò nostra triumphat & exultat Hungaria. Felices nimirum Nos ac beatos ! qui perfuncti tot calamitatibus ; aurea hæc consecuti sumus tempora : optoque animitus ; ut sint perpetua, sint stabilia : nec nobis hæc, ulla nova interturbet molestia, aut calamitas.

Utinam
æquè fe-
lix ac diu-
turnum.

Cui verò præter Inclytam Cæsar[is] felicitatem ; hanc tantam bonorum copiam & contextum rerum prosperarum adscribam, nisi Angelicæ Coronæ ? Ad quam deîn veluti cumulus , & Coronis , accessit societas individua , Regni amplissimi Bohemicæ Coronæ : atque Augusta Cæsareæ dignitatis Majestas ; quam utramque sacra Corona , suis auspiciis quasi attraxit , & sibi favorem , roburque pene totius Christiani orbis conjunxit , conciliavitque.

Corona
auspiciis
suæ sancti-
tatis, post
se trahit
Regna ac
Imperia.

Modus verò Resignationis sacrae Coronæ, & restitutio[n]is novi Duūviratū SACRI Diadematis (ne hoc quoque lateat posteritatem) hic fuit. Finita feliciter Coronatione MATTHIÆ SECUNDI , Status & Ordines inter reliquas COMITIORUM LEGES , comuni consensu, DECRETO de sacro Duūviratu Diadematis restituendo sancitō ; Regiam Majestatem orârunt, ut hoc tam divinum &

Resignatio[n]
facta 1608.
à Matthia
Cæsare.

M

im-

immortale restitutionis sacræ CORONÆ Hungaræ reipsa præstaret beneficium : illamque in præsentiarum Regno resignaret : simùlque Regia Majestati quatuor ex Magnatibus nominarunt , quorum ex numero Rex binos eligeret Coronae Asservatores. Pensata verò ratione personarum , suæ Majestati, PETRO de RÉWA, COMITI de THUROCZ , & STEPHANO PALFFI de ERDEOD, COMITI POSONIEN. id curationis ac provinciæ, dare visum est : strictissimô exactô ab eis , in Procerum & Consiliariorum frequentia, fidei & diligentia sacramentô. Ubi autem Corona arcuæ ferreae serâ inclusa, ex conclavi Regio solenniter in turrim Regij Castri Posoniens. Primoribus Regni comitantibus deferretur ; eamque PRINCEPS CAROLUS à LIECHTENSTEIN , STEPHANUS ILLYÉSHAZI tunc PALATINUS, & LEONARDUS HELFRID à MEGGAUU , Primarius REGIS CUBICULARIUS clausam, CONSERVATORIBUS traderent; ipsos ut armam reserarent, & thesaurum ostenderent Conservatores interpellârunt. Quô factô, Coronam sublatam coram adstantibus, alter Conservatorum demonstravit, semel, iterumque percontando: legitimam, vetustissimamque illam Coronam

Petrus Révvaj , &
Stephanus Pálffy ab
Ordinibus Regni in
Comitiis delecti, no-
vi Duum-
viri sacri
Diadema-
tis.

Resignato-
res præ-
fentes ad
Coronam.

ronam recognoscerent? Quibus affirmantibus, Coronamque singulari devotione exosculantibus ; reconsiderunt , reconditorum obseratô , sigillisque certorum Procerum communitô. Quàm autem hoc munus Conservatorum curarum plenum sit, & sollicitudinis; quivis facile vel ex Corona recensitis vicissitudinibus & periculis metiri ; ex juramento quoque eorundem colligere potest. Cujus quidem hæc norma est.

Recondi-
torum si-
gillis Pro-
cerum mu-
nitum.

Difficilis
& pericu-
losa pro-
vincia, Cu-
stodia Co-
ronæ.

FORMA SACRI JURIS-JURANDI, PRÆSTITI à SACRI DIADEMatis MAGISTRATU DUUMVIRATUS :

D. PETRO RÉWAI COMITE THUROCensi.
D. STEPHANO PALFFI COMITE POSONIensi.

Quoniam sua Majestas Regia, atque omnes Status & Ordines Regni Hungariæ, in præsenti generali Diæta Posoniens. congregati, sacram ejusdem Regni Hungariæ Coronam , simul cum omnibus , ejusdem Clenodiis , fidei & custodiæ meæ, concredere dignati sunt : Ideò juro per Deum vivum , quod ego Sacrae Regiae Majestati, ac dicto Regno Hungariæ fidelis & obediens ero , dictamque Sacram Regni Coronam , summa fide , diligentí cura , vigilantiâ,

Formula
vetus ju-
ramenti
Custodum
Coronæ.

ac sollicitudine, custodiâ, asseruabo: sinè præscitu & voluntate suæ Regiæ Majestatis & Regni, neminem ad illam visendam & perscrutandam admittam; aut alieno illam tradam; atque quolibet anno certis temporibus frequenter huc Posonium me conferam, & locum conservationis dictæ Sacræ Coronæ, diligenter perscrutabor & inspiciam; ac ut salva semper & secura persistat, omni diligentia & fidelitate curabo: ac si quid suspicionis & hostile, in januis, seris, vel parietibus animadvertero; de eo confessim Sacram Majestatem suam Regiam, vel Palatinum edocebo. Item: si quem motum vel tumultum, in Regno hoc oriri contingeret; de illo quoque ad Majestatem suam Regiam, & dictum Palatinum subitò referam; & ad custodiam dictæ sacræ Coronæ, majus præsidium humiliter petam: ac in persona mea ad mortem, & vitæ meæ exitum, fideliter & constanter illi assistam; omnèque periculum pro posse meo, ab illa avertam; sic me DEUS adjuvet.

Coronis
Corona
adoptata.

Nunc sub finem, Coronidis vice, quâ Coronâ Reginæ Hungariæ coronentur; paucis insinuare operæ precium visum. *Historici*, saltem quos mihi legere contigit, quoties Reginarum Hungariæ Coronationes commemo-
rant,

rant, nonnulli quidem, præsertim externi, *sacrâ Coronâ* Coronatas tradunt: alij sinè distinctione Coronarum; inaugurationem illarum describunt. Sed diversâ Coronâ Reginas coronari; tam ex vetustis Privilegiis, quâ legibus nostris, manifestum est. Ipsissimâ enim *sacrâ Coronâ*, caput duntaxat Regis redimiri solet, & sic demum plenarium adipiscitur Imperium. Reginæ verò, ab *Archи-Episcopo Strigoniensi*, dextro solummodo humero hæc Corona admoveatur; nec vana de causa. Existimo enim hac insigni & Regiâ Cæmoniâ, mysterium *Creationis fæmina*, qua dextro latere viri desumpta est, adumbrari: dexter latere CHRISTI ortam esse Ecclesiam: aut certo & medio ordine ac limite, fœmineum Imperium collocari: Reginam nimirum; sociam in tolerando atque bajulando gravi difficultique regiminis onere opitulaturam; tanquam sexum imbecilliores decere obsequii gloriam. Quiddam simile est apud Gallos in *Lege Salica*, quâ fœminæ jure successionis hæreditariæ prohibentur; nec aliter, nisi vicario nomine legitimi Imperij honestantur. Peculiari proinde Corona, quam ipsa *Regina* in eum sibi comparare consuevit usum; ab *Episcopo Westrimiensi*, cui ex veteri

*Jus Episcopi Wespri-
mienſ. Co-
ronandæ
Reginæ.*

*Mariæ Lu-
dovici Pri-
mi filia,
singulari
lege Coro-
na data
tanquam
Regi.*

*Palatinus
& Proce-
res, Regi-
næ Coro-
nam impo-
nunt.*

*Privilegio id competit ; coronatur , & solenni
pompa sacratur. Hanc solennitatem Franci-
ſcus Forgács Episcopus Varadiensis , Cancella-
rius quondam Hungariæ , in sua historia tem-
pore Coronationis MARIÆ , consortis MAXI-
MILIANI observatam , locuples testis est. Uni-
cam MARIAM filiam LUDOVICI , ob præcla-
ra merita , gratissimam que me noriam pij , &
nunquam satis laudati Regis Patris sui , præter
morem *sacra ista Corona redimitam & conse-
cratam esse* ; extra omne dubium est ; quæ
proin nec *Regina* , sed *Rex* nuncupatur , inscri-
biturque. Recordor me in *historia quadam Hun-
garica* , cum præfatione *Fusti Lipsij* edita , le-
gisse ; BEATRICEM conjugem Regis MAT-
THIÆ , à PALATINO fuisse Coronatam. Cu-
jus Historici hæc sunt verba : *Comes inquit ma-
gnus interrogat Regem , an Diadema Regium
velit Regine imponi ?* Et cum Rex annuisset ,
ille idem magnus Comes , & reliqui Magnates ,
in caput Regine Coronam imponunt. Author
etiam est FRANCISCUS FORGACS (ut obi-
ter istud attingam) inter PALATINUM & AR-
CHI-EPISCOPUM STRIGONIENSEM tem-
pore Coronationis MAXIMILIANI SECUN-
DI , fuisse ortam quæſtionem , an Archi-Epi-
ſco-*

*scopus , vel verò Palatinus Regem coronare de-
beat ? & cognitionem illius controversiæ ,
Statibus Regni delatam ; quam tamen mors PA-
LATINI THOMÆ NADASDI sustulit. Sed
quid juvat in controversiam trahere , quod ma-
nifestissimum est ? & qui vel primis labris Hi-
storias , & Regni Hungariae constitutiones degu-
ſtaverunt , perspicuè nōrunt ; Reges gentis no-
stræ Coronandi , sacrisque Regalibus initiandi ,
ab initio semper munus Archi-Præfulis Strigo-
niensis fuisse , & nunc esse : Reginas verò Dia-
demate inaugurate atque Coronare , Wespri-
mensi Præfuli , qui & Cancellarius Reginæ esse
consuevit , singularis Privilegijs prærogativâ , in-
cumbere. Quemadmodum suo isthoc munere ,
in felicissima Reginæ ac Imperatricis Augustæ
ANNÆ , Augustissimi Cæsaris nostri MAT-
THIÆ Consortis Coronatione , Reverendissimum
D. FRANCISCUM ERGELIUM , qui Wespri-
mensi . hoc tempore gubernat Ecclesiam , per-
functum fuisse vidimus.*

*J*AM superest , ut ad vos HUNGARI FOR-
TISSIMI , cum quibus communis mihi
est patria , convertam orationem. Vestræ om-
nium felicitati abundantissimè hoc tempore
satisfecit præpotens DEUS , dum sacram Coro-
nam ,

*Privilegi-
um Regis
coronandi
Arch-EPi-
ſcopi in-
violabile.*

*Reginæ
Coronandæ
Wespri-
mienſis
Præfulis
jus anti-
quum.*

*Admonitio
ad fortis
Hungaros.*

Uit felicitatem à Corona agnoscant.

Ut pro Corona DEUM oreant.

Tres hostes Coronae summo perē caveant.

nam, quam non tam injuriā temporum, bellorūmque necessitate; quam ignorantia tanti thesauri, ac inde ortā injuriā, negligentiāque alienis sedibus moram facere, patique permisiſtis; auxiliō Regis vestri, Cesaris maximi, vestrorūmque ſubſidiō armorum, ſinē ſanguine, reſtituit. Ideo ex amore & veneratione ſacrae Coronae, nec non ex officio meo, quō inpræſentiarum Regi, Regnōque sacramentō datō, ſum obligatus; Vos rogo & obteſtor, ut ante omnia pro felici custodia & conservatione ſacrae Coronae, intra noſtra existentis pomœria DEUM exoretis & deprecemini: deinde unanimis votis, & confiliis provideatis, ut hoc ſyndus ſanctum, quod à ſexcentis jam & paulò ultrā annis, cum Christiana fidei luce exortum; domiſuæ, more Majorum, certum commodū que habeat domicilium; patrios inter parietes nobis æternū fulgeat; nec vel intestinis diſſidiis obfuscetur, vel à quovis extero hoſte, interceptis quaſi radiis, tenebras incurrat: & quod præcipuum ac ſummuм opto; ne uſitata Turcarum patrocinij adulatiōne, quod ſervitutem omni morte potiorem trahit, vergat ad occaſum: *Hujus enim ſocietatis exitus; exitium eſt.* Denique, ut vel ex hac mea tenuiſſima delineatione,

tione, conſideratis quibusvis commodiſ ſacrae Coronae, aut incommodis; quæ ad ſecuram, felicem, & tranquillam ſacrae Coronae cautelam, cuſtodiā, & coſervationem requiruntur; unaniſi cura, providentiā & diligentiā conſulatis & procuretiſ.

*De conſi-
da ipsius
Conſer-
vatione, &
Cuſtodia
provi-
de-
ant.*

TU verò CONDITOR, CONSERVATOR-QUE vastæ iſtius mundi machinæ poten- tissime, qui genti noſtræ ſacram Coronam de- disti, atque inter tot turbines fortunæ, & varia ludibria, inter hostium discriminæ, ac machi- nationes, potenter haſtenus, cum reliqua Re- gia ſupplectili ſervâſti: ardens ſuppléxque Te invoco, deinceps etiam propitiuſ protege, tutam, ſalvam, florentemque inclinatis prä- fertim Hungariæ rebus conſerva. Robur hoſtium contere, concede, ex imis pectoris pe- netralibus precor; ut BUDA, quæ Regni caput eſt, recuperatâ, in arcem WISSEGRAD pri- ſcam ſuam ſedem redire, ac in ſuo domicilio collocata, perennare valeat. *DEUS Zabaoth,* qui das ſalutem Regibus, Patria Patri, Cesarī pio, fortissimōque Regi noſtro, MATTHIÆ SECUNDO, ſecunda quæque & fortunata tri- bue: longitudine dierum reple; floreat in die- bus ejus justus, ut palma: videat optata ocu- lus

*Oratio pro
Corona,
Rege, &
Regno.*

lus ejus in inimicis ipsius. Proceribus quoque nostris perpetuam quæsto concordiam, universoque populo tuo pacis & tranquillitatis abundantiam largire: amove procul dissidia, contentiones: aufer odia, livores: & faxis; ut exacto vitæ istius fugacis curriculō, bravium militiæ nostræ, pro Nominis tui gloria, immensis laboribus molestiis atque nostri sanguinis profusione exantlatæ; sanctissimam illam ac immarcescibilem consequamur vitæ aeternæ CORONAM.

*Hacdenus Comitis Thurocensis penna
Illustrissima.*

Matthias
pro Fra-
truele Fer-
dinando
laborat.

MATTHIAS, decimō regiminis sui annō, cùm ætate, morbisque gravaretur; nec spes affulgeret hæredis, FERDINANDUS jam Bohemiæ Regem Hungarum quoque proposuit, multisque commendavit; imitatus exemplum Avi FERDINANDI I. Patrísque MAXIMILIANI: qui pro suo in Rempub. studio, quò civilia averterent dissidia, pro successoribus suis, adhuc dum in vivis agerent, diu ac multum elaborârunt. Re ad Comitia delata, acriter partem in utramque disceptatum est. Sedatis demum animis, itum in sententiam MATTHIAE, & REGI FERDINANDO II.

FER-

FERDINANDI I. per CAROLUM nepoti, acclamatum.

Sacrâ incinctus Coronâ est Posonij Annô milles. sexcent. decimô octavô. Kal. Julij die Dominico, omne multis ea ætate non fausto: nam & ante Coronationem icta fulmine turris est, in qua grande illud depositum, Diadema Hungariæ, asservatur; & sub ipsa Inauguratione, dum gladiô S. Stephani Rex novus armatur, zona ensis rumpitur; &, dum Corona capiti imponitur, una ex pendentibus novem aureis catenis abstrahitur. Ferunt, Sopronij quoque ternos eo die spectatos fuisse soles. Hæc, ut fit, apud populum omnia in omen trahentem, nuncij erant, augurésque haud satis lati regiminis. Inde metus, & sollicita futurorum expectatio. Sed enim si quid ea præfigi habueret, gaudij erant, non mœroris: nam et si plurimis, iisque gravissimis jaetata sit procellis sub hoc Rege Corona Apostolica, eluctata tamen de malis omnibus felicissime, eluxit splendidius, DEO ipso pro Ferdinando depugnante.

FERDINANDUS itaque, elato MATTHIA, Regnum init Annô milles. sexcent. decimô nonô, mense à sua Inauguratione octavo. Optimo Regi né primô quidem anno licuit esse pacifico:

N 2

Coronatur
Ferd. II.
omine po-
pulis in-
fausto.

Imò fau-
sto.

S. Coronæ
periculum
maximum.

* An. 1620.
mense Ju-
nio.

cifico : nam GABRIEL BETHLEHEMUS Princeps Dacus , universam mense Augusto commovet Provinciam , & torrentis in morem in Hungariam effundit. Causa belli : Ibat suppetias perduelli Bohemo ; & quò scelera secura faceret sui ; nihil tale meritos evastare constituit Hungaros : *Quasiverò aut utile fuerit, aut honestum, perdere innocentem, ut consulas nocenti.* Et celerius opinione pervasit Hungariam BETHLEHEMUS, adque ipsa Posonij moenia constitit : militem, qui modicus aderat, fudit ; Urbem, Arcémque cepit ; CORONAM denique REGIAM secum abstulit. Atque istud, si quod unquam , luctuosissimum fuit Diadematis sacerrimi fatum ; cum nihil proprius factum sit, quam ut *Hæretico homini imponeretur, & magnum illud tot sanctorum Capitum honestamentum, à profano vertice contaminaretur.* Et jam dies Comitiis dictus erat Neosolij : * convenere ex omni Ordine frequentissimi ; Hæterodoxi ultrò, & sponte sua ; Orthodoxi vi, metu, dolò, blanditiis indueti ; aderant Legati Turciçi , & Bohemici, junctarumque foedere Provinciarum Austriae, Moraviæ, Silesiæ, Transilvaniæ ; quid multa ? communibus omnium suffragiis, REX HUN-

GARIÆ

GARIÆ BETHLEHEMUS eligitur , proclamat. Una restabat Coronationis solennitas; hæc ut quantocyùs perageretur, urgere Principem vehementius Legati, suadere amici, petere & obsecrare Hæterodoxi. Et Corona quidem in potestate GABRIELIS erat ; versabatur ad hæc ante oculos recens Bohemorum exemplum FRIDERICUM PALATINUM Diademat incingentium ; denique nova dignitas titillabat Dacum , & splendor tantus mirum quantum invitabat. Sed eripuit DEUS Bethlehemum Bethlehemo ; neu tale aliquid auderet , metus ac RELIGIO SACRÆ CORONÆ intercessit. Et sanè prodigi instar habitum : hominem cæterà gloriæ cupidissimum, cum ad manum, votumq; omnia , ac præstò haberet , eâ tamen abstinentiâ fuisse; Insignia ut Regia gestare nolle. Narrant : cum id temporis in Confessu Magnatum & PETRUS ALVINCZIUS Aulæ Principis Ministrillus Calvinista semel adesset, sermōque de Coronatione incideret; aggredi non dubitasse Principem , magnisque clamoribus , multisque argumentis onerâsse , quò tandem assentiretur, fineretque sese inaugurarari. At tu, inquit BETHLEHEMUS : 'sinè cerebro es mi Petre. Cedò, ecquis tandem his me sacris initiabit? continuò

DEI Pro-
videntia
in Coro-
nam.

Alvinczij
temerita-
tem retun-
dit Beth-
lehemus.

ALVINCZIUS : en me è nutu tuo. Quidquid jussoris , sacrum , sanctum habebo. Risit Princeps , & tu , ait: non es Archi - Episcopus Strigoniensis , cuius muneric est Reges Hungariæ consecrare. Ad hæc ALVINCZIUS : jube me ô Rex Archi - Episcopum esse , & Coronabo te. Sapienter hic reponit Princeps & modestè : istud enim verò Coronatorum Regum est, quorum ego nondum numerum auxi. Retia iſthic incurrisse se ALVINCZIUS sensit ; & siluit. Atque omnino haud imprudenter castigavit temeritatem hominis levissimi BETHLEHEMUS , monuitque : nè futor ultra crepidam saperet. Plerumque enim iſtiuscmodi consulitorum grex , suis , non Principum commodis studet ; parumque pensi futura ducit , modò gaudeat præsentibus. At quibus sanior mens , publica privatis ante-habent ; arridenti haud nimis credunt fortunæ ; nec , quæ præcipitant , sed quæ firmant , consulunt.

Fusus interea fugatúsque est FRIDERICUS PALATINUS , redactus etiam in ordinem Bohemus ; unde lux BETHLEHEMO , & pacis consilia. Tum reddita Sacra Corona , & Trenſiniō allata. Ibant seu Comites , seu Custodes , equites mille , mille pedites ; multitudo Pro-

S. Corona
revertit
162.

cerum

cerum ingens præterea. Diceres : post tot peregrinationes , & pericula feliciter superata , viatis demum hostibus , triumphum egisse. Scilicet : *Cura est DEO munus suum ; nec tam ut perdat , quam ut gloriosius reddat , sape finit periclitari.* Et sanè haud scio , an unquam per sexcentos & amplius annos tantum gloriæ Diademati accesserit Hungarico , quantum hoc tempore ; quô palam orbi fecit : Cæleste se esse , & singulari sub tutela DEI ; quo protegente , inermis & captiva flecti non potuit : *Hæretico ut profanaretur capite.*

Jam quanta omnium Ordinum gratulatione Sopronij accepta sit , vix est , qui dicat : effunditur in occursum Civitas universa , Cæfareus deinde Regiusque miles , ac togata tandem Comitiorum series ; plura de mœnibus reboant tormenta , tubæ sonant & tympana. FERDINANDUS ipse præsens , sacrum pignus veneratus est , & veluti de exilio triumphanti reduci applausit. *Quis neget , majus aliquid humano inesse illi , quod in sui reverentiam tantos cogit.* Demum finitis Comitiis , peractaque ELEONORÆ Coronatione , non absimili pompa exceptum Posonij DIADEMA est , priorémque in locum repositum.

Atque

Honor
Corona
habitus.

Atque hinc intelligere est, quantis sub FERDINANDO II. ja^ctatum sit procellis Regnum Hungariæ; quot rerum conversiones tulerit sacra CORONA. Semel, iterum, ac tertio Civilibus BETHLEHEMICI belli incendiis arsére Provinciæ; evastatæ etiam per TURCAM sunt, & BOHEMORUM armis multum afflitæ. Stetit tamen Hungaria, FERDINANDI Regis pietate, Card. PAZMANNI prudentiâ, NICOLAI ESTERHAZII bellica virtute: bella namque alia pace composuère, vi alia retudère, alia sub cinere gliscentia extinxeré. Atque hi illi immortales viri sunt, quos in hæc calamitosissima Reipub. tempora reservavit DEUS: per quos & Religio Catholica omnibus hæreticorum factionibus superior evaderet, & communis Regni salus conjuratis adversariorum telis impedita, farta conservaretur & tecta. Scilicet: *Geminis Regnum incolitas nititur cardinibus; pietate Regnantum, Ministrorum fidelitate: Illa firmat Imperium, hæc tuetur: junctæ simul, invictum reddunt, & perenne.*

Ferd. III.
Coronatur
1623.

FERDINANDUS III. petente Patre FERDINANDO II. agente Pazmanno potissimum & Esterhazio jam Pro-Rege, CORONAM accipit SOPRONII ipsis solenniis Virginis

nis sinè labe Conceptæ. *Mariana nempe luce Rex Marianus.* Omine sanè felicissimo: nam quoad vixit, obstatit hæreticis; & vires intendit omnes, Regnum ut universum efficeret Catholicum, atque adeò, sincerè MARIANUM. Sed occurrit piis conatibus *Georgius Rákóczius* de Transilvania, funesta illa acatholicorum armorum officina, & moras injecit: Adeò: *nihil tam sacrilegum, quod suo destituatur patrono; nihil tam pium, quod careat adversario.* Fecit tamen, quantum per iniquitatem temporum illorum potuit; conservavit, auxitque Romana Sacra, utque plura auderent posteri, exemplo fuit.

FERDINANDUM IV. Primogenitum suum, Ferd. IV. Coronatur 1647.

Majorum imitatus vestigia, Hungaris commendavit; quem & SACRA redimitum CORONA POSONIJ lætus aspexit; at septenniō post, ipse superstes, tumulavit mœstissimus; Felix & Infelix Pater! nè tamen viduam à fatis relinqueret Hungariam, in tempore providit, & alterum Natorum LEOPOLDUM substituit.

LEOPOLDUS Posonij iterum, Rex salutatus est, & Apostolico ornatus DIADEMATE sacro DIVI LADISLAI Hungarorum Regis die; quem etiam deinde in profligandis Barbaris,

O

pro-

Leopoldus
Coronatur
1655.

propugnanda Hungaria , augenda DEI gloria, absoluta vitæ integritate , ad unguem expressit. Sub hoc primùm REGE respiravit CORONA SACRA , & BUDAM post centum ipsos ac quadraginta quinque annos , tandem sibi restitui gratulata est. Vedit etiam vindicata TURCICO de JUGO nonaginta admodum præsidia , vetus suum patrimonium ; sopitas præterea *Tökölianas* faces , & eneas in semine immitium Ci- vium machinationes ; ornatas Urbes ; literas florentes , auëta Sacra vidit , & tot nubila aliquando demum in sudum abiisse mirata est. Felicissimus Austriacorum Regum , & si Decessorum unus ; hic enimverò de Hungaria optimè meritus ; quam & moriens AUGUSTO suo JOSEPHO commendavit : in primis ut eam curis haberet , nihilque duceret potius salute Hungarorum . *Istud sanè paterno Regnantium affectui proprium est : etiam secundùm mortem , subditis prospectum velle suis.*

Josephus Coronatur 1687.

JOSEPHUS agente etiamnum in vivis Progenitore , CORONATUS POSONII est ; & JURE quidem ad ejusdem NATOS TRANSITURO. Dedit istud Hungaria magnis LEOPOLDI MAGNI meritis, séque eligendi libertate spoliavit ejus gratiâ , cuius beneficiô ipsa, depul-

depulso Turca , veterem consecuta est libertatem, sed, quæ DEI humanis in rebus inscrutabilis est Providentia, hic primus Hungaricæ HÆREDITARIUS Coronæ REX , Regem reliquit Filium nullum. Turbatum insuper accepit Regnum , & tale deseruit, opinione celerius terræ illatus. Pacavit tamen Mater ELEONORA, Regina illa sanctissima , & pro altero Filiorum præparavit.

Carolus
Corona-
tur 1712.

CAROLUS III. JOSEPHI Germanus , LEOPOLDI M. Filius, una, concordique Statuum omnium ac Ordinum gratulatione Rex renunciatus est , ac CORONA HUNGARICA ornatus POSONIJ XXII. Maji. mill. septing. duodecimô : tantâ pompâ , tantoque splendore , quantum nec oculis unquam usurpasse se exteri fassi sunt: nec FRANCOFURTUM (quemadmodum Confessione eorum habemus, qui utrique intererant solennitati) exhibuit, dum eundem Cæsarem inauguret. Nec abs re totas in actum hunc NOBILITAS HUNGRÆ profudit gazas : Hispanum quippe Regem, & jam Romanorum Imperatorem CORONAVIT. Plures de REGIBUS HUNGARIÆ sunt, qui deinde etiam CÆSARES simul IMPERIO præfuere ; at qui *Augustum nostræ* submisisset

CAPUT CORONÆ; præter CAROLUM, habemus neminem. Atque hoc illud est illustre honestamentum, quod octavô demum sæculô consecuta est CORONA HUNGARICA, & cum illo felicitatem omnem: nam & Tömösvarinum cum Banatu, & Belgradum cum Serbia, & magnum Valachiæ tractum recepit; parte Regni omni deturbatum, profligatûmque Turcam vidit; Transilvaniam jam inde ab infaustis illis Joannis Zápolli temporibus avulsam, suo rursum redditam Regi sensit; & composita pace Provincias omnes gratulata est. Et omnino etiamnum plaudit in sinum suum, lætaque intuetur: statum HUNGARIÆ per CONSLIUM REGIUM renasci quodammodo, & novam auspicari vitam; per erecta recens TRIBUNALIA florere Justitiam; ornari ad decorum Urbes; firmari ad prodigium Præsidia; Religionem ad cultum DEI ampliari; omnia denique in utilitatem, emolumenatumque publicum conspirare.

Porrò finita AUGUSTISSIMI FELICISSIMIQUE REGIS Inauguratione, deposita est CORONA SACRA, in Arcis Posoniensis TURRIM, pristinam scilicet habitationem suam: nam sub initium Rákoczianarum turbarum ab-

lata,

lata, haetenus VIENNÆ asservabatur; ubi etiam securitatis gratiâ manserat, dum Tökölius olim per HUNGARIAM furebat.

Nec illud omittere visum est: Pridie ejus diei, quām incingeretur Rex, edixit Patribus: *velle se ē consentire, ut si Aug. Domui, quod absit, mascula proles non superfuerit, libera sit Regno electio Regis; nec obligatam fore Hungariam ad famineum Regimen amplectendum.* Posterioribus tamen annis ultrò & sponte, non rogati, detulere illud HUNGARI Primogenitæ Augustissimi; hac saltem quantulacumque ratione, immortalia CAROLI REGIS in se beneficia soluturi; summisque in REM PUB. promeritis, quam unam poterant, gratiam habituri.

Sed enim surdum tot annis Coelum, clamantem aliquando audiet HUNGARIAM, & CAROLUM nobis de CAROLO dabit; qui emeritum Patris senium recreabit; ac post sera ejusdem fata, & ipse Pater Patriæ, gloriam augebit CORONÆ HUNGARICÆ, & Rex optimus HUNGAROS amabit.



ARTICULI JURIS HUNGARICI

De Conservatione
S. CORONÆ.

Articulus 16. Anni 1608.

Sacra Regni Corona in Arce Posoniensi ; unà cum omnibus Clenodiis , in Regesto comprehensis , in præsentia certorum Procerum , & Regnicolarum , visibiliter Dominis Conservatoribus assignetur , & in repositorium , præsentibus ijsdem ; Domini Palatini , trium Prælatorum , & totidem Baronum Sigillis obsigillata , imponatur . Utriúsque Conservatorum in Arcis portas , munitiones , Milites , æqualis Authoritas , sit & potestas ; denique ut tempore necessitatis , sufficiens domesticum præfidium , in eandem Arcem ordinario Militi ibidem existenti , per Regem , & Regnicolas collocetur : & tam de Conservatione , quàm Militum solutione prospiciatur ; Conclusum est .

Articulus 4. Anni 1622.

MEminerunt Status , & Ordines , ingentibus annorum superiorum motibus , Sacram Regni Coronam è consueta destinatâque sede sua motam , non parùm peregrinationis confecisse . Cæterùm quia ea , sedatis jam motibus , virtute Pacificationis Niklspurgi , stabilitæ , in R. L. Civitate Trençinensi ad hoc usque tempus reposita extitit : ideo placuit ijsdem

Stati-

Statibus , & Ordinibus , eandem S. Regni Coronam unà cum omnibus Regiis Clenodiis eidem annexis , gratiâ perlustrationis , & recognitionis in hanc Generalem Regni Diætam *Sopronium* adduci facere , itâ ut ea visa , & perlustrata rursus in Arce Posoniensi solenniter reponatur ; ejusdémque Custodiæ prioribus 60. alij 40. pedites superaddantur . Pari etiam numero juxta priorem consuetudinem , Germani pedites , per suam Majestatem Cæsaream adhibeantur , qui à Conservatoribus Coronæ , & Castellanis habeant dependentiam .

Artic. 26. An. 1625.

Sacræ Coronæ Custodiæ 50. pedites Hungari , & alij 50. Germani adhibeantur . Qui quidem 50. Milites Germani quia hactenus aliunde dependere videbantur , Dignum est ; ut deinceps à tali regimine absolvantur , & non ab aliis quàm Conservatoribus Coronæ , & Castellanis habeant dependentiam . In severiorique disciplina , quàm hucusque factum continеantur : atque super damnis per ipsos illatis ; Domini Conservatores Coronæ , & Castellani , debitam satisfactionem ad partis lœsæ instantiam impendere debeant , & teneantur .

Artic. 87. An. 1635.

DE Militibus ad Custodiam Coronæ adhibitis conclusum est : ut Germani quidem Milites ibidem con-

constituti , juramento ; Regno , & Sacrae Coronæ adstringantur : & à Dominis Custodibus ejusdem Coronæ , & Castellanis Arcis Posoniensis , plenariè dependeret debeat.

Artic. 45. An. 1655.

Cum intelligent Status , frequenter Neutrum Domorum Conservatorum Sacrae Regni Coronæ , penes eandem manere , ob hoc decernunt : ut amodò imposterum , si certis , & justis ex impedimentis , non uterque ; Unus tamen eorundem , penes dictam Sacram Coronam continuo residueat : ab iisdemque , & Castellanis Arcis Posoniensis , etiam in puniendo , Germani Milites ad Custodiam Sacrae Coronæ adhibiti , omnimodam dependentiam habeant.

Artic. 38. An. 1715.

Sacram Regni Coronam cum suis Accessoriis , in Regno Hungariæ , loco legaliter destinato Posoniensi asservandam , eamque non aliò , quam ingruentis periculi , aut necessitatis casu , cum praescitu Domini Palatini abinde transferendam , annuente sua Majestate decretum est. Et quia Officium Praefidis Cameræ Hungaricæ , nullam cum Officio Conservatoratus Sacrae Regni Coronæ habere videtur incompatibilitatem ; hinc quatenus Praefides quoque Cameræ Hungaricæ , attamen Hungari , ad prefatum Conservatoratus Officium , prævia per Majestatem Regiam legali

legali candidatione per Status , & Ordines eligi possint : qui præviò modò eligendi , juramentum quidem coram sua Majestate Sacratissima , & Statibus Regni ; ij verò , quos jure Administrationis idem Officium adipisci contigerit ; more hactenus observato ; deponere obligentur : Eorum vero in utroque casu installatio , juxta receptum continuum Usu , penes Regiam Cameram Hungaricam maneat , conclusum est.

Formula Juramenti.

Ego NN. Conservator Sacrae Regni Coronæ , prævia suæ Majestatis Sacratissimæ Candidatione , per Regnum rite electus : ac per suam Majestatem Sacratissimam Dominum nostrum Clementissimum benignissime confirmatus ; Juro per DEUM VIVUM , ac per Beatissimam DEI Genitricem Virginem Mariam ; & per omnes Sanctos , & electos DEI : quod ego sacram Regni Hungariæ CORONAM , & reliqua Clenodia Regia , ac Regni , penes ipsam simul in Conservatorio existentia , pro posse meo , praesertim dum mea series fuerit , diligenter , ac fideliter custodiam , ac conservabo. Milites , ejusdem Coronæ custodes , ad diligentem , & fidelem custodiam commonebo , ac in bona ejusdem custodiendæ disciplina conservabo ; Ipsamque Sacram CORONAM & Clenodia Regia , ac Regni , penes eandem habita , nulla arte , nullò dolo , vel fraude , nullisque viis , & mediis , à Regno &

P

Rege

*Rege legitimè coronato abalienabo. Sic me DEUS
adjuvet, Beatissima Virgo Maria, & omnes Sancti.*

Diplomatis Regij An. 1712. §. secundus.

SAcram Regni CORONAM juxta veterem con-
suetudinem ipsorum Regnolarum, Legesque
Patrias, per certas de eorum medio unanimiter ad
hoc delectas, & deputatas Personas sacerdtales, in hoc
Regno conservabimus.

BONA AD S. CORONAM
IMMEDIATE SPECTANTIA.

Ulad. dec. 7. a. 3.

1. Octo Civitates Liberæ, videlicet: Buda, Pest,
Cassovia, Posonium, Tyrnavia, Bartfa,
Eperjesinum, Sopronium.
2. Vetus Buda, Strigoniūm, Alba-Regalis, Leut-
schovia, Szakolcza, Cibinium, Szegedinum, ac
omnes Cumani.
3. Arx Wissegrād cum duabus Insulis, Chepel scilicet,
& Ros appellatis: infra Wissegrād usque Megyer
adjacentibus.
4. Cremniczia, Schemniczia, Bisztriczia, Sólyom
cum cæteris Civitatibus Montanis; cum Rivulo
Dominarum; vulgo Nagy-Bánya.
5. Castrum Huszt cum quinque Civitatibus, &
fodinis salium.

6. Omnes

6. Omnes Tricesimæ Regnum Hungariæ, & Sla-
voniæ; Et omnes Cameræ salium in ijs habitæ.
7. Castra Munkách, & Diósgyör.
8. Saxones Regij in Transilvania.
9. Omnes Cameræ Salium in Transilvania, cum Ci-
vitate Kolosvariensi, & loca earundem fodinarum.
10. Omnes Vicesimæ, & Centesimæ, & Quinquage-
simæ, in Transilvania exigi consuetæ.
11. Castra Gorgense, Theth, & Déwa in eadem Tran-
silvania.

SYLLABUS CONSERVATORUM
SACRÆ CORONÆ HUNGARIÆ.

Georgius de Paloch.

G Dionysius Széchi: Card. & Archi-Epis. Stri-
goniensis.

Ladislaus Gara.

Vincentius Szinmituler, sive Sciamatuleus.

Blasius Budensis.

Urbanus Epis. Agriensis; & Stephanus Báthori.

Stephanus Crispus; Epis. Sirmiensis: & Andreas Bá-
thori.

Stephanus Zápollya, & THOMAS BAKACS: Epis.
Agriensis.

Emericus Peréni: & Joannes Zápollya.

Alexius Thurzo.

P 2

Tho-

THOMAS NADASDI.

Petrus de Révva , & Stephanus Pálffy.

Paulus Apponyi *defunctō Petrō de Révva.*

Joannes Pálffy : & Stephanus Dóczki.

Petrus Forgách de Ghymes : *Succēdit defunctō Stephanō Dóczki.*

Joannes Kéri , & Nicolaus Pstrosith.

Paulus Pálffy.

Nicolaus Pálffy , & Stephanus Zichi *Senior.*

CHRISTOPHORUS ERDÖDI.

Stephanus Zichi *Junior.*

Nicolaus Pálffy *Junior.*

Nicolaus Pálffy *Senior* : nunc PALATINUS : &
Adamus Kollonich.

His successerunt :

THOMAS NADASDI , & GEORGIUS ERDÖDI.

VIVUNT. & VIVANT!



ELO-

ELOGIA SACRÆ CORONÆ

Quæ tempore Felicis Inaugurationis

CAROLO seXto CÆSARI
HISPANIÆ ACHVNGARIÆ REGI TERTIO
COLLEGIVM TIRNAVIENSE soCIETATIS IesV EX Voto sVo

D. D. D.

Elogium I.

CORONA HUNGARIÆ

Sacra in ortu , prodigiosa deinceps.



Ugustale Diadema non multas habet gemas,
Sed præcipuas , ut Corona Gnosia ,
Ne copia gravet.

Tale est Hungaricum ;

In quo
Unicus ferè saphirus lucet ,
Colore cœruleus ,
Cœlestis originis index.



P 3

Cur?

Cur ?

Crediderunt Majores nostri Coronam hanc
E cælo ,

Opitulante Angelo ,
Sive natam , sive delatam Hungarum.

An ideo ?

Ut quanto à concretione terrena purior,
Tantò Regnantes minus oneraret ,
Magis illustraret :

An vero ?

Ut esset certissimum
Hungaricæ sanctitatis auspiciu m.

Ut ut est ,

E cælo Romam ad cæli Interpretē eamus.
Aderant in Urbe finitimarum gentium Oratores ;
Alter Polonorum , alter Hungarorum ;

Ille notus omnibus ,

Hic incognitus ;

Sed qui noctu per visum , magis quam in luce
Debuerit innotescere Pontifici Max.

Uterque Legatus venerat Romam petitum Diadema ,
Polonus jam petiverat , Hungarus petiturus erat ;
Polono cudebatur , Hungaro datum est.

Divinō enim oraculō admonetur Romanum Oracu-
lum ,

Ut postridie venturo ad se ,
Ignoræ , & obscuræ ,

Sed ad lucem fidei accessuræ gentis
Legato

Reddatur Diadema ,
Cum Cruce gemina Regi Apostolo præferenda.

Astricus ab astris nomen trahens ,
Orator Hungarorum ,

Cùm cælestia dona detulisset in Pannoniam ;
Veluti cælō demissa Ancilia adorârunt Hungari ,

Aut , non ut in Vulcania quadam ,
Sed in ipsa Ecclesiæ Petra

Cusa excepérunt ;
Quibus tamen indomiti animi mitescerent .

Nam confestim

Jura , ac Forum utrumque accepérunt ;
MARTEM ,

Etsi ijsdem educati in cunabulis ,
E parma deleverunt , suffecerunt

M A R I A M .

Cælites non civitate , sed Regno donati ,

Aræ , & Asylum constitutum ,
Vidisses candidissimos in scythico hospite mores .

Domi pacem coluerunt ,
Foris arma justa vel inviti suscepérunt .

In victoria modesti ,
Fœderum tenacissimi ,
In privatis ædibus religiosi ,

In templis sancti,
In foro æquissimi.
Cultus corporis ex innocentia gentis temperatus.
Clerus lectissimus,
Pontifices integerrimi.
Quidquid è Republica Christiana visum
Pertinacissimè defensum.
Hunc de veteri vocabulo Adamantem retinuit.
Adora Providentiae oculum
ô Hungaria !
Divinum Tibi flagellum à principio datum
In Attila ;
Ut defluentem moribus Europam, ipsamque Italiam
Crudeliter inundares :
Tuæ dein dexteræ propugnaculum Ecclesiæ creditum,
Ut in Catholici limitibus Imperij constituta,
Excubares in Atrio Palatij Ecclesiæ,
Tuisque periculis gladium à Christianorum cervice
Averteres :
Utque ab eadem Hasta ;
A qua vulnus in Tuis antiquissimis Regibus,
Hodie in Te opem acciperet, & præsidium.
Quod uti præviderat D. Stephanus, Rex Apostolicus,
Ita omnia è Republica Catholica gessit;
Regnum non minus armis, quam pietate munivit.
Quam Angelico munere acceperat Coronam,
Eius hæredem Angelorum Reginam
Jure nominavit.

Pri-

Primus dedicavit MARIANA quasi Quinquatria :
MARIÆ solum, solum, populum, prælia,
Se, suaque æternum
D. D. D.
Transacta donatio conditionibus Attalicis,
In hanc ferè sententiam :
Ut Augustissima Cæli acceptam in præsidium gentem,
Protegeret ut suam ;
Istius verò essent collocati ,
Sicut oculi ancillæ in manibus Domini sue.
Ut Augusti nominis metus esset infirmis robur,
Ac veluti pupillis Civibus tutor.
Nec abnuisse Virginem donationi subscribere.
Non ignaram ,
Populo è glaciali Arcto venienti
Necessarium esse, Marianis temperari flammis.
Quibus equidem flammis ita temperata sunt
Nobis cum prosperis adversa ,
Ut illa non efferrent animos ,
Ista non submitterent ;
Utraque gentem domi forisque
Clarissimam victoriis ,
Integerrimam moribus ,
Sanctissimam institutis efficerent.
Hic coepit
Accessione Coronarum Imperium extendi ,
Dum intenderetur domi Religio ;

Q

ut

Ut mallet quisque Coronæ Hungaricæ servire
Quam imperare alienæ.

Ità nimirum : (ducitur.
Coronarum circumferentia è Religionis centro rectè
Quæ, quia tot nominibus Sacra, ac penè Divina,
Quàm fuerit curæ Cœlestibus,
(Charissima namque sine timore non possidentur)
Docebunt te, cogitantem Romuli Ancile Sacrum,
Et Divinam Palladij tutelam.
Hæc, quia non Corona Gnosia,
Multò ampliùs angebat Hungarorum animos,
Ne olim amissò Diadema
Solverentur tot vincula.

Pro hac crepta, non unâ postea hostiâ litatum,
Ut pro Tyndaride.

In prodigiis esto.

Otto Bavarus, fertur, cùm Daciam inviseret
Homo albæ mentis

Margaritam hanc tornatili lagenâ non cælasse,
Sed ut obscurius lateret, celâsse.

At Majestas Sacri Diadematis major fuit,
Quàm ut Ottoniana caperet angustia.
Idcirco cùm imprudenti, de jumento, quô vehebatur,
Maluit jacere viâ publicâ (excidisset,
Decus publicum.

Sed en miraculum !

Cùm tot oculis exposita prostaret,

Tot

Tot oculis prætereuntium evanuit in Dacia,
Cui tot corda vigilârunt in Hungaria.
Cessit jaætura tantæ rei infeliciter Bavarо,
Nam exemplo Tarquinij, brevi rude donatus
Amisssâ Coronâ didicit,
Reges è Cælo dari Regnis,
Ambitionem hiantem deludi.

Quare

Cùm Divinæ connubium Atalantæ fraudi non pateret,

Non unum excivit æmulum,
Qui apertô campô virtute certaret.

Junxit Pelion Ossæ

Gabriel Betlehemus :

Hic ferrô, & acetô domitis alpibus,
Flammas latè sparsum, Salmoneus alter
Cœlestes currus, & non imitabile fulmen
cogitavit.

Posoniô obfessô, Urbem cepit & Coronam,
Quam cùm vi omni conaretur imponere capiti,

Sapiens Diadema renitebatur,
Quòd labem à capite metueret.

Taceo Amurathes, & Solimannos Sanguinarios:

Quibus familiaris Neronianus Smaragdus,
Sub cuius pulcherrimo virore incendia Hungariæ
Præsentabant.

Illud unum in prodigiis Coronæ Sacræ accipe:

Tot inter illustres ruinas, ac Spolia Patriæ

Q 2

Solam

Solam hanc reliquam esse,
Et in una omnia.
Seu quòd ita Divorum memoria Regum exigebat,
Sive successorum Sanctitas,
Illam tot cladibus superstitem intueri.
Præcesserant jam in æterna illa mente merita Tua,
CAROLE AUGUSTE,
Decus & delicium Orbis Tui utriusque !
Cujus fidei , ac dexteræ committeret **DEUS** habenas
Imperij ,
Et Sacrum Coronæ Cœlō demissæ pondus ,
Nulli feliciùs sustinendum ,
Quàm qui & à Sanctis genitus esset ,
Factusque naturâ ad Clementiam ,
Educatione ad modestiam ,
Innocentiâ ad amandum .
Pollicebamur in Te nobis Cœlestissimæ indolis Prin-
cipem ,
Cùm eodem tempore fame depulsa ,
Peste fugata ,
Serenitate restituta ,
Ipsamet Elementa
Induerent adventu tuo innocentiam .



Elogium II.

INCRUENTA VICTRIX.

In facto Emerici Regis , & Andreæ
Ducis , ejus Fratris .

EMericus , sive Henricus , non tam regnabat ,
Aut dominabatur ut Rex ,
Quàm præerat suis in Pannonia
ut Pater .

Neque quod sibi utile , justum aliis ;
Neque quod luberet , id etiam sibi licere ,
Putabat .

Rex tamen reipsa erat , quando cupiditati suæ
Non serviebat .

Habebat & Magnatum amorem , ob magnitudinem
munerum ,
Et plebis ob candorem morum .

Non evasit tamen studia partium , qui sic studebat suis ,
Et unde tempestatem timebat minimè ,
Naufragiô propemodum periit .

Andreas nimirum , Frater ejus junior ,
Sed ad res novas maturior ,
Virtutem Germani vitium ratus ,
Clementiam ignaviam ; Oestrô correptus ,
Henrico ostrum eripere
Volebat .

Vixdum pileo Ducali idoneus, ad Coronam aspirabat;
Primùm clanculum, deinde palàm:
Nil tale verentem, cautum tamen
Regem aggreditur, nihil utraque arte
Profecturus.

Dolos expedit præambulones, sed quibus nihil
Progrederetur.

Invitat Regem ad epulas, Rex jejunium præeligit
Vel in Saturnalibus; olfecit nempe malum
Nidorem ciborum ejus.

Arbitrabatur supra Lances pendere lanceas,
A scutellis haud procul latere scuta.

Mittit rursus Dux verba dulcia, Rex dulciora
Remittit;

Sed hujus erant verè dulcia, illius verè amara.
Conspectum alter alterius vitabat;
Uterque causam fugæ sciebat,
Neuter, ut fieri amat, sciri
Volebat.

Sic ars deluditur arte.

Hic sua consilia obscura putabat, illi luce clariora
erant.

Discite mortales, magis quam Argos, oculos esse
Reges,
Nec decipi posse, pro quibus vigilat,
Qui nec falli, nec fallere potest
DEUS!

Uter-

Uterque insuper illorum metuebat, neuter metum
ostendebat;

Uterque officiosus, uterque callidus.
Sed Rex, alioqui syncerus, non nisi coactus; Dux
malè persuasus.

Abessent utinam ex aula Adulantes,
Non tam blandè quandoque perirent Reges.

O crudeles GRATIÆ,
Infestæ CHARITES in aulis diversis!

In illum modum certabant illi mutuis favoribus,
mutuis odiis.

Certamen istud ficut fuit pulchrum ad speciem,
Ità reapse turpe; turpius, quòd inter Sanguinem,
Turpissimum, quòd inter Germanos.

Proh fœda Règnandi libido! Tu maculas folia,
Tu fraterno cruento tingis interdum purpas.

Non unus Attila peremit consortem Regni Budam,
Sed plures Attilæ, plures Budæ fuerunt;

Illi perimentes, isti perempti,

Non re quidem sâpe, sed animô.

Postquam velata Andreæ vafrities, larvam suam
detegit comperit,
Et ipsa se detexit.

Malus fomes exarsit in pessimos ignes,
Odium in iras.

Proprium id est ambitioni omni, quæ alta petit,
dum ruat;

Abscon-

Abscondere primū consilia, postmodum patefacere,
Quando scilicet aliunde paterent;

Aut

Tunc celare, quando minimè possunt.
Sed error solet esse similem in latibulis,
Infelicitas in propatulo.

Educit ergo Andreas signa, coram Insigni Regni non
substituta;

Parantur enses fulminei, nulli nocituri,
Nec auras læsuri;

Nam Coronæ radiis, non aquis, sopiendi.
Rex pauciores, Dux plures numerat milites.

Ità multitudine favere sivevit seditioni!

Stant igitur, hinc & inde, sub pellibus Tigridum fe-
rociores animi,

Sub altis plumis Spiritus altiores,
Et indociles, nisi adacti
Demittere cristas.

Graves chalybe, graves aurō;
Sed aurum obscurabitur,
Chalybs hebetabitur.

Expediuntur nihilo seciūs enses, quos furor magis
Quām cos; (exacuerat,

Et sagittæ, non venenō, sed irā imbutæ,
Exitium minantur.

In certamen animat suos Andreas omnes,
Emericus nullum præter seipsum,

Satis

Satis fore arbitratus se probè animato,
Exanimandos hostes protinus.

Nec militibus, nec Athletis similis,
Novum pugnandi genus Rex adinvenit,
Dum cogitationem de pugna deponit,
Vincere tamen proponit.

Non sagatus, nec togatus, sed paludatus repente ap-
Quasi Regem solum aucturus in Regia, (paret;
Non militem in castris.

Deponit galeam, assumit Coronam,
Paci magis, quām bello accommodam.

Rejicit pharetram, & gladium, Sceptrum Regale ap-
prehendit; (structum.

Nemo dixisset ad prælium, sed ad pompam in-
His armis, non armis, munitus Rex, quietis publicæ
Invadit castra tumultuantium. (amans,
Quid fit?

Tacent tubæ, silent altūm tympana,
Rex voce sua classicum intonat.

Quacunque graditur, viam per medios hostes aperit;
Non hastis, sed pacis, & gloriæ insignibus.

Sternit omnes sinè vulnere;
Vincit omnes, nullum necat;

Sinè fuso sanguine, verè incruentam victoriam re-
Vincenti pariter ac victis ad salutem. (portat;

Sentiunt contumaces, novam Bellonam, Coronam
Regiam!

R

Con-

Concidunt omnes animis , procidunt corporibus ,
Et unà , Caput rerum novarum , procumbit .
At profuit illi procubuisse :
Nam paucis post annis evectus ad Regium fastigium ;
In Diademate , quod de genibus adoraverat ,
Adoratus est
Rex .

Elogium III.

FULMINATRIX ,

LAURUM ,
Augustale decus ,
Fatidicam putaverunt , homines sinè DEO ;
Nos ,
Coronam hanc Regiam fatidicam esse ;
Experimentō didicimus .
Laurus combusta fragosius , felicitatem portendebat ;
Corona hæc fragosissimè non adusta , sed ferè pulsata ,
Infelicitatem præfagiit ;
Aet immunis à fulmine , ut laurus fuit .
Quis Oedipus huic Sphingi ?
An
In turrim Sacri Diadematis cadit fulmen ?
Ita est .

Sed

Sed mementote Cæli ,
Hac mole claudi vestrum pignus ,
Partem dixerim vestri :
Facitis id fortasse , ne totô Cælô aberretis .
Nihilne dabitis amori consanguineo ?
Qui jam inde ab incunabulis Regni
Inter vos genitus est ;
Et vestri exscripsit imaginem ,
Dum fidem .
Obsurduit polus .
Sol officio defungitur , lux emoritur .
Tempestas atra faces trisulcas parat accedere .
Superi !
Quid diei à nocte hac male splendente expectandum ?
Ruit ,
Ecce ruit omni impetu lapis igneus ,
Sapphirum Coronæ Pannonicæ ,
Et gazophylacium multorum Regnorum petit .
Utque fœtore noveris esse inimicum ,
Immanè ! quantum sulphur olet .
Demum , ut omne dubium de certitudine præfagi
Dilueret Corona fatidica ,
Bis , non dedit , sed accepit sonum fulmineum .
Remotum est siparium .
At en !
Nil fatale cimelio in fato hoc ?
Fatale , & portentosum Regno .

*Scilicet non omne, quod furit, statim ferit,
Sed ferienda significat.*

*Satis erat tetigisse locum, & terrere,
Terreri nescia,
Ut timoris capaces metuerent.*

*Arcessere tamen videbatur sibi periculum Corona,
Ut à charis patriæ laribus arceret;
Quæ quidem in extremis periculis,
Secura periculi agebat.*

*Impetus ille cæli, vicinus Diademati,
Anne Amoris erat, & virtutis magneticæ?
Quando amor nescit, nisi per raptus
Scenam ludere.*

An Providentia:

*Ut indormiscens Hungaria
Tanto fragore excitaretur à cælo,
Ad præcavenda bellorum fulmina.*

Sanè

*Devolandum erat cælis ad excitandum;
Ne si seriùs excitarent,
Veterno periret Regnum.*

Vetus est:

Prævisa tela minùs feriunt;

*Hic æthereum telum feriit, ut tela
Martis domestici præviderentur.*

*Vulnus in turri factum, pro remedio erat,
Flamma cælestis pro refrigerio multorum.*

Qui

*Qui ex his casibus nîl ultra vulgus viderunt,
Nihil viderunt.*

Igitur

*Non sibi, sed populis Insigne metuebat,
Cùm metum incuti volebat.*

*Septem jam sæculis fœdus cum Astris inierat,
Promissi admonuit:*

*Nec multis apud cælos actum:
Qui quo velociores, & leviores sunt, potentius agunt;
Charo pignori ut oxyssimè auxilio essent,
Ignes expediverunt;
Ignes amicos Diademati,
Non amicissimis Diademati, inimicos.*

Modestiam vide cadentium:

*Adoratâ eminus Coronâ saluti publicæ ut consule-
Grandi sono Eam salutârunt. (rent,
Adeò non omne fulmen brutum est.*

Miraris?

*Unde facultas præsagiendi huic Coronæ?
Desine mirari;*

*Magis res mira fuisset, si eam futura latuissent,
Tot aliâs prodigiis inclytam.*

Subsistè hic,

Ne ruas, dum stare potes Hungaria.

*Ab astris mittuntur ignes, qui te illuminent;
Ne cæcutias ad ignes fatuos,
Tot nebulas tibi offundentes.*

R 3

Cave,

Cave,
Dum, nescio quæ Noctuæ, ferale carmen,
Et classicum tibi occident;
Ut diu moriaris, animam ages per lustra.

Si aliquando
Corona Sacra Augurium simile dederit,
Scito:
Ducent Fortunæ multi, Fortunis spoliare;
Perdere omnia, ponent in lucro;
Securitatem existimabunt, tutum esse nullibi.
Palmam feret de pietate impiissimus quisque;
Religioni dabitur, nulla esse in Religione;
Charitas censebitur patria, fævire in patria viscera.
Hæc sit veritas,
Aut mendacium sempiternum.

Verùm
Ferenda erant suprema cuncta, ut CAROLO potire-
Ad tantum præmium, (mur.
Per ignes, undas, tela, neces, eluctandum erat.
Tota debuit concuti, tota turbari Hungaria;
Ut Alcedoniis in mari peractis,
Veniret CÆSAR,
Atque erudiret: Quid sit quies
In motu reversionis.
Et bello ardere debuit, citius extinguenda,
Ad pelagus morante Principe;

Cui

Cui non tria ad pacandum Regnum
Sed unum sufficit venisse.
An non major illo, cui tria ad unam victoriam
Necessaria erant?
Qui denique
In suam virtutem traxit culpam:
Ignorâssent enim infelices clementiam Ejus,
Nisi peccatum fuisset.
Bene Tibi jam sit August. Rex!
Quemadmodum ille ex Capitis incendio, Rom. Im-
Sic Tu Hungarici, (perij;
Ex ignibus Coronæ felix Augurium cape.
Vives!
Et in posteritate Tua beatiori Hungariæ
Vive.
Tertius Hispanis es CAROLUS, Tertius Hungaris,
Decet Te fieri ter secundum.



Elogium IV.

C A P T I V A.

H Eu!
Libertatis Christianæ Hungaricæ Nota,
Captiva fit Corona insons.

Hoc

*Hoc nempe est
Infaustæ sortis ingenium ,
Nec à Sacris , nec à Magnis , manus abstinere.
Nil tamen mirum :
Ut viris magnis , ita rebus magnis ,
Omen jucundum ex tristibus prôvenit.
Neque de sublimitate quisquam gloriari potest ;
Nisi arduos tulerit casus.
Imò ,
Quia eminentes res sunt , magnis ea re
Obnoxiae sunt ruinis :
Quemadmodum proximi astris montes ,
Primi cælorum injurias patiuntur.
Captiva itaque sèpius tenebatur Corona Hungariæ ,
Semper nihilominus è squallore carcerum
Prodiit splendidior.
Adeò situs rubiginem illi non aspersit ,
Majestatem non minuit.
Tenebatur , ajebam , Captiva Corona ?
Intellige , non sine poena talionis.
Nam interdum corpora ,
Ambientium semper captivabat ambitionem ;
Qui sui ipsorum regimen dimittentes ,
Coronam , & Regnum arrepturi ,
Propriæ evaserunt mancipia appetitionis.
Cùm tamen Regibus ,
Prima regnandi rudimenta à seipsis sumenda sint ;*

Nec

*Nec sunt regendo majori orbi ,
Qui microcosmum suum non frœnant.
Primus , tenebris damnavit lumen hoc Hungariæ ,
Wenceslaus Rex Bohemiæ , Wenceslai Regis Hung.
Pater ;
Quem id minimè decuisset , utpote Protectorem .
Hic , ut nutantem in tenero capite tredecennis Filij
Firmaret Coronam ,
Exercitum validum à saltu Hercinio Pesthum adducit ,
Filium sive ornatum , sive oneratum
Diademate Pannonico ad se venire jubet ,
Utque sublevet infirmum ,
Cum Diademate confestim in Bohemiam abducit .
Quamvis prudens fuerit ,
Existimans , ubi Coronam Hungariæ , ibi Regnum fore ;
Falsus tamen est ;
Arbitratus hoc sydus extra suam sphæram lucere posse .
Certè animam corpori abstulisse visus est ,
Cùm Regnum Rege , & eo , sinè quo Reges
In Pannonia Regium nomen vix sustinent ,
Destituit .
Pius nihilominus videri poterat Wenceslaus ,
Quòd hoc pacto , contra æmularum potentiam ,
Pater Filium tutaretur .
Controversum est ;
Piùsne magis fuisset Wenceslaus Pater ,
Si ipse Ecclesiæ filius ,*

Sum-

Summo Ecclesiæ Patri obedientiam præstisset?
Quod enim BONIFACIUS VIII. volebat, hoc ille
renuebat.

(tem,
Pontifex Carolum Robertum, Sedis Apostolicæ clien-
Regesque Hungariæ proprius sanguine contingentem;
Bohemus Filium, vicinitate Regno juvando aptiorem,
Regem inaugurarī flagitabat.

Hic paterno affectu, ac numero ex exercitu,
Ille anathematis duntaxat diris
Pro Carolo dimicabat.

Verūm,
Difficile est eripere cuiquam rem jam possessam,
Cujus illa jam possederit animum.

Sæpe non alliciunt modò, sed rapiunt mortales,
Quæ splendent;

Ut cum oculis etiam affectus fascinentur.
Controversiam hanc primùm post decennium
Deciderunt volentes Hungari.

Interea melior erat conditio usurpantis Wenceslai,
Quàm Caroli,

Corona, & suffragiis Procerum carentis.

In hoc istius melior,

Quòd isti DEUS per Vicarium suum Insigne adjudicavit
Tamdemque imposuerit. (caverit,

Quod in proverbiis est, illud interim accidit;

Litem, quam duo absolvere nequibant,

Tettius diremit Otto Bavarus,

Idemque causâ casurus.

Hic

Hic gavisus est quidem inter duos litigantes tertius,
Et tota de reducta Corona gavisa est Hungaria.

Sed gaudium,
Quod Otto multis aureorum emisset millibus,
Non fuit preciosum, & diuturnum.
Longius fuisset, si & tempus fruendi,
Aut emere, aut precariò accipere,
Licuisset.

Versat nimirum Fortuna rotam:
Humanæ, quia in orbe sunt, aguntur in orbem,
Et dum radium unum attollunt, substituunt obversum.
Vix enim Otto seu preciō, seu prece Coronam redemit,

Vix illâ redimitus est,
Vix supremæ potestatis locum concedit bene;

De Regni sede ruit Rex,
In potestatem Ladislai, Transilvaniensis
Prætoris, cum Diademe incidit.

Secundūm jam captiva Corona
Vota minimè secundavit Paludati Occultatoris.

Indignum se Regno præstat,
Qui ut regnet, dolo, aut vi utitur.

Quod monstrum?
Quartus etiam gaudere vult inter tres dissentientes,
Ladislaus Regem, cum Insigni, custodia tradens.

At verò
Captivare Ottonem, captivare Coronam potuit,

S 2

Pro-

Procerum tamen suffragium, fidem, & amorem po-
Cogere in obsequium non valuit. (puli,

Nihil enim se cogi patitur minus,

Quam suffragium, quod ambitione antevertitur.

Qui imperandi potestatem sibi arrogat,
Imperij clavum vix tenebit.

Visus tamen est sibi regnasse, (vam

Quod ad postulata Magnatum, Coronam adhuc capti-

Carolo hujus nominis Primo desponsantium;

Surdas contumax diu tenuit aures.

Reipsa Rex erat in hoc,

Quod subditum se haberet unicum,
Eundemque Optimatem faventem unicum.

Tam dulce est regnare,

Ut lethargum pene procreet, & omnem
Audiendi facultatem adimat quibusdam.

Non clamores Magnatum,

Non armorum Coronam repetentium strepitus,

Aperire poterant aures Ladislai,

Donec repetita saepius Romani celi tonitrua

Malè surdum, & somnolentum expergefacerent,

Ut refragari non potuerit Carolo,

Cui Urbs pridem album miserat calculum.

Cessit ergo Coronam *Ladislaus*, suscepit *Carolus*;

Quocum Coronæ multa venere Bona.

In illo enim nacta *Oeconomum*,

Pluribus se Regnis auctam gloriabatur:

Nacta

Nacta Militem,

Qui bonam causam in prima acie collocavit;

Nunquam adverso Marte pugnavit,

Nisi impia fraude deceptus.

Nacta Pacificum,

Ut qui gladium nunquam educeret,

Nisi verbis, & pace nihil profecisset.

Nacta Justum,

Ut qui primus, causas dubias bilance justitiae librare,

Liquidas non prolongare,

Primus denique Leges ex Regno extero advocare cœ-

Prosperò sanè auspiciō; (perit.

Ut qualis Tu, AUGUSTISSIME CÆSAR,

Futurus essem Rex noster,

CAROLUS III;

Ex primo conjiceremus.

Et jam in Te

Sortita est Hungaria *Militem* fortissimum;

In quem cum Sanguine virtus Patria est transfusa.

Sortita est in Te *Oeconomum*,

Qui, ut subditos ditas,

Tributarius Reip. de proprio esse non erubisti;

Nullum donum accepisti,

Quod in vectigal non converteres, aut liberalitatis,

Aut stipendij.

Nacta Pacificum,

Qui Tecum nobis tranquillitatem attulisti.

S 3

Nacta

Nacta *Fustam*,
Qui nunquam ab æquitatis trutina recederes.
Sed ad Coronam.
Dubium esto;
Utrum apud Fridericum III. Augustum
Hospes gratiosa, an captiva fuerit?
In comperto est;
Fuisse honorifice habitam, & arcte custoditam,
Ac post quinque lustra liberatam.
Inclaruerat valde in *Corvino* sydus hoc Hungariæ,
Æternam propè subiit ecclipsim à Luna Solimanni.
Et subiisset,
Si Barbarus scivisset precium gemmæ.
Ut consisteret in Throno,
Supplex illi factus est *Joannes Coronatus*,
Meruitque ab ejusmodi Numine exaudiri.
Quærat aliquis?
Quid Corona in manibus *Asiatici* portenderit?
Fortasse, quod Buda cum tota pene Hungaria,
Ceu Troja subducto Palladio,
Capienda erat.
Eodem tempore,
Bigatum fuit Diadema Pannonicum;
In *Ferdinandi* tamen amores pronius.
Apud quem aliquando
Lassum ex Dacico itinere quievit.

Deni-

Denique
In *Bethlehami* custodiam venit,
Meliori antè traditus Thesaurario,
Maximus Hungariæ thesaurus.
Ferebatur huc, atque illuc Corona,
Inquieta semper,
Dum rediisset ad illum, quem coronarat.
Si cui unquam,
Quadrat Corona ista CAROLO VI.
AUGUSTISSIMO;
In quo, & in qua
Similitudo periculorum,
Major erit conciliatrix amorum,
Quam similitudo morum.
Elogium V.
G L O R I O S A.
Mirabilia mundi vides,
Qui gloriæ miraculum, Coronam Hungariæ intueris.
Hoc ei elogium non assentatio calami,
Sed meritorum excellentia tribuit.
Cælo auspice felicitatis auspicata sortem,
Ipsam sub auroram, gloriæ meridiem tenuit.
Res mira!
Omnia, que magnis surgunt incrementis, ab infimis
initia sumunt:
At

At sola sibi hoc proprium Corona Hungariæ vendicat,
Cùm Regno primùm nascitur,
A duobus summis ortum accipit.

Posteaquam enim

Divus Stephanus, primi, ac piissimi Ducis Geyſa
Æquè primus Rex, ac piissimus Filius,

Divi Adalberti manibus Sacro fonte lustratus,
Salutis scaturiginem in totum Regnum effudisset;

Atque (Hunnos,

Exleges Ecclesiæ, & suo Regno, sub legem mitteret
Orpheus in sylvis, Arion in mari, Amphion in Urbi-

Ubique Deucalion, (bus,

Saxeos animos in humanos mores animavit.

Ubique redivivus Prometheus,
Igne, quô ardebat, aliorum etiam animos incendit.

Ubique divinior Aesculapius,

Cæcitatem Ethnicam depulsurus,

Fidei cæcitate medebatur,

Ut viderent.

Dum has curas pro Numine versaret Stephanus,

Uetus præ reliquis curæ Numini erat.

Et ideo

Quantum ille fervoris impedit,

Tantum, & amplius fœnoris DEUS rependit,

Quando

Mieccislao, recens ad fidem Christi converso, Polo-
norum Regi aptata Corona,

Nulli

Nulli melius, quam Stephaneo apta vertici,

A summo Ecclesiæ Capite CHRISTO,
Ejusdémque summo in terris Vicario, Silvestro II.

Illi imperio, hujus grati animi obsequio,
Utrique obsequentissimus Stephanus, redimitur.

Ita nimirum, (bebatur.

Uni, præ cæteris metenti Victorias, falx gloriae de-
Falcem gloriae dictam ne mirere;

Bafes inspice,

Quæis sinè pondere Augusta Coronæ moles innixa,
Ne degenerem tantis fundamentis usquam coroni-
dem imponeret,

Tot victoriarum manipulos messuit, quot iniquos
sui invasores numeravit.

Dicebat nonnemo:

Flexa Corona Rota est, volucris Fortuna rotatrix.

Hanc tamen nunquam vertit adeò, ut everteret.

Par in utraque Fortuna, utrâque altior;

Prosperâ fovit precium, ampliavit adversâ.

Imò,

Amplius eluctaturam ad gloriam, nunquam non Mar-
ti conjunctam voluit;

Quô inter asperos bellorum turbines,
Durioribus exagitata fortunæ casibus, enitesceret;

Corallij instar, quod natum sub aquis,
Continua tempestatum, & ventorum vi agitatum,
indurescit in precium.

T

Maje-

Majestatem illius si consideras,
Teli instar subditorum sauciavit animos,
Sed dulci vulnere,
Quô in sui amorem raperet, & sequelam.
Irretorto vultu Solem sequitur Heliotropium,
Indissociabili comitatu gloriæ decus
Coronam, Hungari.
Hanc seu proprio in Solio positam,
Seu alieno in Solo commorantem,
Æripedes Thali, quoquò feratur, prosequuntur;
Parùm se fecisse rati, nisi cum Mercurio Solis indi-
duos agant comites.
Quid plura?
Bellis enutriti, imbelli nomen erubescerent Hungari,
Nisi quoties pro illius violato decore bellandum est,
Ociosum esse, odiosum existimarent.
Tunc plurimùm fœnerati,
Cùm vitæ, facultatúmque pene omnium prodigi,
Ut Coronæ stet gloria, mortis viætima cadunt.
Ne unâ carcent, omnibus exuuntur:
Zopyros imitati;
Qui opibus exuti, membris mutilati, Regni mem-
brum facti triumphârunt.
Non fabulam cano.
Testes sunt Vladislaus Polonus, & Matthias Corvi-
Magna Regni decora: (nus,
Ille, commissô cum Amurathe, potentissimo Turca-
rum Imperatore,

Ad

Ad Varnam, cruentô præliô,
Ne magna Hungariæ Anima diem videret ultimum;
Magnanimam ponere animam in lucro habuit.
Hic à tenebris ad Solem, ac Solium evocatus,
Dum Elisabethæ dolô
Viduatum Diademeate Regnum offenderet;
Ferrô, & sanguine nequidquam proficiens,
Viam aurô aperuit,
Ut aureum decus Hungariæ,
Hungariam felicitati restitueret.
Ingentem hic audis gloriæ Majestatem,
Parùm est,
Oculos, ut illam videas, etiam adde.
Intuere Leges Patrias,
Non Decretum ullum in toto illo Codice Patrio re-
Nisi Coronatum. (peries,
Usqueadèò in criminè ponunt Hungari, iis obsequi
Quas Corona non tulit. (Legibus,
Habet nempe illa, nescio quid Numinis,
Quod tantum ei Reverentiæ apud animos subditorum
conciliat;
Ut non secus, æquum juxtâ, ac magnum existiment,
quidquid ab illa prodiérit;
Atque è cælis ipsis veniret.
Habent ipsi etiam Romani Imperij Vertices, quod in-
Imperatori enim, (videant.
Si modò Suffragiorum faverit Religio, assurgimus;

T 2

Hun-

Hungaria Regem adorare nescit, nisi Coronatum.

Quanta, Dij boni !

Uladislai, & Corvini in patriam hanc merita.

Alter laborem, vitam alter impendit :

Cujus quidem impendio ne tantum datum,
Ut Leges latæ, concessa Privilegia quadrienniō, eo
cadente, starent.

Corvini verò intra sexennium inanis opera, & largi-
tio, quam Corona.

Non perfecit.

Adde,

Hæredem illam, earumque Urbium Dominam,
Quæ Liberas sese gloriantur, & aliarum Principes.

Nec enim è dignitate foret Majestatis,

Imperare aliis, quàm Dominis;

Suis obligare obsequiis, nisi Liberos.

Quid,

Quòd cum plurimis Coronæ Fortunis, ne Regibus
quidem fas disponere.

Ut vel inde agnoscant,

Non jam vertice solo, sed potestate pariter se subesse.

Denique illud est, quod Orbis stupeat universus,
Regna: Sclavoniæ, Dalmatiæ, Croatiæ, Bosniæ, Ser-
viæ, Galliciæ,

Lodomeriæ, Cumaniæ, Bulgariæ,
Viribus, Fortunis, Artibus, & Regibus longè clarissima,
Uno pendere à Coronæ Hungaricæ Imperio.

Quasi

Quasi in hac una tot Coronarum,
Vis omnis, Decor, ac Potentia sita foret.
Et omnino ultra conditionem communem id esse,
nemo inficiabitur. (venisset;
Neque enim is sensus tam diversarum Gentium con-
Nisi, quæ mentibus humanis dominatur Prudentia,
Genium

Pleniùs de Coronæ Divinitate imbuiisset.

Et inde,

Dena Regibus Hungariæ præferuntur Vexilla,
Trophæa videlicet Sacrae Coronæ Gloriosissima;
Quæ vel his testamat orbi facit Majestatem suam,
Superiorem omnibus, Parem nemini.

Elogium VI.

F O E C U N D A E T S O C I A B I L I S.

Euge!

Fœcunda Mater Corona Hungarica.
Fœcunditas tua Magnitudinem superat;

Quæ subinde uno partu
Duo Regna genuisti.

Fœcunditatem
Hanc tuam Majores nostri admirati sunt,

T 3

Nepo-

Nepotes non crederemus,
Nisi jam liquidò constaret,
Te fuisse cælitus fœcundatam.

In Carpato caput, in Maribus pedes posueras,
Unum in Pontico, alterum in Adriatico;
In Ventre (PIUS IV. loquitur) concluseras septem
Nos domestici credimus: Regna.
Quot Memoria Musas, tot tu Regiones edidisti,
Aut pia Nutrix fovisti.

Quæ illa tua proles?
DALMATIA, CROATIA, SCLAVONIA, SERVIA,
BOSNIA, GALLICIA,
LODOMERIA, BULGARIA, CUMANIA.

Hæc sunt
Illæ tuæ Aureæ novenæ Appendices; vel
Lemnisci novem, & inaures
Totidem Filiabus olim præparatæ.

Omnes illæ suis Coronis redimitæ erant;
Tu, quæ tot Coronatis præeras,
Non solùm Corona, sed Archi-Corona;
Tuus Rex, non solùm Rex, sed Archi-Rex
Dicetus, aut Dicendus erat.

Cùm fundaretur Regnum Hungariæ
Solitudinem coluit Corona Sacra; nec Nata illi,
Nec pedissequa.
Ne tamen
Sterilis videretur, initium augmenti fecit

In

In DACIA, tunc aliquantum divisa, & Filia vaga;
Quæ brevi bello à D. STEPHANO comprehensa,
In longam pacem, & Fidem Sanctam

Ubertim germinavit.
Divus opulentis manubiis Patronæ Coronæ
Ingentem ædem erexit,
Ut accessuris Insignibus opitularetur.
Ostendit hac Religione Sanctus Proto-Rex viam poste-
Diademata multiplicandi, (ris
Recta nimirum eundo ad Astra, & ad Astrorum
Acier Ordinatam in primis.
Semitam sibi monstratam secuti
Salomon, Geyfa, Ladislaus,
SERVIAM ex serva vetere
Filiam adoptarunt.

Unicus Ladislaus, totus MARIANUS,
Fatô Zolimeri faustissimô,
DALMATIAM, SCLAVONIAM, & CROATIAM
Coronæ, ac ditioni Hungaricæ adjecit.

Metuebant nempe
Tria hæc Regna, sublato capite, vertiginem;
Et ne Acephala quoque membra perderent,
Ad certum Caput properarunt.

Nec sinè fœnore:
Meliora siquidem receperunt, quam dederint.
Gentilismum exuerunt penitus, Religionem veram
induerunt.

Hæc

Hæc in Crepusculo matutino
Dabat prognostica Hungaricum Diadema ;
Ex quibus serenissimam sibi vesperam, & sæcula,
Nisi CRUX fracta fuisset,
Potuisset polliceri.
Nihilominus Solem quendam existimârunt vetustio-
Diadema Sacrum ; Cres nostri
Quòd è cælo Hungarico ,
Lux ejus per Regnorum Horizontem
Non aliter diffusa fuerit ,
Ac Principis Siderum per signa Zodiaca .
Non enim passum est Se
Certo Cœlo affigi , ut minora sidera ;
Sed mox aliò transtulit lucem ,
Et ubique in Circulo gloriæ suæ.
Nisi quòd semel atque iterum Cometae ingenium
assumpserit ,
Crinémque timendi sideris sparserit in Galliciam &
Lodomeriam ,
Utramque Rubram Russiam dictam , & factam ;
Ob perfidiam siquidem , fuso sanguine ,
Fatali rubore suffusa est .
Parcite Censores :
Si terminos Regni Hungariæ egressa ,
Et limites mitissimi ingenij sui transgressa videatur
Corona nostra .
Nulla etenim manus lata furit unquam justius ,
Quam sacra.

Cùm

Cùm temerarius Gigantum ausus Cælum oppugnaret ,
Etiam Superi sæviérunt .
RAMA Bosniæ ramus ,
Insita est Diademati feliciùs per Connubium
Ad fœcunditatem .
Nam progenuit totam Bosniam partu difficulti ,
Non insuperabili .
Facta demum cum suis Regibus vestigalis ,
Salomonis in Hungaria revocavit tempora .
Interea dum
Dilectæ sibi Coronæ totus militat æther ,
Quæ Domina Regnorum esse potuit ,
Parentis munus non deseruit ,
Sinè quo nullum
Imperium dilatatur .
Superum decretum id erat , cùm fertilem destinabant ,
Ut finis unius generationis , esset initium alterius .
Accessit magnô incrementô CUMANIA ,
Et in gremium Regnorum Matris refûgit ,
Cùm Tartarorum cunei eam eversum ibant .
Fuisset fœtus iste laudatissimus ,
Nisi LADISLAUM sustulisset ,
Totus ipse jam sublatus .
BULGARIA
Diademati huic diu inimica , diu infidiosa ,
Seu Filia , seu Amica denique facta est .
Accesserunt quoque Stemmati Hungarico ;

U

Dux

Duæ Sorores
MOLDAVIA & VALACHIA :
Quoniam verò sæpe recesserunt ,
Dudum pro degeneribus Filiabus habitæ.
In hunc modum
Dum Corona Apostolica ubertate sua Orbem replet,
Pari fœcunditate
Regna extera cognatione sibi jungit.
In Germania & Græcia
Imperantes ,
In Anglia, Scotia, Silicia, Polonia, Bohemia, Russia, &c.
Austria, Suevia, Bavaria, Brandenburgia, Saxonia,
Thuringia, Styria, Carinthia, &c.
Regnantes, & Dominantes
Habuit Filios, & Fillas, Nepotes, & Neptes,
Cæsares, Reges, Duces, Marchiones, Landgravios.
Arctissimæ affinitates initæ
Cum Polonia, Bohemia, Austria.
Steriles thalami Vladislai Poloni
Ludovico I. Regnum Poloniæ genuerunt.
Bohemia & Hungaria propè matrimonio ,
Et jurejurando erant copulatæ.
Austria in dotem sæpe data Hungaria ,
Ubi nihil peperisset.
Nunc autem est hæreditas Ejus.
Ob quam ,
O optatum diu Confortium !

Cum

Cum Regni Catholici Corona jungitur.
Felix Pannonia !
Gratulare tibi sortem fortunatam in nova hac affinitate.
Quàm bene munita, si illi unita !
Si colligata ; quis dissolvet ?
Omen bonum !
Spes magna , expectatio maxima.
Corona Apostolica sociatur Catholice.
Quid Evangelici sic dicti ?
Florente terra, vernante polo hæc fiunt ;
Amænum florem , & diuturnum ,
Odorem bonum hæc Diademata dabunt.
Cùm Astrorum Princeps altius enititur ,
Fœdera hæc ineuntur ;
Omine feliori ,
Semper gradum ad altiora promovebunt.
Sub Signo Tauri sociantur :
Bene est ; Signum hoc Regnantibus prosperum ;
Quòd post longas hyemis noctes ,
Solem significet contra tenebras triumphaturum.
Prehende ergo AUGUSTE CAROLE
Coronam hanc fœcundam
In Tuam , & nostram fœcunditatem.
Hanc Tua ,
Tanquam Magni Theodosii Virtus ,
Dudum promeruit ,
DEUS decrevit.

U 2

Nos

Nos cum hac in Te reponimus,
Et coronamus nostram felicitatem.
Impera faustè
Fortunæ, Paci, Securitati nostræ.
Succede Magnis Majoribus Major,
Eò Laureatus progredere,
Quò neque ivère Piores,
Neque sequentur Posteri.
Secundis successibus finem non priùs imponas,
Quàm Orientem jungas Occidenti.
Quod ut fiat,
Vive! quàm diutissimè Vive!
Omnis dies Tibi sit Natalis,
Nullus mensis non Augustus.

Elogium VII. CORONANS.

Aether ad dispositionem soli fœcundat agros,
Corona hæc siderea ad aptitudinem animorum
Influxit in Reges.

D. STEPHANO

Quidquid de Cælo adferre potuit, dedit;
Sanctitatem, Victorias, Felicitatem.
Ille quidquid accepit ab ea, DEO restituit
Liberalissimus in Ecclesias patrias, & extraneas.

Qui

Qui Hungariam genuit CHRISTO,
Nil potuit gignere, nisi Cæli Hæredes Virgines,
Atque adeò quidquid genuit, CHRISTO genuit.
Duos sequentes ominis melioris incapaces
Diadema offendit, & offensum est.
PETRUS
Petra aspera, D. Stephani ex sorore Nepos.
Non discinctus modò, sed crudelis audit Nepos;
Cui nisi dejecta fuisset Corona, sponte abiisset.
Resumpsit Diadema, resumpsit & mores pristinos.
Ad extremum, qui despexerat subditos, oculis,
Et vita privatus est.

ABAM (mè.
Alij Ovonem vocant aptius, nigri Corvi ovum aptissi-
Judex immanissimus, de capitibus omnium præsen-
Procerum sententiam tulit. (tium
Multorum itaque Civium cæde Tyrannus cruentus,
Suâ funestus, nec deplorandus.
ANDREAS I.

Non Populi, sed nuncupatis Cælitibus votis,
Felicissimè regnare incepit.

Culpam, quâ in aditu Regni, dissimulata Pontificum
Se maculârat, postmodum delevit; (strage,
Quando applaudente Corona Religionem collapsam
restauravit.

Non fudit, sed confudit Vindicem Petri,
Panem, & Pacem petenti dedit.

U 3

Lon-

Longiori luce dignus , extintus est pugnans
Pro suo Lumine gloriae.

BELA I.

Per *Ruinam* Andreæ concedit *Solum* ,
Ruinā solij, aut domūs depresso, supremū decubuit.

S. SALOMON

Bis invito Diademate redimitus , ne semel quidem
Regnavit. (prosperè

Sæpe fugitivus latibula quæsiit Regnando ,
Regno valedicens invénit ;
In quibus Rex sanctior melius suo animo ,
Quàm antè populis jura dedit.

GEYSA I.

A statura, à factis *Magnus*, à virtute *Major* :
Specstante Ladislao per Angelum antè Coronatus ,
Quàm per Metropolitam.

Cui proinde Cælum viventi detulit Coronam ,
Eum meritò maturiùs ad Cælestem Laureolam evoca-
S. LADISLAUS (vit.

Ipse stylo lapidali monumenta reliquit incisa ;
Siquidem elegantissima saxis impressit miracula.

Novus Moyses aquam ex rupibus elicuit ;
Nummos aureos , inauditâ antialchimiâ , in lapides
vertit. (pserunt.

Et jumenta , quibus vehebatur, saxis prodigia inscri-
Sacratissimus in vivis dictus, non à potestate ,
Sed à sanctitate clarissima.

COLO-

COLOMANUM

Natura notaverat, nemo miretur, quòd sibi aliqua
Inusserit stigmata.

Nec *Pedo* , nec *Sceptro* undequaque idoneus.
Laudabilis , quòd sua mordicus retinuerit.

Fastum ejus contudit *Russia*, ille *Dalmatiam*.
Alternabat affectu : humanus , & immanis tandem in
STEPHANUS II. (Fratrem.

Alieno Regimine melius rexxit , quàm suo.
Huic præstitisset nunquam , quàm toties pugnasse.
Mobilis alioqui ingenio , nutantem *Dalmatiam* con-
Cœlibem vitam diu duxit , (firmavit.

In extremis *Monachum* induit.
BELA II.

Luminibus oculorum cassus luculentam ex æmulo
victoriam reportavit.

Invénit primus cum Filio *Galliciam* & *Bosniam*.
Fuisset hic Coronæ oculus , nisi aliam cæcitatem sibi
conscivisset.

Laudem magnam tulisset , si duplii cæcitate captus
Nihil scripsisset.

GEYSA II. (præbuit :
Rem raram fecit: Puer , ac Tyro , militiæ Ducem se
Rarissimam: Concordiam cum Fratribus sanctè serva-
Oci , & Martis cultor eximius. (vit.

STEPHANUS III.
Triennali immunitate Regnum donavit ;

Ca-

Captavit nempe auram popularem, explere non posse.
Non enim solus regnavit. (tuit.
Plùs pugnavit aurô, quàm ferrô; plùs consilio, quàm
manu.

Bis amisit, bis recepit Diadema, amplius non potuit.
LADISLAUS II.

Miris artibus arripuit Coronam,
Cùm Stephanus erecta Coronæ, restitueret.
Sed comprobavit *Violenta non diu durare.*
Annus enim Coronationis primus, fuit illi & ultimus.
Regem fuisse testata est pompa funebris Regia.

STEPHANUS IV. (tur.
Reluctante Diademate, quia alij olim obstricto, ornatus
Fusus in prælio Honori cedit, & Majori.
At Corona impatiens duorum Regum,
Ambobus, Fatis eodem anno Sceptra abstulit.

BELA III.

Augia stabulum purgavit, Regnum latrociniis libe-
Mores acri censura correxit. (ravit,
In ocio opibus negotiosè intentus.

EMERICUS

Miraculô à Corona Fratrem absteruit.

Scelera coercuit, virtutibus Regnum excoluit.

LADISLAUS III.

Brevissimum juvenis in Diademate gaudium habuit.
Antequam didicisset humana regere, ex humanis
exemptus est.

AN-

ANDREAS II.

Domi regnavit quietè, foris imperavit fortiter.
Justitia, & Pax hoc Regnante regnabant.
Nec Amor conjugalis, hunc à Justitia removit.
Hierosolymitanus dictus à bello, cui Imperator præfuit.
Non ab hoste, sed à *Nilo* circumfusus, vix elutatus est.

BELA IV.

Bellator infelix; Divina (ipse fatetur) flagellatus manu.
Amisso exercitu, desertâ terrâ Rex extorris.
Pulsus à Tartaris, Cumanos recepit.
Æterna commendatione dignus,
Quòd ex ruinis *Novam* condidit *Hungariam*,
Vel maximè *Ecclesiasticam*, & Castrum Budense.
Arrogantiam Juvenilem Senior pulchris virtutibus

STEPHANUS V. (emendavit.

Diu Sceptrum affectans, parùm rexit.
Diu Rex Junior dictus, Seni esse non licuit.
Totius Hungariæ Regem se vocavit, antequam fuisset.
Felicitior bellô quàm Pater, *Bulgariam* vestigalem fecit.
Bohemum, Patris, & suum domitorem, edomuit.

LADISLAUS IV.

Tartaris cessit, Cumanos attrivit.
Amoribus deinde Cumanorum irretitus,
Samson alter ab iisdem comprehensus.
Forsitan Sacra Corona eum pati non potuit;
Siquidem novô sanctitatis violatæ argumento interfici permisit.

X

Mira-

Mirare lector: Hominibus & rebus sacris, addictus
ANDREAS III. (fuit.

Omnium suffragiis electus, conjurationi obnoxius.
Clementiâ factiones fovit, Prudentiâ temperavit,
Imperavitque quoad vixit. Vir probus,
Justi & æqui tenax; Non placuit omnibus.

WENCESLAUS

In triennium non tam regebat, quam regebatur.

Hic Ascanius cum suo Ænea

Quod maximum potuit Pannoniæ spolium;
Divinos Penates, extulit.

OTTO

Immortale pretium, mortalis auri pretiô,
Venalem existimabat Coronam Hungariæ.

Potitus ea, dum occultissime recondere parabat,
Ipse clausus est.

Abiit, solem nunquam visurus in Pannonia.

CAROLUS I.

Multa præclare gessit.

Amplissimum Imperium obtinuit.

Fœdera & Affinitates cum Principibus nexuit,
Domesticos hostes subegit.

Themidem ex Francia in Hungariam induxit.

LUDOVICUS I.

Hungarici nominis gloriam latè disseminavit.
Expeditionibus plurimis, & totidem victoriis con-
spicuus,

Ornamentô summô Sacri Diadematis.

Fuit Rex, cui nihil addi potuerit.

Trienniô illi Hungari parentârunt.

MARIAM

Merita Patris, cum suprema potestate ad Solium pro-
moverunt: (ceres.

Sexus, satietatem procreavit. Pudere Fœminæ, Pro-
Hujus solius creditur caput contigisse Sacra Corona,
Et factum paulò post aversata.

Si perfecta Semiramis fuisset, diutius præfuisset.

CAROLUS II.

(minutus.

Brevis Staturâ, brevissimus Imperiô, Capite quoque
Ambitu & calliditate Coronam à fœmina

Adeptus, astu fœmineo perdidit.

Cur quieta Sceptra sua deseruit,

Turbulenta adiit?

SIGISMUNDUS

Consiliô primus, Marte ultimus.

Nisi duellâasset cum Fortuna, næ fortunatissimus fuisset.

Hæc magnorum æmulatrix, quoties prope Sigismun-

Armata stetit, toties inermis cécidit. (dum

Prin ceps Pius, Modestus, Amans Hungarorum.

ALBERTUS.

Nomine suo Turcam, & Polonum fugavit.

Hunc honores fugientem consecuti sunt.

Solus & unicus Imperiale Dignitatem lachrymans
suscepit,

Nec alia ratione , nisi consentientibus Hungaris.
Principi desiderabili , in supremo honorum accessu
Vita succisa est.

LADISLAUS V.

Cum floribus pari fato ortus , & deortus est.

Regnare incepit , cùm vagiret.

Longitudine Imperij multis par , vitâ impar.

Rex vixit sât diu , homo non diu.

Spes erat populorum ; at flos caducus :

Pulchrè tamen occidit.

ULADISLAUS I.

Hic amore Diadematis hujus mortuus :

Quod nunquam viderat , deperibat.

Probior , Fortior pluribus eô Coronatis.

Accepit Coronam immarcescibilem ,

Et memoriam perennem.

MATTHIAS CORVINUS.

Martis & Artis Alumnus in paucissimis Egregius.

Interdum *Polydexter* , interdum *Ambidexter* ;
Altera manu *Orientem* , altera *Occidentem* impugna-

Fortunâ superior , *Æquus ut nihil supra*. (vit.

In hunc nec invidia , nec fraus , nec gladius

Quidquam valuit , sola mors.

ULADISLAUS II.

Ad Pacem pronus , injuriarum obliviousus ,

In DEUM Religiosus , in suos Humanus ,

In omnes Facilis.

Turbatissimis rebus pacatissimè rerum potiri voluit ,
Non potuit. *Da pacem Domine !*

LUDOVICUS II.

Mirabiliter natus , mirabiliter vixit.

In pueritia Adolescens , in adolescentia Vir.

In florentissimo ævo canuit non minùs ingenio ,

Quàm capillô.

Pugnavit , *Heu !* & ambiguum reliquit ,

Utrum plus habuerit in ea animi fortitudine ætatis ,

An in ætate virtutis ?

Vivit interim posthuma magnanimæ indolis fama.

JOANNES.

Dynasta potens , Rex alienô suffultus brachiô.

Regnavit inter spem & metum , in patria & exilio.

Aptus tamen Regimini.

FERDINANDUS I. (tissimus.

Princeps animi magnitudine , & sapientiâ excellen-

Novus Hercules variis cum monstribus decertavit.

Hungariam Turcis , Indigenis , Hæresibus disceptam

Sanare plurimùm laboravit.

Budæ hospes fuit , qui Incola providus fuisset.

MAXIMILIANUS. (diosissimus.

Pater fœcundus , Hungaricorum commodorum stu-

Multa conatus , multa confecit , non omnia.

Cum Selymo fœdere ligatus , in Belgium & Galliam

Signa explicuit.

Antè autem Sceptra meruit , quàm sustulisset.

Princeps sagax & cautus.

RUDOLPHUS

Constans in adversis, Moderatus in secundis.

Limites Imperij sui in Pannonia extendit.

Musarum cultor eximius.

Legationibus Persicis, Turcicis ornatissimus.

MATTHIAS II.

Belgicum Leonem primâ adolescentiâ,

Deinde Bohemicum frænavit;

Cruci Hungaricae mirum in modum addictus.

Miles strenuus, Imperator exquisitus.

Hungarorum animos itâ captivavit & devicit,

Ut omnium ore Rex proclamatus fuerit.

Pro Corona pugnare, morique paratus,

Reduxit eam ex longo exilio triumphantem.

FERDINANDUS II.

CÆSAR DEO acceptus.

De quo concentus omnium laudum parvus;

In quo omnis gloriæ apex resedit;

Cujus virtutes nullius vitij confiniô læsæ.

Qui Necatô Unô Lernam malorum interemit.

Victô Unô plus egit,

Quàm si Numantiam, & Carthaginem evertisset.

FERDINANDUS III.

Heros in campo nutritus.

Paternarum virtutum hæres.

Suecicis victoriis ut Rex Hungarorum Splendidus.

Comis

Comis in exerrantes subditos.

Fanum Jani conclusit in Imperio & Succia,

Postquam triginta annos patuit.

Bis in Hungaria pacis oleas plantavit.

FERDINANDUS IV.

Auspiciis Patris gubernavit Natus obsequens.

Tribus Sceptris potitus Adolescens.

Promittebat multa, Fratri exequenda permisit.

LEOPOLDUS I.

Ex virtute Pius, à gestis Magnus.

Victor omnium adversorum, insidiarum, machina-
tionum. (rum.

Vindex Pannoniæ, Pater omnium suorum populo-

In fortuna utraque idem.

Barbarorum Terror, Domitor, Triumphator,

Christianus Imperator.

Hujus omnia facta marmore digna.

Hic Marti Themidem,

Palladi Consum

Felicissime associavit.

JOSEPHUS I.

Tempus Imperij brevius; Felicitate compensavit.

Nullam ab hoste cladem accepit, multas intulit.

Viëtos bis vicit, Armis, & Clementiâ.

Galliam consternatione, Neapolim triumphô,

Hungariam amnistia, Mundum famâ implevit.

Amore suos complexus, Timore hostes, Liberalitate

Egenos.

CARO-

CAROLE III. Regnans ,

P. F. Auguste !

Cùm TE Hungaria ungeret Principem
Annô XII.

(Hic namque Duodenarius Apostolico debebatur
Diademati)

Exacta quatuor Lustra probant
Coronaria tunc auguria fuisse Oracula ,
Gratulationum aurorâ in hunc Gloriæ meridiem desi-
Primô Imperij Quinquenniô (nente .
Semel eduxisti fulminantem acinacem :
Illo mox auspice , TEMESIA cum Banatu liberatâ ,
Despotarum vetere Regiâ Coronæ restitutâ ,
SERVIA Barbarorum servitute vindicatâ ,
Ingenti accessione Pannonias ,
Metu Thracicum Bosphorum implevisti .
CIS-ALUTANA Provincia Tuô beneficiô Coronam
adorat .

TRANSILVANIÆ uno tempore Arcem ,
Arci Antistitem ,
Antistiti Basilicam reddidisti .

TUÆ sub Aquilæ alis , Urbes ædificiis , Agri populis ,
Novis molitionibus Munimenta Regni firmata ,
Templa decori restituta ,
Novam nobis exhibent Pannoniam .

Quid mirum ?

Ad conspectum CAROLI pacata , ac silente terra

Ocium

Ocium natus es posterioribus tribus Quinquenniis ,
Regno omnibus Triumphis potiora beneficia redden-
Justitiam , & Pacem . (di ,

Posoniensi ac Pestanæ Urbibus Senatum ;
Danubio Tybiscóque concordia vinculum ,
Sedem Justitiæ pub. fixisti ,

Totidem Pacis Custodes , quot tribunalia Themidi
statuens .

Felicem Patriam TE Principe pacis !
Fortunatam TE Justitiæ arbitro CORONAM !
Quæ , quod Angelica sit , ostendit pax in terra .
Ut Apostolica sit ; restat , ut sit unum ovile :
Unus DEUS , unus Rex , una Fides , una Lex .

Quibus conficiundis restat votorum apex
HÆRES !

Qui aut jam venisset , nisi maximis præpararetur re-
bus gerendis ;

Aut Hungari non meruimus de tot nascituris
UNUM ,

Quo arbitrô tot divisa fiant UNUM .

Illô negatô reliquum est ,
Ut Cœlum pro Immortalibus in Remp. meritis
TE Immortalem decernat ,

Sempérque renovetur (ut aquilæ) juventus Tua .
VIVE ! FLORE ! PERENNNA !

Dum eodem , quo Cœlum CORONAM repetet die ,
Unde Venerat , eodem TECUM reducas .

Y

Solen-

SOLENNITAS INAUGURATIONIS
Nunc Feliciter Regnantis Serenissimi
Hungariæ Regis

CAROLI III:

Maj. Celebritatem ricumque , quibus Augustissimus Rom. Imperator CAROLUS VI. Rex nuper Hungariæ Posonij coronatus est , posteris prodituri ita narrationem distribuemus , ut à Cæsareo in Urbem , Arcémque Posoniensem adventu exorsi factos in constitutum coronando Regi diem apparatus brevi complectamur ; inde quæ rationem , ritusque inaugurationis Regiæ , quæ celebritatis istius , quoad asse-
quemur amplitudinem , magnificientiamque describa-
mus : illo denique qui hæc omnia exceptit , epula-
rum , & lætitiæ omnis quæsitissimo apparatu narratio-
nem absolvamus . Decima igitur septima die Men-
sis Maji horâ noctis duodecimâ obviam Augustissimo Imperatori missæ ex Rabuttiniana Legione Centuriæ quatuor : Altero exceptum , salutatûmque die , ex Oppido Petronell decimâ nonâ ejusdem in Oppidum Wolffstall deduxerunt . Hic paulum à via interqui-
scenti Colocensis Archi - Episcopus cum cæteris Sta-
tuum & Ordinum Legatis , Hungariæ Universæ gu-
bernacula Studiâque , illâ , quâ addecebat animi , &
orationis reverentiâ defert : Tum viam ad Regni fi-
nes remensus , reliquos de Cæsareo adventu certio-
res

res reddit . Erat Iстic ingens Tentorium Viride ere-
ctum , sub quo Strigoniensis Archi - Episcopus & Palat-
inus Regni cum Præfulibus , Magnatibus & Regni
Statibus advenientem Imperatorem operiebantur .
Pars à dextro Tentorij latere posita longo Germanum
Militem , nec indecoro ordine explicabat , sinistrum
latus Hungaricas cohortes suis pro more Veteri Duci-
bus , Signis , Tubis , Tibiisque decenter distinctas ac-
cipere solitum ; metu , ne quod è diversis Vicis op-
pidisque cogendæ erant , luem , quæ nondum omnino
extincta ferebatur , aliquà nonnulli istuc traducerent ;
voluptatem pompæ , dignitatemque peræquè deside-
ravit . Advenientem itaque circiter horam à meri-
die tertiam Augustissimum Strigoniensis Archi - Epi-
scopus , & Palatinus cum Regni Primoribus obviam
egressi sub Tentorium deducunt , in quo cùm oratione
Archи - Episcopi salutatus ; Paternæ sibi Hungariam
curæ solicitudinique fore prælarge pollicetur ; o-
mnibus summa voluntatis significatione Augustæ
osculum manus indulxit . Tum quæ ferreis hic fistu-
lis , quæ majoribus ex Arce Posoniensi machinis so-
num latè , lætitiämque fundentibus ; quod erat iti-
neris reliquum magno Germaniæ , & Hungariæ Pro-
cerum Comitatu circumfusus Eques Posonium per-
sequitur . Cùm ad Tertij rippam Danubij perva-
sum , Rabuttiniani qui equitantem haetenus profe-
cuti milites subito restiterunt , Cæteri superatis pon-
tibus

tibus hoc ferè ordine Urbem subière. Obsidente hinc Pontem utrinque peditatus Germanici cohorte, stationariis illinc Militibus, Civibúsque à Danubio per Urbem totam usque ad D. Michaëlis portam sub quatuor Vexillis distributis, sex primô locô currus omni superbi apparatu inventi, reduces ex Wolffstall Legatos detulerunt: Tum Clerus Universus Illustri admodum & singulari Magnificentia deductus continuo in arcem ascendit. Tenuit hic in primis accurritis undique populi oculos Eminentissimus Cardinalis Christianus Augustus Dux de Saxonia Danicis equis, currūque ad Regiam proximè Dignitatem apparato, cum Archi-Episcopo Colocensi deuestus; Inde sejuges rubei Colocensis Archi-Episcopi auro purpureis Helciis interlucente vestiti; voluptati juxtā, atque admirationi fuere. Exiguō hos intervallō itidem sex C. Caroli Zichi equi consecuti nigrum, quō erant colorem delectissimo ornatu distinxerunt: Tum alij ex aliis currus continenter illati pompam, & magnificentiam mirificè intenderunt; dum Comitatum & Civitatum Legati ingenti famulorum, & asseclarum multitudine circumsepti inequitantes; novum & illustre quasi ex intervallo spectaculum ederent. Deīn generosi & elegantes, cuius haud scio, è Germania Principis Sonipedes, ornamentis ad tempus tum, quò videlicet deinceps gratiùs spectarentur, paulùm obvelatis, urbem ingressi. Cæsarei mox viginti & amplius

pliùs equi aurō toti, argentōque prægraves: comitante hos, quæ Regium stabulum curat turba, à singulis equitibus deducti. Tum Augustissimi Cæsaris Tubicines duodecim secuti, suis dum Urbem obeunt tubis, alternis choros agebant. Quos omnes Universæ Nobilitatis Ordines apparatissimo post hominum memoriam vestitu ornatūque inventi exceperunt. Secundūm hos novus Tubicinum ordo; ac deinceps Regni Optimates cum Palatino equis magnificè delati; dum denique Imperator ipse compoñito ad Augustam Majestatem gradu in Urbem ingressus. Hunc Custodes corporis, & Ephæbi in suos sese utrinque ordines partiti, pedibus equitantem prosecuti sunt. Ponè hos gradiebantur Cursores, à celeritate nomen suum adepti, tum alij porro qui latus protegerent custodes, eductis juxtā gladiis adequitabant: utrique militarem in modum vestiti, aureis hi; sericeis illi ornamenti latè effulgebant. Augustissimus ipse albō deuestus equō, Clamyde Tunicaque argenteō filō intersertis floribus contextâ, albō adhæc pileō, nigris huic, albisque itidem plumis ad veterem Hungarorum morem imminentibus persanè Magnificè, Regiisque vestitus, totius in se urbis ocułos, animosque convertit. Antè verò, quām intra Urbis se mœnia inferret, ad Wedricensem portam paulùm interstitit, tum Senatore quopiam, Civium de adventu Cæsareo gratulationem, lætitiamque plurius

ribus verbis contestato; Consul cum Judice Urbis Claves Augustissimo oblatas tradunt; quibus ille paululum contactis; Hungariæ se iter isthuc recreandæ gratiâ suscepisse; per ampla palam oratione confirmat. Inde Machinarum ex Urbis, Arcisque mœni bus fragore semel atque iterum insonante, edito latè è Civitatis turri tubarum cantu, ære campano per omnes Urbis ædes sacras lætum accinente, in intimam Augustissimus Urbem ingressus, placidum cùm in ad- sitas circum domos, tum omnibus confertim platiis, ac fenestris effusam multitudinem aspectum circumtulit. Dum demum Divi Michaëlis portâ egres- sus, per Altheimianæ Cohortis ad Capucinorum ædes partitè, accuratèque compositos Ordines medius, ab alio rursus atque alio desultoriorum militum agmine exceptus, comitantibus ex utroque latere aperto Ca- pite Urbis Senatoribus, in ipsam Arcem, solis Palatinô illum, & Illésháziō equò secutis pervenit. Advenien- ti Præfectus primùm Arcis cum Militibus obvius, claves Arcis offert; has ubi Cæsarea iste contactas manu recepit; Clerus Universus Infulis, reliquoque Ponti- ficali ornatu vestitus, salutatum, in Arcis sacellum comitantur; In quo solemni DEO carmine ab Archi- Episcopo Strigoniensi dicto, festus æneis editus ma- chinis fragor, tertium insonuit; In Cæsareum con- clave admissa Nobilitas, communi diem gratulatione plausuque exegit.

Altero

Altero pòst die Bos pinguis, cornua & unguis inauratus, collum adhæc floreò circùm sertò revinctus, ex Urbe ad Palatinum, inde in Arcem tympanorum inter, fistularumque concentus, prælatò vexillò de- ductus spectaculo fuit; mox verò eodem cæsus die assari cæpit. Vespere Corona cum cæteris Regni in- signibus à Conservatoribus Coronæ, duobus Germa- niæ Proceribus, aliisque quos infrà dabimus, inspe- stante coram Regni Palatino ex turri Arcis sublata, & ad Cæsareum conclave delata est. Ibi cùm scitè omnia, & appositè Augustissimo essent aptata, porro in Turrim omnia relata sunt. Pridie inaugurationis Regiæ horâ à meridie secundâ in domum Celsissimi Principis Palatini Regni Pauli Eszterházi convene- runt præter Conservatores Coronæ C. Nicolaum Pál- fi Et c. & C. Adamum Kollonics, duósque Germaniæ Proceres, ex Clero, C. Adamus Erdödi Episcopus Ni- triensis &c. C. Sigismundus Kollonics Episcopus Va- cziensis. Ex Magnatibus C. Stephanus Kohári, C. Tho- mas de Nádasd, Adamus L. B. Berényi, Nicolaus L. B. Czápári, Georgius L. B. Gillányi, Josephus L. B. Ma- holányi. Ex Nobilibus D. Personalis Joannes Horvát Simonchich, D. Vice-Palatinus, D. Vice-Judex Curiæ Regiæ Andreas Hunyadi, D. Adamus Meskó Protho- Notarius Palatalis, D. Stephanus Nagy Judicis Curiæ Regiæ Protho-Notarius, D. Nicolaus Feszenzki, D. Gabriel Bossányi, D. Georgius Ezzinderi, D. Martinus Kosso-

Kossóvics. Tum aliis alij curribus media per civium, militumque agmina vesti, in arcem ingrediuntur. Coronâ inde & insignibus Regni, à Magnatibus Adamo L. B. Berényi, Nicolao L. B. Czápári, Georgio L. B. Gillányi, Josepho L. B. Maholányi: Totidemque Nobilibus, D. Nicolao Feszenczki, D. Gabriele Bossányi, D. Georgio Czinderi, D. Martino Kossóvics in currum Regium impositis; distributo itâ ferè ordine, ad D. Martini, Princeps Urbis templum profecti sunt, Civibus Militibúsque scitè per ordines & signa divisis. Equites primùm ingressi Nobiles non nulli, currus deinde tres partim Præfules, Magnates partim, Nobilésque deduxerunt, tum quarto Palatinus curru delatus, Postremus Coronam, & Conservatores Coronæ, Germanis hunc utrinque & Hungarîs custodibus stipantibus invexit: Hos Urbis demum Senatus pro dignitate sua splendide prosecutus. Ubi ad templi fores perveniunt; Magnates Nobilésque qui Coronam in currum antè sustulerant, hic rursus cum Cista curru expositam, in locum condendis Sacris Vasis destinatum inferunt; cujus foribus à Palatino & Conservatoribus Coronæ apposito Sigillô obseratis, Custodes Germani, Hungarique dati sunt. Exinde duabus pro Templi limine centuriis excubias agentibus, reliquus qui superabat Templi ornatus apparatus est.

Vige-

Vigesima Mensis ejusdem die, Dominica, vix dum etiam tenebris evolutâ, Cives edito quatuordecies per Urbem tympanorum Streptu evocati ad sua signa evolant, atque à Divi Michaëlis primùm porta distributo per gemina platearum latera ordine usque ad sacras D. Martino se se ædes diffundunt. Extra Urbem universa Equitum Rabuttinianorum Legio, dispertitis à Cænobio Capucinorum, usque ad plateam Tyrnaviam versùs prospectantem agminibus, profertur. Ab hac porro ad Fratrum Misericordiæ Templum usque, peditatûs Neypergiani; hinc ad Divi Laurentij portam Equitum Altheimianorum ordoporrigebatur. Horam deinde circiter septimam Palatinus cum Judice Curiæ & Magnatibus, in Arcem profectus, Coronâ interea, Regni insignibus, aliisque pro inauguratione Regia sollicitè intentéque, ab iis qui Coronam ex Arce pridie detulerunt, in Templo curatis. Haud multò pòst, Dominus Personalis Præsentia Regiæ in Iudiciis Locumtenens, cum Statibus & Ordinibus Regni in Templum ingressi; ut cuique disposita erant loca, sedesque capiunt.

Horâ 8vâ Augustissimus illo, quo referemus Or-^{20. Maj.}
_{Itex. 5.}dine ex Arce egressus. Duo qui iter præsignarent ex Cæsareis longè præibant; His compositus, & elegans famulorum ordo successit ut Dominis, colore perinde splendoréque vestium distinctus, & diversus; Tum Equites Comitatuum, Urbiūmque Legati ingressi;

Z

pro-

proximè Hungariæ , & Germaniæ Optimates equō
vesti, longum, variūmque Urbi illo, quo circumful-
gebant vestium, ornamentorūmque apparatu specta-
culum obtulerunt. Nam ut quidquid istuc amplitu-
dinis magnificentiæ erat, universè complectamur;
aurum quoquò oculos intenderes, argentūmque, no-
vo quasi cumulatōque splendore diei lucem intende-
re videbatur: usque adeò non Vests modò, sed equo-
rum phaleræ, fræni vincula, atque ipsi non nullorum
stapedes, præter aurum argentūmque, nihil quod
præterea in iis spectaretur vilius habebant: Gemma-
rum verò & unionum ea sanè hīc varietas & copia, ut
eorum si non pretium; admirationem quidem certè
eviluisse putares. Illud, né nos nostra liberaliùs æquō
comendare videamur, sufficiat: plurimos, qui ab ex-
teris huc Regnis, populisque visendi gratiâ conflu-
xerant, disertè palāmque testatos, nihil hujus se simi-
le, splendoris uspiam oculis, famâve accepisse; ut
adeò isti, in Nobilibus Hungaris (quod jam olim
Barklajus notavit) si uspiam; hīc certè animum ad
Magnificentiam factum, & veste ad delitias pompám-
que exactas, recognoscerent. Sed ad institutam nos
narrationem referamus. Agazonum hos deinceps
Magister Comes Joannes Kéri, ense, quem ab Augu-
stissimo Cæsare accepit prælato, cum Eeroldo Hunga-
riæ Excellentissimi D. Gegger Filio, Caduceatorum
n.ore vestito, albūmque bacillum manu sustinente

secu-

secutus: Augustissimus demum Ipse aurô, atque argen-
tō gemmis undique, & lapidibus distinctō vestitus,
albō quō primū in Urbem adiit equō, Senatu ponè
utrumque latus aperto capite comitante invectus est.
Omnem verò Pompæ Magnificentiam Currus Cæsa-
reus aurô itidem, argentōque prædives sex nigris ex-
quisitè ornatis equis delatus, delectūmque desultorio-
rum Militum agmen suas in turmas ordinésque tri-
butum absolvit. Ubi propè jam à Templo abesse Au-
gustissimum Clerus accepit, Universus obviam effu-
sus, lustrali ab Archi-Episcopo Strigoniensi Christiano
Augusto Duce de Saxonia aquâ aspersum, in Sacri ap-
paratūs conditorum festos inter tubarum, & tympa-
norum concentus ingredientem prosequitur. Gyne-
cæō interea à Germanis Hungarisque Magnatibus in
constructam Theatri specie molem eductō; Legati,
& Aurei Velleris Equites suis ab Aulæ Cæsareæ Supre-
mo Præfecto aliisque Hungariæ Proceribus subselliis
pro dignitate singuli excipiuntur. Non multò pòst
Templō viridi, rubrō, albōque pannō constratō: Pa-
rietibus, Belgicis peristromatis, quà aurō; quō effusè
conferta erant, quà famâ; quæ relata hæc, per Ca-
rolum V. ex Ticinensi pugna esse spolia memorat,
illustribus; quanti erant vestitis: Clerus Infulis, alió-
que Sacro apparatu ornatus prælata Cruce, Ordinem
Curiæ Regiæ Magistro cum C. Casparo Eszterházi, &
C. Wolfgango Serényi moderante, ad aram progres-
sus.

Z 2

sus. Vexilla deîn Regnorum decem detulerunt: Hungariæ C. Thomas de *Nádasd*, Dalmatiæ C. Georgius *Erdödi* Junior, Croatiæ C. Josephus *Eszterházi*, Sclavoniæ C. Franciscus *Eszterházi*, Ramæ C. Sigismundus *Botyáni*, Gallitiæ C. Joannes Junior *Pálffi*, Lodomériæ C. Joannes *Csíkulini*, Serviæ Petrus L. B. *Andrási*, Cumaniæ C. Petrus *Eszterházi*, Bulgariæ Georgius L. B. *Berényi*; Hos Conservatores Coronæ secuti, Baculum Regium C. Michaël *Eszterházi*, Gladium D. Stephani vaginâ conditum C. Franciscus *Botyáni* Pincernarum Magister præferebat. Inde Crucem Apostolicam pretiosis ornatam lapidibus C. Sigismundus *Csáki* Cubiculariorum Regionum Magister, Pommum Regium C. Joannes *Pálffi* Banus Croatiæ, Sceptrum Curiæ Regiæ Judex C. Georgius *Erdödi* pretiosis singula pulvillis imposita gestarunt. Tum hinc C. Gabriel *Erdödi* Metropolitanæ Strigoniensis Ecclesiæ Præpositoris Infulâ, Pontificioque habitu, ac præalta, quam manibus ferebat Cruce argentea conspicuus; illic C. Joannes *Kéri* nudô gladio, & *Heroldus Hungariae* alterô sceptrō prælatô; Augustissimo Cæsari anteibant: Denique Archi-Episcopum inter Colocensem C. Emericum *Csáki*, & Agriensem Episcopum Stephanum *Telekesi*, Pontificiis ornamenti vestitos, medius Augustissimus ad Aram Templi Principem assonante Tubarum Tympanorumque plausu processit.

Quò ut pervenit ad imum Aræ gradum in genua
pro-

procumbens Archi-Episcopum Strigoniensem Palatino coram adstante quæpiam pro more de Regno rite gubernando commonentem audivit. Coronâ mox aliisque Regni Insignibus in Aram repositis, Palatinus cum quinque qui Regnorum gestabant vexilla Proceribus, dextrum Aræ latus obfedit, sinistrô ab Agazenum Magistro aliisque quinque Proceribus signisque occupatô. Tum Augustissimus posteaquam oblatam ab Archi-Episcopo Crucem magno pietatis sensu exosculatus fuisset; genibus nixus impositis in Librum Evangelij, quem apertum Archi-Episcopus tenebat manibus, Justitiæ se, Pacisque studia curaturum jure jurando recepit. Illô postea in subiectum sibi pulvillum provolutô, certæ primùm ab Archi-Episcopo preces dictæ, tum illæ, quas Lytanias vocamus Cælitum omnium, usque ad verba illa: *Ut omnibus Fidelibus defunctis &c.* invocations factæ sunt. Inde continuò à duobus Episcopis, ac Supremo Aulæ Cæsareæ Præfecto levatus, sub Aræ extimique muri recessum deducitur, ubi omnibus ad unctionem rite comparatis ad Aram reductus est. Tum dicta Solenni precatione, Archi-Episcopus dextrum Illi primò humerum, ipsūmque deinceps Pectus oleo, quod dicunt Catechumenorum, inungit; exterso post intra eundem quem dixi recessum ab Episcopis oleo; Regio ab illis, autaque Cæsareæ Supremo Præfecto, Solio impositus, sacris D. Stephani vestibus induitur.

Divinō deinde sacrificiō sub Epistolæ finem interruptō, Rex gradu Aræ altiori consenso, evaginatum S. Stephani gladium ab Archi-Episcopo de genibus accepit, adiectis his solennibus verbis : *Accipe gladium sanctum Munus à DEO, in quo concides adversarios populi DEI Israël*; quō illico vaginæ insertō latus accingit, pauloque post ad populum conversus, eductō rursus, ac in tres partes vibratō gladiō, quō DEI, ac Religionis tuendæ causam se fusce pisse significaret, Crucis Signum ducit. Demum genibus ad Aram procidens Regiā ab Archi-Episcopo, & *coronat* Palatino coronâ solennes inter preces incingitur : Sceptroque, & Regni Pomō in manus sumptō, Regiō sublimis Thronō collocatur. Inde gratæ, & solennes DEO laudes dictæ: Militaris è Sclopis undique & Arcis tormentis plausus editus: datō verò in Ecclesia à Palatino signō, unâ ab omnibus communique voce *Vivat Rex acclamatum fuit.* Tum Archi-Episcopus Cælitum invocatione bonisque precationibus factis, ad Aram reversus, lecti à se Evangelij Librum Regi exosculandum præbet. Rex Coronâ Regiisque insignibus, ijs qui hæc gestare jussi, traditis; ad Aram deductus, oblatam ab Archi-Episcopo Crucem exosculatus, aureum munus argenteæ pelvi injectum offert: Illō deinde in Regium Solium reductō, reliquum Archi-Episcopus Sacrificium perfecit. Sub quo, elevato à sacrificante Sacro Christi Corpore & Sanguine;

guine; Regia Insignia in terram conversa, pauloque post erēta sunt. Postea verò, quām sacrificans Divinum Corpus sumpsisset, Rex duobus Episcopis comitatus ad aram progressus, eodem ab illo Sacro-Sanctō epulō refectus est.

Perfectō denique Sacrificiō, referatō statim Templo à Janitorum Magistro, Templique tunc delectis Custodibus C. Emerico Zichi, C. Paulo de Nádasd, C. Sigismundo Széchenyi, Antonio L. B. Amade. DD. Josepho Sigrai, Stephano Orczil, Adamo Rauch, Casparo Hrabovszki; Magnates primū, tum Aurei Velleris Equites, ac Principum Legati, aliisque deīn, illo ferè quem paulo admodum antè memoravimus ordine egressi, redimitum Coronâ Regem, per pontes rubro, viridi, albōque continenter panno instratos, inter Strigoniensem & Colocensem Archi-Episcopos medium, ad Templum Franciscanorum deduxerunt: Clero Insulis, sacrisque splendide ornatissimis vestitō cundem prosequente. Equo vextus C. Alexander Erdödy Regni Thesauro Præfetus, Argenteam in populum Monetam sparsit. Spectabatur in adversa hujus parte Globus Terraqueus nubibus circumseptus adjecto lemmate: *Constantiâ, Et Fortitudine:* Pars aversa has inscriptas habebat voces: *Carolus Tertius, Rom. Imp. Hispa. Hung. Bohe. Rex inauguratus 22. Maii.* Populi verò irruentis tumultum, turbāque submoverant Equites DD. Nicolaus San-

Sankó, Joannes Meszlenyi, Alexander Nedeczki, Michaël Baczkó. Ad Templi Franciscanorum Fores Custodes appositi Petrus L. B. Révvai, Alexander L. B. Sennyei, DD. Josephus Sigrai, Andreas Török, Stephanus Orczil, Josephus Huszár.

In Templum Rex ingressus Regiô Soliô consedit, tum à supremo Cubiculario Regio, & C. Francisco de Nádasd gladiô S. Stephani præcinctus, eoque Equites Auratos humerô ter leniter tactô Creat: Magnif. D. Paulum Mednyánckyi L. B. de Medgyes Regiæ Cameræ Hungaricæ Aulicæ Consiliarium: Perillustrem D. Joannem Franc. Péterffi Regiarum Cameræ, & Cancellariæ Hungarico-Aulicarum Consiliarium: P. D. Georgium Paluska Suæ Eminentissimæ Serenitatis Card. Ducis de Saxon. Archi-Episcopi Strigonensis Universorum Bonorum Præfectum, & Consiliarium: P. D. Joannem Antalchich Suæ Majestatis Sacratissimæ Consiliarium, & Supremæ Tricesimæ Varasdinensis Exactorem: P. D. Joannem Sigrai Tabulæ Regiæ Judiciariæ Assessorem: P. D. Paulum Afzádi Incliti Comitatûs Vesprimiensis Notarium. Sclopi rursus, tormentaque in Arce explosa insonuerunt.

Mox è Templo redux equum Rex concendit, Magnatibus itidem, Clerique omni equis invectô. Illò porro quo antè ordine, D. Michaëlis portâ egredens in eductum haud longè à Fratrum Misericordiæ Cænobio Theatrum cum duobus Archi-Episcopis, Pa-

lati-

latino, Supremo Aulæ Cæsareæ Præfecto, Judice Curiae Regiæ, paucisque aliis ascendit. Hic editiore paulum loco consistens sublatis duobus digitis usitatum Regibus Hungariæ de Libertate, Imunitatibusque Regni tuendis jusjurandum dicit: Omnibus deîn festivè elata voce Regi vitam comprecantibus; Tertiū militares sclopi, tormentaque gratulationis ergo insonuere. Inde Rex consensô equo in Mortem Regium Danubio adsum, equitando procurrit; jámque in verticem eluctatus, eductum Vaginâ sancti Stephani gladium in quatuor Orbis partes veteri Regum instituto vibrat: tum scloporum undique, & Tormentorum fragor postremum exauditus. Rex in Arcem Illustri deductus Pompâ, iis solùm qui Regia gestabant Insignia usque ad Conclave; aliis verò qui Vexilla prætulerunt usque ad Palatum duntaxat profecutis.

His in hunc modum peractis, apparatus Regio cultu Convivium celebratum est. Regis manibus priusquam Mensæ accumberet, aquam affudit Archi-Episcopus Strigonensis, mantile quo manus Rex extingeret, Palatinus obtulit: à prandio munere isto perfuncti sunt Comites Alexander Erdödi, & Franciscus de Nádasd. Eadem Archi-Episcopis, Palatino, & Legatis Principum, ab aliis porro Comitibus officia præstata: & Archi-Episcopo Strigonensi quidem à Comite Josepho Eszterházi, Palatino à Comite Antonio

A a

tonio Juniore *Eszterházi*, Archi-Episcopo Colocensi à C. Petro Juniore *Csáki*, Nuncio Apostolico à Comite Carolo *Zichi*, Serenissimæ Reip. Venetæ Legato à Comite Paulo de *Nádasd*. Principe deîn loco Rex Coronâ cinctus, ac Veste ut erat D. Stephani induitus, prior mensæ accubuit: Dextro tum latere, tantillô divisi intervallô, Archi-Episcopus Strigoniensis, Nuncius Apostolicus, & Principum Legati: Sinistrô Palatinus, & Colocensis Archi-Episcopus assederunt. Latus Regium nudo armatus ense C. Joannes *Kéri* Agazonum Regium Magister obsedit, adstante juxta Janitorum Magistro C. Marco *Czobor*, & ponè, scipionem manu gestante Curiæ Regiæ Magistro. Ubi ità confederunt, deposita Regi per supremum Aulæ Cæsareæ Præfectum Corona, super mensam in substrata aurea pelvi collocata est. Inferendis ad Mensam cibis præerat Magister dapiferorum Regium, Comes Petrus *Zichi*: Dapiferorum verò Officio fuit C. Stephanus *Csáki*. C. Franciscus Senior *Eszterházi*, C. Paulus *Pethő*, C. Franciscus *Barkóczy*. C. Thomas *Szirmai*. C. Ladislaus *Eszterházi*, C. Alexander *Eszterházi*, C. Sigismundus *Széchenyi*. C. Stephanus Junior *Eszterházi*, C. Joannes *Eszterházi*. Paulus L. B. *Mednyánczki*, Alexander L. B. *Sennyei*, Paulus L. B. *Berényi*, Gasparus L. B. *Révvai*, Antonius L. B. *Amade*, Sigismundus L. B. *Nyári*, Gabriel L. B. *Bellovics*, Georgius L. B. *Gillányi*, Josephus L. B.

Maho-

Maholányi, Nicolaus L. B. *Czápári*, Petrus L. B. *Czápári*, Joannes L. B. *Révvai*, Sigismundus L. B. *Haller*, Joannes L. B. *Makár*. A poculis ministrandis erant ij, qui extergendis manibus mantile offerebant, cum Pincernarum Regalium Magistro Comite Francisco *Botyáni*. Allata subinde desecta ex illo, quem memoravimus Bove pars, Regiis pro more Epulis accessit, reliquis interea Bovis partibus à populo direptis, ac vinô rubrô, albóque è subalto pegmate certatim in vasa subiecta excepto. Frons verò pegmatis ipsa, Jasonis cæsique ab hoc Draconis imagine pervenustè ornata inscriptos hos spectantibus versus exhibuit:

saCra VeLLerIs hesperIDVM
LargI Dant MVnera VIIna CanaLes,
ACCIpe DVM VenIt
DonVM CornVCoplæ reglæ,
Iasone arChIDVCVM
CaroLo Magno, Donata feLIX
pannonla.

Dum Regem festiva Palatinus hilaritate, & illo qui in hac pluribus inerat animi candore magnopere oblectat; convivalem tormentorum sonus lætitiamcepit: editoque subinde Nobilibus signo, magna fe-

A a 2

ftaque

stáque ab omnibus acclamatione, Vota pro Regis vita
semel, iterumque ac sæpius data sunt. Sublatis de-
mum Regiis mensis, festis Magnates Epulis alio in
Palatio assederunt: Nobilitate omni, Comitatum,
Civitatumque Regiarum Legatis, in peculiari ad hoc
delecta domo à Domino Personalis Præsentia Regiæ
in Judiciis Locumtenente, prandiō lautō, ac Magni-
ficō exceptis. Atque hæc de Augustissimi Rom. Im-
peratoris CAROLI VI. in Regem Hungariæ Inaugu-
ratione, ut quæque obvia ac proximè exposita erant
cursim carpentes, denarravimus: non quo Ampli-
tudinem illius, & Magnificentiam scribendo conse-
qui speraremus; sed ut quos in Rege inaugurando
ritus, mores, institutaque Hungaria nunc
sequeretur, paucis ad posteros trans-
mitteremus.

F I N I S.



D. O. M. A.

Quod Bonum, Felix, Fauustum,

Fortunatūmque sit

Huic Almæ Regio-Principali Societatis JESU
ACADEMIÆ CLAUDIOPOLITANÆ,

Senatui Philosophico,
Totique Reipublicæ Christianæ.

S U B

ADMODUM REVERENDO,
AC CLARISSIMO PATRE

ANTONIO MINDSZENTI,
ē S. J. AA. LL. Phil. & SS. Theol. Doct.

Almæ Regio-Principalis Academiæ S. J. Claudiopolitanæ
RECTORE MAGNIFICO, ET CANCELLARIO AMPLISSIMO.

P E R

ADMODUM REVERENDUM, AC DOCTISSIMUM PATREM

FRANCISCUM PREKENFÖLD

ē Societ. JESU, AA. LL. & Philosoph. Doctorem,

nec non altiorum Scholarum Praefectum,

ET ACTUALEM PRO-CANCELLARIUM

Illusterrimi, Spec. Rev. Præn. Nob. Eximii, tam Virtute, quam
Erud. Conspicui, AA. LL. & Phil. Baccalaurei, in Aula Academ. Ke-
gio-Princip. Claudiopolitana Societ. JESU, Anno M.DCC. XXXV. Mensi Augo, die
11. horâ 8vâ Mat. ad Supr. in Philosophia Lauream consequendam licentia donati sunt.
Deinde vero ibidem per

R. P. ANDREAM GALL

ē Societ. JESU, AA. LL. & Philosophia. Doctorem,

ejusdémque Professorem Emeritum, & p.t. Seniorem

Supremâ Magisterii, seu Doctoratus Philosophici
Laurea condecorati sunt.

NOMINA PROMOTORUM.

Illustrissimus, Spectabilis, ac Magnificus Dom. FRANCISCUS è Comitibus KALNOKY, de Körös-Patak, Siculus, ex Sede Sepsi.

D. ALEXIUS CSERETI, de Nagy-Ajta, Spectabilis, Siculus, ex Sede Csik, è convictu Nobil. Defendit universam.

D. FRANCISCUS HEMERL, Nobilis, Transilvanus, Albæ-Carolinensis, ex Comitatu Albensi. Defendit Universam.

Illustrissimus, Spectabilis, ac Magnificus Dominus FRANCISCUS è Comitibus KALNOKY, de Körös - Patak, Siculus, ex Sede Sepsi. Defendit universam.

D. GABRIEL Szorossi, Nobilis, Ungarus, Somlyoviensis, ex Comitatu Krasznensi, è Convictu Nobilium. Defendit universam.

D. EMERICUS Vizy, Nobilis, Ungarus, Jászberiniensis, ex Districtu Jazygum, è Sem. S. Jos. Defendit universam.

R. D. MARTINUS GERGELYFI, Nob. Siculus, Ditroiensis, ex Sede Gyergyó, è Sem. Cler. Alumnus Illyesianus. Defendit universam.

D. SIMON CSOBOTT, Nobilis, Siculus, Altioriensis, ex Sede Kézdi. Defendit universam.

D. THOMAS MONOS, Nobilis, Siculus, Korondiensis, ex Sede Udvarhely. Defendit universam.

Ordine alphab.

Ordine alphab.

R. D. FRANCISCUS Csaki, Nobilis; Sic. Altioriensis, ex Sede Kézdi, è Sem. Cler. Al. Ap. Defendit universam.

R. D. GREGORIUS SANDOR, Præn. Sic. Vacsárciensis, ex Sede Csik, è Sem. Cler, Al. Apor. Defendit universam.

D. SIGISMUNDUS TRSTYANSZKI, De eadem, Nob. Ung. ex Com. Trenchiniensi, è Con. Nob. Defendit universam.

D. ANDREAS CSIKI, Nobilis, Siculus, Zetalakiensis ex Sede Udvarhely. Defendit universam.

D. ANTONIUS FARKAS, Prænobilis, Ungarus, Claudiopolitanus, ex Comitatu Kolosiensi. Defendit universam.

R. D. STEPHANUS BORSOS, Nob. Ung. Hâtszegiensis, ex Comitatu Hunyadiensi, è Sem. Cler. Alumnus Aporianus. Defendit universam.

5. D. STEPHANUS DAVID, Nobilis, Siculus, Szent-Lékiensis, ex Sede Kézdi.

6. D. FELIX ALKMAN, Nobilis, Siculus, Remetensis, ex Se-de Maros, è Seminario Sancti Josephi.

PROBLEMATA IN ACTU DECISA.

- I. An vera felicitas consistat in bonis fortunæ? An verò in bonis animis?
- II. An cunctatio, aut festinatio plus momenti ad victoriam?

O. A. M. D. G.



R. D.

**Haáz Rezső Múzeum
Tudományos Könyvtára
Székelyudvarhely**

O. B. M. 1. 0

Haáz Rezső Múzeum
Tudományos Könyvtára
Székelyudvarhely